

folklor kurdan

Zargotin zêrgotin e,
zêrgotin zorgotin el!

Sal: 1
Hejmar: 3
Temmûz
Tebax
Îlon
2015



ŞAREDARIYA BAJARÊ
MEZIN A AMEDÊ



KURDÎ-DER
NAVEND



Seydayê Tîrêj



- **Kovara Folklorê ya Sê Mehane**
- **Sal: 1 Hejmar:**
- **Xwedî:** Li ser navê Şaredariya
Bajarê Mezin a Amedê,
Gultan KISANAK
- **Edîtor:** Eşref KEYDANI
Jêhat ROJHILAT
- **Redakşîyon:**
Ridwan DÎZMAN
Zerweş ESNAW
- **Berpirsa Nîvîsan:**
Zeyneb YAŞ
- **Desteya Weşanê:**
Mahpus SERHEDÎ
Şemsa ÎLBAŞ
Weşî ARCAGOK
Asmîn ÜYANIK
Mem MUKRIYANÎ
Ronya BEWRAN
- **Berga Pêşîn:** Gazi ÇAĞDAŞ
- **Wêne:**  DİHA
Ferhat ASLAN
Refik TEKİN
Dürzân CÎRANO
Metin UĞUR
Ahmet DOĞRU
İskan ALTIN
Abdurrahman GÖK
- **Xêz:**
Yusuf ALKAN
Kawa (Engin KAYA)
- **Navîşan:** Huzurevleri Mah.
Doktor Sıtkı Göral Cad. 13. Sok.
No: 4-1 Kayapınar-Diyarbakır
Tel: 0530 301 11 53
- **Çap:** Gün Matbaacılık
Beşyol Mevkii Akasya Sok. No:
23/A Küçükçekmece İSTANBUL
Tel: 0212 580 63 81



PÎNE

Diyar e ku dê her hejmarê hinek pîneyên me
hebin. Ji bo hejmara 2. birêz Feratê DENGİZÎ
pîneyek li kovarê zêde kir. Pîneya wî li jêr e:

Di rûpela 62'yan de kilama "Ehmedê Mala
Musa" heye. Ev bûyer li Bilokaya Dêrikê cêbûye
û rast e; lê navê vê stranê ne "Ehmedê Mala
Musa" "Hesenê Mala Musa" ye. Nîvîskar Adar
JîYAN bi navê "Seyrê" romana wê ji nîvişîye.
Hozan Şivan di serî de getek dengbêj wek
"Ehmedê Mala Musa" distirêne lê ne rast e. Min
di Kovara W'yê de ji ev rexne anîbû. Û dibe ku bi
şaşî wisa li hin deveran rûniştibe.

Tikaya min ew e ku hûn di hejmara sêyemîn de
wek jêrnişeyeke qal bikin ew ê xizmetê ji rastiya
folklor û çanda me re bike.

Li ser vê daxwaza birêz DENGİZÎ me ji berê xwe
da vê niqaşê. Tê xuyakirin ku ev kilam bi herdu
awayan ji hatîye gotin. Kê bi ci awayî gotiye me
râxist ber cavan, êdi niqaş a lêkolîneran û bîryar
ji ya we ye.

Hesen Cizrawî: Hesenê Mala Muse
M.Arif Cizrawî: Hesenê Mala Musa
Murat Bektaş: Hesenê Mala Musa
Dr. Serdar Budak: Hesenê Mala Muso
Dengbêj Miraz: Hesenê Mala Musa
Hozan Hisen: Hesenê Mala Musa
Dengbêj Xale Ahmet: Hesene Mala Muso

Seid Axa Cizîri: Ahmedê Mala Musa
Şivan Perwer: Ahmedê Mala Musa
Hesen Eli Xencerî: Ehmedê Mala Musa
Rojda: Ahmedê Mala Musa
Chopy Fetah: Ahmedê Mala Musa

Bi hêviya ku hûn me bê pîne nehêlin.

Têkilî:



- 3 → Ji Edîtorî
4 → Çanda Xwarina Kurdan- Ramazan TURGUT
11 → Lurik-Nazîf ÇAKIR
12 → Folkornas û Wêjevan Sadiq Behadîn Amîdî-Kerîm ŞEHREZA
14 → Ferhenga Rezvaniyê 2-Dawûd Gulsun BAGÛRÎ
18 → Pirsên Berevkirin û Arşîvkirina
 Nimûnên Muzîka Kurdî-Dr. Nûrê CEWARÎ
22 → Di Fabilên Kurdî De Rovî-Ridwan DÎZMAN
30 → Pixço-Yasemîn ERBAN
37 → Çi Di Hûr De Çi Di Tûr De-Feratê DENGİZÎ
39 → Hîri Birayî û Padîşah-Sedef KANDEMÎR
40 → Derba Gotinê-Bahoz BARAN
42 → Şêrê Ciwan û Roviye Pîr-Nasir TORÎ
44 → Pîran de Keyneki Waşîş û Veyve Kerdiş-Mamoste SILÊMAN
47 → Kêco-Mahpûs SERHEDÎ
56 → Çand- Shahînê Bekirê SOREKLÎ
60 → Pirpizê Pizê Pizê....-Zeynep YAŞ
61 → Meselokek-Zozan BUDAK
62 → 250 Nifirêن Biderb-Hîlmî AKYOL
65 → Çîrokêن Navlêkan (2)-Mem MUKRÎYANÎ
70 → Bavo Jî Sîr Kuta-Pinar YAMAN
71 → Gonçe-Hatayî DEMÎR
72 → Duayî û Zewtî-Leyla GULTEKÎN
74 → Çîrokêن Gelerî-Mustafa GAZÎ
77 → Luye û Ewriş-Zerweş ESNAW
78 → Pêvervistişê Estanika Hîrê Birayan û
 Destana Odessa-Serhat KILIÇ
81 → Estaneka Veyvi-Derman UNGUR
82 → Meqes-Mewlûd HESKİFÎ
84 → Di Eşîra Duderan De Navêن Pezê Meşin-Îdrîs KARTAL
89 → Keyneka Qedersîya-Ferîda AKTURAN
93 → Meşk û Gû-Weyşî ARCAGOK
97 → Nemrûk- Ridwan TAY
99 → Ferhengê Citêran-Denîz MAYA
103 → Xacêpirsa Mamikêن Ajalan-Ronya BEWRAN
104 → Bersivdank-Ronya BEWRAN

Bendewarino:

Silaveke zozanî, li we û civata hûn lê hazir. Di vê germegerma havînê de ji silaveke zozanî xweştir herhal ti tişt tune ye. Ku mirov niha li Kanîya Kewan rûnişa û tasek ava sar vexwara an li Zozanê Feraşînê sîyabo û mendik berhev bikira an li Çiyayê Kizwanan pişa xwe bidaya kevirekî Kelha Selehadînê Kurd û li deşta Hesekê binêriya an jî li Efrînê li bin dareke zeytûnan bûya. Ev dîmen hemû jî xweş in li di hemûyan de tiştek kêm e. Dawîya wan hevokan wiha ye: û di destê mirovî de Kovara Folklora Kur-dan hejmara 3. hebûya dê dinya li mirovî bibûya bihuşt.

Biqasî ku em pê dihesin dibêjin kovara we/me bûye teberik û kes peyda nake. Dema hûn wisa dibêjin çiqas kêfa me tê. Çimkî em hingê têdighîn ku em karekî biqîmet dikin. Ma hemû tiştên biqîmet ne wisa ne. Ka li derdora xwe binêrin hûn ê bikaribin zêr û zîv û durr û yaqûtan bibînin. Nexêr. Ew jî wek kovara me kêm têr dîtin. Bi xêr sala bê ango piştî hejmara 4. hûn ji me nexwazin jî -wekî ku Miradê Kinê dibêje- em ê kotevê, bi darê zorê kovara xwe bidin we. Hingê dê sewta we sar bibe.

Henek û genek bila bimînin bi rêya xwe, em werin ser gotinên tirtire. Bi int û niç û zor û zehmetîyê be jî me karî em vê hejmarê jî bisînîn ber derîyê we. Xwedê em fedîkar nekirin û em îcar jî destvala nayen ser palas û doşega we. Tûrê me tijîye, hêdî hêdî destê xwe dirêjî rûpelan bikin. Bes di carekê de bi ser xwe ve nekin dibe ku hûn gêjomêjo bibin. Giran giran bixwînin, çewtî û kîmasîyên me li cihekî binivîsîn û heke ciyekî bi we xwes hebe jî hûn dikarin zirt û pesnê me jî bidin. Jixwe em wek Kurd çîkûsên gotinên xweş in û destbelayên nifir û rexne û dijûnan in. Bila pesn û rexne ji me re, dijûn û nifir jî ji dostê dijminên me re bin.

Germîya havînê dawîyê zû li tiştan tîne. Wek her tiştî dawî li nîvisa me jî anî.

Em hêvî dikin ku devê we li ken, wechê we li ser xweşîyê, berê we li karûbarê folklorê be. Herwiha bila rojîya we qebûl, cejna we jî pîroz be.

Heta civateke din bimînin di xweşî û başîyê de.



Çanda Xwarina Kurdan

Xwedîkirin bi xwe re çanda xwedîkirinê ango çanda xwarinê jî tîne. Ev çanda xwarinê ne tenê xwarin bi xwe ye. Dema ku xwarin bû beşek ji çandê, tenê ne xurek tê bîra mirov. Çanda xwarinê ji bidestxistina qûtê xwarinê dest pê dike heta mirov xwarinê dixwe û rewşa piştî xwarinê jî di nava xwe de dihewîne.

Ramazan
TURGUT

Destpêk

Mirov hebûneke biyolojîk e. Ji ber vê xwedîkirina mirov jî bûyereke biyolojîk e. Dema ku em dibejin xwedîkirin, wateya wê ew e ku bedena mirov bi qût tê xwedîkirin. Di encama qût/xurek/xwarinê de tiştê pêwîst ji bo laşê mirov wek vîtamîn û enerjî derdi keve. Ev vîtamîn, dohn û enerjî di nava xure-

kan de ye. Dema mirov xwarinê dixwe, xwarin di nav bedena mirov de dikeve rîwingiyekê. Ev rîwingî jî dev dest pê dike heta ku diçe ûr/mîde'yê didome. Di ûr de ev xwarin parce dibin û dibin vîtamîn, dohn û enerjî. Dûvre di laşê mirov de belav dibin. Bi vî awayî zindîbûna bedena mirov berdewam dike.

Xwedîkirin bi xwe re çanda xwedîkirinê ango çanda xwarinê jî tîne. Ev çanda xwarinê ne tenê xwarin bi xwe ye. Dema ku xwarin bû besék ji çandê, tenê ne xurek tê bîra mirov. Çanda xwarinê ji bidestxistina qûtê xwarinê dest pê dike heta mirov xwarinê dixwe û rewşa piştî xwarinê jî di nava xwe de dihewîne. Bi gotineke dî çandina zad an xwedîkirina heywanan, amadekirin an hilandin û bidestxistina xurek û alavên xwarinê, pijandina xwarinê, raxistina sîfrê, rîzkirina cureyên xwarin û vexwarinê, rîbaza rûniştina li ser sîfrê, serenomiya destpêka xwarinê, rakirina sîfrê bi tevahî çanda xwarinê yan jî çanda xwedîkirine derdixin holê.

Kurdan jî wek her neteweyî yan wek her şaristaiyê çanda xwe ya xwarinê ava kiriye. Kurd li ser axa Mezopotam-yayê bi gelên Ereb, Ermen, Asurî, Dom û Türk re dijîn. Ev encam, bivê-nevê çandeke hevpar ava dike. Gellek xwarin hene ku tu kes nizane bê vê xwarinê bingeha xwe ji Kîjan çandê gitte. Lê herî zêde bandora Erebani li ser Kurdan çê-bûye. Ji ber ku dînê Kurdan û Erebani yek e ji hev gellek sûd wer-girtine. Lê ev rastî jî heye ku li ser axa Kurdistanê çandê qedîm yêngî Kurd û Asurî û Ermeniyan e. Ev çandên qedîm ji ber ku cîranên hev bûn bandorêne mezin li hev kirine. İro gellek kevneşopiyan ku tên şopandin bûne malê van neteweyên cîran.

Kurd li ser axake dewlemend û biber dijîn. Li zozanêne Kurdistanê her cureyên fêkî, sebze û giya tên çandin. Herwiha gellek cureyên heywanan tên xwedîkirin. Kurdistan ji hêla çeman ve gellekî dewlemend e. Li deverên çiyayî zedetir karê sewalvanî tê kirin. Li deverên deştan da cotkariya fêkî, sebze, giya û qûtî tê kirin.

Bi taybetî xwarin li ser bingeha nîn hatiye avakirin. Ji ber vê wek kevneşopiye, Kurd gellek qiymet didin nîn. Ev jî çandina gênim dixwaze. Jixwe Kurd herî zêde gênim diçenin. Herciqas van salên dawî cureyên çandiniyê zêde bûbin jî disa çandiniya gênim serkeşiyê dike. Kurd tenê ji êrd nanê sêlê, nanê tenûrê, nanê şikeva, nanê heftewikî, nanê silikî û hin cureyên dî yên nîn çedîkin. Ev nan tev ji hev cuda ne. Lê belê beriya ku mirov bikeve jiyanâ niştecihî, xwe bi hatinê heywanan xwedî dikirin. Ji ber

ku cotkarî bicibûnê dixwaze beriya ku mirov niştecihî bibin ji bo jiyanê goşt, şîr û mast û dew ango bi hatinê heywanan mirovan jiyanâ xwe didomand. Wek goştê birastî, goştê kelandî, goştê qelandî bi dehan cureyên pijandina goşt hene. Lê ev nayê vê wateyê ku tenê hatinê heywanan dixwarin. Di dema koçberiyê her devera ku dicûn de bi giyayê xwe yên cuda cuda dewlemend bûn. Wek parpar, kereng, tolîk, tuzik û bi sedan cureyên giyayê ku xwarin ji wan çedîbin.

Xwarinê Kurdan mijareke wisa ye ku qet li serê wê nehatiye rawestandin. Herciqas di hêlén dî de kêm xebat hebin jî mirov piştrast e ku xebatin hatine kirin. Lê li ser çanda xwarinê Kurdan tu xebatêne berbiçav nehatine kirin. Ya rast van demêni dawî piştî ku televizyonê Kurdan zêde bûn bi awayekî bernameyên xwarinan, xwarinê Kurdan hatin nas-kirin. Herciqas kovar, pîrtûk û rojnameyên Kurdan li ser xwarinê Kurdan ranewestibin jî çanda xwarinê Kurdan heta ku mirov bixwaze dewlemend e.


İro li gor mercen jiyanâ modern gellek xwarinê kevn yên Kurdan hatine guhartin an hatine jîbirkirin. An iro ew xwarinê kevn bi navên nûjen bi pijandineke nûjen tên naskirin. Ji van xwarinan hin jê merge, mehîr, kutîlk, şamborek, hêkediims, qawît û bi sedan cureyên dî her yek ji wan nişana çanda Kurdan in.

1. Xwedîkirin (Xwarin û Vexwarin)

1.1. Pênaseya Xwedîkirinê

Ji bo ku bedenê mirovan bi awayekî tendurist jiyanâ xwe bidomîne, pêwîstî bi xwarin û vexwarinêne ku ji heywan, nebat û sirûştê çedîbin heye. Ji bo tenduristiya bedenê hemû xwarin û vexwarin bi navê xwedîkirin tê binavkirin. Xwedîkirin ji bo ku laş zindî bimîne tevgereke mecbûri ye. Wek tê zanîn di nava xwarin û vexwarinan de karbon-hidrat, protein, rûn(dohnl), vitamîn, av û mîneral hene. Ev tendûristiyê ango zindîtiyê didin bedena mirovan. Bi vî awayî xwarin û vexwarin dibin çalakiyeke biyolojîk. Jixwe biyolojî ew zanist e ku ji xwe re zindîyan dike mijar.

Di vir de dema ku em bêjin xwarin divê her cureyên ku mirov dixwe û vedixwe bê bîra mirov. Ji ber vê ye ku di dewsa bêjeyen xwarin û vexwarinê de em ê tenê bêjeya xwarinê bi kar bînin. Jixwe xwarin di nava xwe de vexwarinê jî dihewîne.






1.2. Tekiliya Xwarin û Çandê

Her tiştê ku bi xwarin û vexwarinê re tekîdar e parçeyekî çandê ye. Di nava çanda netewyan de medbx (pêjgeh) roleke girîng dilize. Xwarin bi qasî bandora xwe ya biyolojîk xwediyê bandoreke çandî jî. Di navbera hemû medbxênen dînyayê de cudatiyên mezin hene. Ev cudatî ji ber çanda mirovan çêdibe. Sedema cudatiya çanda medbxê ji baweriyênen dîn û çanda netewyê, ji heywanênu ku li derdorê têن xwedîkirîn û nebatênu ku li derdorê hene çêdibe. Wek dî asta dewlemendî û asta jiyana civakî jî çandeke xwarinê bi xwe re tîne.

Kurd bi awayekî kevnesopî debara xwe li ser sewalvanî û cotkariyê dimeşînin. Heta dawiya sedsala nozdehan jî Kurd hê bi awayekî koçertî yan jî nîvkoçertî dijîyan. Wek tê zanîn di jiyana koçertyê de xwedîkirina mirovan li ser goşt û li ser jêhatinêne şîr e. Ji bo ku mirov, heywanan xwedî bikin bi jiyaneke koçeri dijîn. Ev jî bi xwe re çandekê ava dike. Di jiyana Kurdêne koçer de xwarinêne sereke jêhatinêne goşt in. Bi goşt re şîr, mast, dew, penêr û nivîşk jî xwarin û vexwarinêne sereke bûn.^[1] Lê dema mirov ketin jiyana niştecihî êdî wan dest bi cotkariyê kirango wan dest bi çandiniyê kir. Çandiniyê jî bi xwe re çandeke nû ava kir. Di serî de ji bo nîn çandiniya gênim roleke sereke lîst. Îro jî bi dehan cureyên nîn hene. Wek nanê te-nûrê, nanê sêlê, nanê şikeva, nanê şilikî... Êdî mirovan bi awayekî niştecihî heywan xwedîkirin û karê çandiniyê kir. Ji ber vê ye ku mirov her dem li devera ku xwarin û av bi hêsanî tê dîtin bi cih bûne. Heta bajarênu mezin yên îro jî li dora çeman hatine avakirin. Dema mirovan dest bi hilberandinê kiriye, vê yekê jiyana civakî jî bi xwe re guhartiye. Bi vî awayî bajarvaniyê dest pê kiriye. Ango bi saya hilberînê mirov ji asta gundîtiyê derbasî asta bajarvaniyê bûne. Di bajaran da çanda xwarinê ji ya gundan cudatir bûye.



[1] Mirella Galletti, Kürt Yemek Kültürü, Weşanên Avesta, İstanbul, 2009, r. 26.

Xwarin; li ser jiyanâ kesayetî û jiyanâ civakî xwedî bandoke mezin e. Mirov ji hêla fizyolojîk ve çiqasî girêdayî xwarinê be ewqasî jî girêdayî civakê ye. Bi gotineke dî jiyanâ ku li ser xwarinê hatiye avakirin bi xwe re çanda xwarinê jî ava dike.

2.Di Çanda Kurdan De Çanda Xwarinê

Wek her neteweyê li ser rûye cîhanê, Kurd jî xwediye taybetmendiyê xwe ne. Kurdan jî li gorî jiyanâ xwe çandeke xwarinê ava kiriye. Herçiqas Kurd li ser axake berfîreh belavbûyî bin jî ji hêla xwarinê ve çandeke hevpar ava kiriye.

Di çanda bidestxistina xwarinê de mîr; rola şîvîn, jîn; rola bêrîvaniyê dilizê. Bi taybetî peywira zilamê malê destxistina zadû qûtî ye. Ev wek peywira sereke ye ji bo zilêm, an mîrên malê. Peywira jînê ya sereke jî çêkirin û amadekirina xwarinê û rakirina sifreyê ye. Li gorî vê rîbazê mîrên malê haywanan xwedî dikin, zêviyan dicînin. Ji bo bidestxistina qûtû zadê malê li derive dixebite. Li gor şertîn jiyanê heywanan xwedî dike, şivantiyê dike, kayê an xûrekên heywanan amade dike, li gor pêwîstiyê, heywanan difiroşe yan ji bo xwarinê wan digurîne. Ger bi cotkariyê debara xwe bike vê carê erdê xwe dikole, bîzir direşîne, paleyiye dike yan di dema modern de bi maşîneyê zadê xwe dide hev. Ê zêde difiroşe û yê ji bo debara malê li malê bi cih dike. Li hember xebatê zilamên malê, jînen malê jî her cure xwarin û vexwarina kesên malbatê amade dikin. Bi xwarinê re, malê jî ji bo jiyanê bi her awayî amade dikin. Xurekên xwarinan dihelin, li gor danê xwarinê, xwarinê amade dike, piştî xwarinê sifreya xwarinê radike, fîraqên xwe dişo û ji bo danê dî yên xwarinê amadeiyîn nû dike.

Rêgezeke rûniştina li ser sifreyê heye. Li gorî vê rêgezê zilamê malê yê herî pîr li serê sifreyê rûdinin. Ger mîvan hebin, jîn ya piştî xwarina mîvanan xwarina xwe dixwin an li odayeke dî dixwin. Eger mîvan nebin kesen malbatê bi hev re li ser sifreyê rûdînîn. Destpêka xwarinê bi kesê ku serê sifreyê girtiye dest pê dike. Bi taybetî ev kes yan bav e yan jî kalikê malê ye.^[2] Jixwe di amadekirina xwarinê de tenê jîn dixebeitin. Li gor çanda Kurdan di xwarinê de aliye herî xweş an ku aliye herî tahmdar datînin ber mîvanan an mezinîn malê. Ji vir jî diyar dibe ku di navbera xwarin û hêzê de tekiliyek heye. Ev rîbaz bi awayekî sirûştî didome. Hemû endamên malbetê ji vê destûrê rez digirin. Di dema ziyaftan de ev rîbaz dişa xuya dibe. Li gor statuya kesan rûniştina li ser sifreyê tê amadeke-

rin. Kesên herî bistatû li cihe sifreyê yê herî baş rûdine û aliye herî xweş ê xwarinê jî li ber datînin. Dema ji bo mîvanekî sewalek tê serjekirin serê sewalê di nav sêniyekê de tînin li ber mîvan datînin. Ev yek qedirgirtina mîvan û statuya mîvan derdixe pêş. Dema mîvan tune be serê sewal tînin li ber mezinê malê datînin. Di ziyaftan de mazûvan çiqas zêde xwarinê amade bike ewgas jî serbîlind dibe. Jixwe di nav Kurdan de têgeha eşîriyê bi wateya comerdiyê ve girêdayî ye.

Xwarin tenê ne tiştekî fizyolojîk e. Xwarin tekiliyekê di navbara kesen li ser sifreyê de ne çêdike. Bi gotineke dî dema xwarinê dema civakîbûnê ye jî. Bi taybetî sîv ji bo civakîbûnê cihekî girîng digire di çanda xwarinê de. Ji bo ku endamên malbatê bi tevahî li ser şîv kom dibin. Endamên malbatê tenê li ser sifreyê bi awayekî li bal hev in. Di vir de bûyer û rewşa jiyanê tê parvekirin. Demen xwarinê di navbera kesen malbatê dê desthev-girtinekê çedikê. Jîyanekî kollektif û ramanen hevpar derdikevin meydânê. Wek dî ziyaftet, mewlûd û sifreya fitarâ di nav civakî de hevgirtinekê manewî çedikê. Wek tê zanîn dayîna mewlûdan li ba Kurdan gellekî bi qiyimet e. Kurd jî bo her serkeftinên jiyanê yan dema xemgîniyên jiyanê mewlûdê didin. Wek dawet, sinnet, çêbûna zarokan, mirin...

2.1.Pergal û Alavên Sifreyê

Raxistina sifreyê li erdê li ser cilikan an sêniya xwarinê tê amadekirin. Bi taybetî bi awayekî gilover tê raxistin. Li gor hejmara kesen malbatê yan kesen mîvan sifre bi axayekî dirêj tê raxistin. Di çanda Kurdan de hemû xwarin li ser sifreyê tê raxistin. Xwarina sereke, nan şorbe, selete, av, dew, şeranî di heman demê de li ser sifreyê amade ne. Alavên sifreyê; teşpîk, kevçî, qede, sênî hene. Dema mirov xwarina xwe diqedînin ji ser sifreyê radibin. Jin an jînen malê sifreyê radikin. Di vir de dibe neyê jîbîrkirin ku cureyên xwarinê û alavên xwarinê li gor dewlemendiya malbatan tê guhertin.

Beriya destpêkirina xwarinê; destşûştin û li ser sifreyê gotina bismillah wek adetên sifreyê ne. Gotina bismillah bi wateya bi navê Xwedê ye. Wek dî dema mirovan tê xwar duyekê dikin. Piştî xwarinê siwakkirina diranan ji rola dînê tê. Ev jî çanda İslâmî ye ku ketiye nav çanda Kurdan. Ev jî bandora dînê ya li ser çanda neteweyan diyar dike.^[3]

Wek dî destar, tenûr, cîrn, tifîk, kalok, meşk hin alavên dî yên ji bo amadekirina xwarinê ne.^[4]

[2] Hayâtî Beşirli, Yemek, Kültür ve Kimlik, r. 168, Millî Folklor, 2010, www.millifolklor.com

[3] Mirella Galletti, Kürt Yemek Kültürü, r. 26, Weşanên Avesta, İstanbul, 2009

[4] Dilazad ART, Tûrik, r. 48, Weşanên Zanîngeh, Stenbol, 2011

2.2. Di Çanda Kurdan De

Vexwarin

Di vexwarinan de jî civaka Kurdan hin kevneşopî ava kîrine. Jixwe vexwarina herî sîrûstî av e. Ji bilî avê di nav civaka Kurdan te tiştê herî zêde tê vexwarin bêguman dew e. Dew her dem li ser sifreyê amade ye. Bi taybetî mehîn havinê dew jî ser sifreyê kêm nabe. Çay û gehwe di van sed salên dawî de ketine nav çanda Kurdan. Berê ji ber ku çay biqiyet bû, tenê didan mîvanan. Qehwe jî jixwe ya axayan bû. Tenê kesen dewlendem û axayan qehwe çedikirin û vedixwarin. Lî iro çay û qehwe ji bo ku li her deverê bi hesanî tê peydekirin ci dewlendem ci xizan vedixwin. Di pêşkeşkîrina vexwarinan de pêşkeşîya ewil ji bo mezinan e. Dûvre bi awayekî dorê li ciatê digerînin. Jixwe ji ber sedemên dînî vexwarina araqê di nav Kurdan de nebûye adeteke rojane.

3.Bandora Dînê Li Ser Çanda Xwarinê

Bêgûman dîn bi hêza xwe ya mezin bandor li ser çanda mirovan dike. Kurd ji ber ku miselman in bivê-nevê bandora dînê İslâmê dibe hebe. Çavkaniyen İslâmê Quran û sinnet li ser helal û heramîyen xwarin û vexwarinê radiwestin. Jixwe dînê İslâmê bi xwe re çandeke xwarinê ava kiriye. Tiştên ku dînê İslâmê heram/qedexe kirine di nav Kurdan de jî nayêن bikaranîn. Bi taybetî her cureyên araqê û göstê berazan heramên berçav in. Wek dî di dînê İslâmê de xwarina leş, xwîn, heywanênu ku ne li ser navê Xwedê hatine serjêkirin, heywanênu xeniqî, heywanênu kuştî qedexe ne.^[5] Ji ber van sedeman Kurd göstênav borî naxwin û van xwarinan di çanda xwarinê Kurdan de cih negirtine. Ev jî bandora dînî ya li ser çanda Kurdan derdixe pêş. Wek dî xwarina zêde îsraf tê qebûlkirin. Îsraf jî di dînê İslâmê de tiştêkî nebaş e. Piştî xwarinan ji bo tenduristî û paqîkirina diranan bikaranîna darikê siwakê jî disa ji dînê İslâmê tê.

3.1. Nîşaneyên Çanda Xwarinê ya Kurdan

Di bingeha xwe de her xwarin malê çandekê ye. Anglo her çand bi xwarineke xwe ya taybetî tê naskirin. Dema mirov



behsa pîzzayê dike tenê û pêşî İtalya tê bîra mirovî. Bi ví awayî dema ku mehîr û serûpê tê gotin Kurd û çanda Kurdan tê bîra mirov. Nexwe hin xwarin bi hin çandan ve hatine girêdan. Li her deverê dinyayê mirov bi xwarinê xwe yên navdar mîhrîcanan amade dikin. Hêja ye ku Kurd jî mîhrîcana mehîr û serûpêye li dar bixin.

3.2. Xurekêni Li Kurdistanê

Li ser erda Kurdistanê cotkar herî zêde genim, ceh, nîsk, nahk/nok, birincî û garis diçinîn. Wek sebze jî fasulî, bacan(firingî), bacanê reş(balıcan), kelem, gezer, spanak, pîvaz, tîvir, xiyar û bamya gellekî tê çandin. Wek fêkî zebeş, petêx, sêv, alûce, hîrmî, xox, hêjîr, hînar û tirî navdar in û bi awayekî zêde tê çandin. Kurd ji bo ku rûn bi dest bixin zeytûn û kunciyâ bi kar tînin.

Li Kurdistanê herî zêde göstêni mih, bizin, çêlek, eloq û mirîşkan tê xwarin. Xwarina masiyan di nav Kurdan de gellekî kêm e.

Di nav Kurdan de vexwarina zêde av, çay, dew, şîr û qehwe ye. Bi taybetî ji mîvanan re çay tê ikramkirin.

Giyayênu ku li Kurdistanê sîn tê; kereng, gurîz, surim, parpar, xerdel, gezgezk, tolîk, şopîl, kardî, qîfal, şinêrek, tûzik, strîzerk...^[6]

4. Çanda Xwarinê û Edebiyata Kurdan

Edebiyata Kurdan berî her tiştî edebiyateke İslâmî ye. Edebiyata Kurdan ji edebiyata Erebî, Farîsî û Türkî sud wergirtiye. Bi belavbûna medreseyan re xwendin û nîvîsandin di nav Kurdan de belav bû. Ev bû sedema mirovîn zana û hunermend derkevin meydanê. Bi dehan seydayê medreseyan bi zimanê Kurdan berhem nîvîsandine. Bêguman her berhem hêjayî pesindayîne ne.

Xwarin çawa hêmaneke çandê ye bi wî awayî hêmaneke edebiyatê ye jî. Nexwe edebiyata Kurdan jî li ser çanda xwarinê rawestiyaye. Di vir de wek nimûne em ê behsa du zana û helbestvanênu Kurdan bikin.

[5] Hayati Beşirli, Yemek, Kültür ve Kimlik, r. 166-167, Millî Folklor, 2010

[6] Dilazad ART, Türkî, r. 49, Weşanên Zanîngeh, Stenbol, 2011

Ehmedê Xanî di berhema xwe ya navdar de li ser çanda xwarinê sekiniye. Xanî hem li ser nav û cureyên xwarinan hem jî li ser pergala sifreyê rawestiyaye.

Elqisse, bi şewketa xwe ew Mîr Rabû, bi xwe bûye çasînîgîr

Kêşa wî bi meclîsa xwe [deste]xanek
Goya kire ferşî asîmanek

Qursê Meh û Mîhrê asîmanî
Înan te digot bi çayê nanî

Ev lengeriyêd û zîv û zérîn
Suhbet felekêd û jor û jêrîn

Her sehnê mezin mîsalê bircek
Serpoşê li ser rengê durcek

Her tebsî û kaseyêd û fexfûr
Yek exterê pirziya yê pirnûr

Cedî û Hemelê di asîmanî
Bîryan û kebabê mîhemanî

Her kase û tebsiyêd yek enbar
Serşar û şebihê nefşê emmar

Enwayê teamê çerp û şîrîn
Elwanê xida û nuqlê rengîn

Van meşrebe û eyaxê çînî
Dewran dikirin bi nazenînî

Seyyare sifet bi geşt û seyran
Herçû ku didî, dimayî heyran

Narinc û turunc û nar û leymû
Newbaweyê şaxîsarê mînû

Fanîz û nebat û qend û şeker
Mawerd û zebad û mîsk û enber

Hindan dikirin meîde, xaze
Hindan dikirin dîmaxî taze

Mecmer geriyan bi ûd û enber
Bûn cümle meşamê can muetter ^[7]

[7] Ehmedê Xanî, Mem û Zîn, Amd. Huseyn Semrexî, r. 115-116, Weşanên Nûbihar, Stanbol, 2010

Mele Xelîlê Sêrtî jî berhema xwe bi şîretan xemîlandiye. Di helbesta 'Mebhesu Adab-îl Eklî' de li ser adet û çanda xwarin û vexwarinê şîretan dike.

Xwedê ev te'amê di xweş dane te,
Digel av û fêkî, libasê li te!

Tu, bêşukrî manendê heywan mexwe!
We bê mulheza wî tu tiştek mexwe!

Bixwe tu ji bo quwweta ta'etê,
Ne bo lezzet û keyf û piirr şehwetê.

Ji bo xwe hevalan-i peyda bike
Ji bo xwarinê, paşê dest pê bike!

Di ber zadî, paşê jî destan bişo!
Wekî ku bi kefçik bixwî, qet meşo!

Li ser zadî rûne bi terzek edeb,
Piyê rastê rake û razîne çep.


Ne razê, ne palde dema xwarinê!
Ne bêhişbe ba fexr û piirr xwarinê!

Hinik xwê di ber zad û paşê bixwe,
Heramî û tişte bi şubhe mexwe.

Ku godtirtina te j'heramî bitin,
Du'ayê te êdî qebûl nabitin.

Heçî hate ber te tu pê razîbe,
Gellek talibê tişte xwestir mebe.^[8]

[8] Mele Xelîlê Sêrtî, Nehc-ul Enam, Amd. Zeynelabidîn Kaya, Weşanxana Kurdistan, Stockholm, 1988, r. 31.



Jî bilî van helbestvanan bêguman bi dehan helbestvan û nivîskaran li ser çanda xwarinê berhem nivîsîne. Hem berhemên klasîk hem jî berhemên modern kêm zêde li ser çanda xwarinê rawestiyane. Wek dî çanda xwarinê di nav gotinêن bav û kalan de jî cih girtiye. Jixwe gellek gotinêن bav û kalan bi bûyer û serpêhatiyêن xwarinê re tekildar in.

- Destê xwarinê dirêj e.
- Têr xwarin tune rabûn edet e.
- Ürê xwe neelimîne hemû dana(xwarinan), bejna xwe neelimîne kiras û xeftana.
- Bi nanekî mirov nabe nandar.
- Xwarin ya herkesî ye, mîranî ne ya herkesî ye.
- Diranê feqîran di nav hewdelê(helew) de dişkê.
- Nan bide nanopêja, nanekî zêde bide.
- Nan heval e.
- Nan û pîvaz û nexweşî, çavreşî ye.
- Nan û xwê, xwê bi manî [bi wate].
- Nanê mîran li ser mîran deyn e.
- Nanê wî li ber ave çû, go ber xêra bave min be.
- Nanê sêlê durû ye.



Çavkanî

- A.R.T, Dilazad: "Türk", Weşanên Zanîngeh, Stenbol, 2011.
- Galletti, Mirella: "Kürt Yemek Kültürü", Weşanên Avesta, İstanbul, 2009.
- İlhan, Zive, Gümüş, Nezir....: "Ferheng", TDK Yayınları, Ankara, 2014.
- Mahmoud, Abdil Wehab Haj: "Zanîstiya Tendaristiya Gel", Wes. Zanîngeh, Mêrdîn, 2013.
- Nûpelda: "Di Çanda Kurdan De Xwarinê Kevnosopî", Mêrdîn, 2014.
- Nûpelda: "Kaniya Gotinêن Bav û Kalan", Weşanên Zanîngeh, Engere, 2014.
- Serti, Mele Xelîlê: "Nehc-ul Enam", Amd. Zeynelabidîn Kaya, Weşanxana Kurdistan, Stockholm, 1988.
- Xanî, Ehmedê: "Mem û Zîn", Amd. Huseyn Şemrexi, Weşanên Nûbihar, Stenbol, 2010.
- Besirli, Hayati: "Yemek, Kültür ve Kimlik", Milli Folklor, 2010, www.millifolklor.com
- Cildir, Selin: "Ülkelerde Göre Yeme Yeme Kültürü", www.geziseli.com/ulkelerin-yemek-adeti/

LURIK 1

Day mîrem vano day begêm vano
Day xawaro derdê ma girano
Day eywana begê min xeraya
Baw eywanê begê min xeraya
Day mi sita rita tiradaya
Baw min êynî gurat vilîknaya

Day mîrem vano day begêm vano
Day xawaro derdê ma girano
Day ez o bege xu ma gawunî
Baw ma gawunî gin gulikunî
Day şomê min û beg mi di nunî
Baw ma ci bêr ci bid derd cirunî.

Arêkerdox: Nazif ÇAKIR

Vatox: Cemal AZİJ

Serre Aye: 60

Ca: Çewlîg

Serre: 2015

LURIK 2

Lorî lorî dile min gengola veng a
Ez ko kilêk piro dî
Bi hûrdî destî bi di dismale
Ez ko lore kê xo birşavî kidê xalî
Verg o ti vergê koyanê
Verg o ti nêwerek hê milkê verde miyanî
Xezalê ti xezala min a çal a
Ti xezala to delala xo wiñî karda
....

Va ú ti yenê vayê newalan
Ti dane piro dare sayan û purtqalan
Feleko xayîn va nêbero sermîyanî kîyan
Feleko xayîn wa nêbero kûrk o êban
Axayê civatan sermîyanê kîyan.


Arêkerdox: Nazif ÇAKIR

Vatox: Rêdîfe KIRMAÇ (70), Mikiye KIRMAÇ (45)

Herêm: Birê Mihemed Axa / Qerejdax

Serre: 2015





(1918-1982)

Folklorenas û Wêjewan Sadiq Behadîn Amîdî

Kerîm ŞEHREZA

Sadiq Behadînê Amîdî wêjewan û folklorenasekî binavûdeng e li devera Behdînan û di nava rew-şenbîrên Kurd de li tevayî Kurdistanê û zanya-rekî hêja ye ku bi sala ne ji dil û can xizmeta ziman û folklora Kurdan kiriye û hewl daye ku biparêze û xuya bike û ji windabûnê rizgar bike. Û xwedanê gelek berhemên hêja ye di wan waran de, û gelek gotar û lêkolînên binirx û hêja nivîsandine di kovar û rojnameyêndi Kurdî de belav kirine mîna (Hîwa, Ronahî, Roji Kurdistan, Birayetî, Defterî Kurdevarî, Nûserî Kurd, Hawkarî, Beyan, Rewşenbîrê Niwê, Korê Zanyaî yê Kurdî) Herweha gelek pirtûk jî nivîsandine û gelek ji wan çap û belav bûne li Başûrê Kurdistan û Bexdadê bi zimanê Kurdî û Erebî, yek ji wan berheman jî pirtûka Folklora Kurdî ya ku tîpguhezîna wê bûye û ji aliyê weşanxaneya Lîsê ve hatiye çapkîrin û belavkirin. Berhema Folklora Kurdî yek ji wan berhemên hêja ya Sadiq Behadîn e û gelek çîrok û stran û kelepûr û efsane û destanên Kurdî tê de bi cih kirine û nirxandine û nivîsandine.

Jiyana Sadiq Behadînê Amîdî:

Sadiq Behadîn Amîdî di sala 1918'an de li bajarê Amediyê li Başûrê Kurdistanê ji dayik bûye, bavê wî alimekî olî, yekî naskirî bû li devera xwe û li ser destê wî dest bi perwerdeya olî û xwendina Qur'ana pîroz, dûvre xwendina xwe ya seretayî di sala 1932'an de li bajarê xwe diqedîne, û dihere bajarê Mûsilê bo berdewam-kirina xwendina xwe û li wir di sala 1967'an de bawernameya xwe ya amadeyî bi serkeftin diqedîne û paşê dihere Bexdadê bo xwendina perwerdeya mamostetiya bilind û piştî çar salan me'zûn dibe û bawernameya xwe ya bekeloriyosê di erdnîgariyê de werdigire.

Piştî qedandina xwendina xwe, di sala 1941'an de û li payîza wê salê dibe mamosteyê civak-nasiyê li amadeya Kerkok ya Kurdan, piştî wê tê veguheztin bo amadeya Helebce li parezgeha Silêmaniye û li wir heft salan perwerdeyê dide.

Li dû wê dişînin bajarê Silêmaniye sê salan û salekê li bajarê Zaxo, û paşê dediguhezin bajarê Hît li parezgeha Enbar li navenda Iraqê. Li dawiyê jî li Bexdad bi cih dibê û 17 salan li dibistanên wê yên amadeyî perwerda erdîngariyê dike.

Lê piştî damezirandina rêveberiya Lêkolînên Kurdî li Bexdad dibe alîkarê rêveberê giştî, piştî wê biryara ve-guheztina wî bo zanîngeha Bexdad Fekulta Wêjeyî Beşê Wêjê û Zimanê Kurdî û mamostetî li wir kir di navbera salêن 1963'an ta 1965'an.

Mamoste Sadiq Behadîn yek ji wan kesên şehreza û zana di warê edebiyata Kurdî û ziman û folklorâ wê, ev hezkirina wî bo van babeten ji dema ku xwendevan bû li Mûsilî pê re peyda bû û di wê demê de gelek gotar û babeten hêja di vî warî de dînîvisandin û rewla wî ber çav bû di vî warî de û xebateke bêhempa dikir di xizmeta çand û Folklorâ Kurdî de. Û yek ji wan kesên çalak bû di her karî de ku pêk dihat di vî warî û endamekî zirek bû di nava saziyên Kurdî li Bexdad di salêن çilî de û gelek mijarên berketî û hêja di warê Folklor û çanda Kurdî û zimanê wê di besê Kurdî li Radyoya Bexdad heyâ salêن 1956'an û babeten binirx li Kovara Hêwa de belav kîrin.

Mamosta Sadiq Behadîn yek ji damezrênerê Sendîqa Mamosteyêن Iraqê bû. Di sala 1958'an bû endamê wê yê çalak û xwedanê helwesteke xurt di parastina maf û daxwazêن Kurdan û mafê parastina ziman û xwendin û perwerda bi zimanê Kurdî û dîrok nasname û edebiyata Kurdî, bi taybetî di Kongireya sendiqê de di salêن 1959 û 1960'an de.


Herweha rewla wî berz û xuya bû di kongireya yekem de ya damezirandina Yekîtiya Nivîskarêñ Kurd de ku li Bexdad li 23-24 Hizîrana sala 1970'an de li dar ketibû, û hate hilbijartin bo serokatiya desteya rêveberiya kongirê û zanebûneke mezin kongire bi ser xist û biryaren girîng standin.

Berhemêن Wî:

Mamoste gelek pirtükên hêja bi zimanê Kurdî nivîsâne herweha bi zimanê Erebî jî çend berhemêن wî hene û hin destxet jî li pişt xwe hiştine li hêviya sazî û dezgînê Kurdî ne ku xwedî lê derkevin û werin çapkirin.

1- İdîmêt Kurdî, Çapxana Şab[Gel], Bexdad, sala 1972'an çap bûye.

2- Rêzimana Kurdî, Bexdad, sala 1973'an çap bûye.



3- Dîwana Cezîrî[Berhevkirin û Şirovekirin], Bexdad, sala 1977'an çap bûye.

4- Dîwana Pirtoyê Hekarî, Bexdad, sala 1978'an de çap bûye.

5- Nûbihara Ehmedê Xanî[Lêkolîn û Şirovekirin], Bexdad, 1979 çap bûye.

6- Hozanvanê Kurd[Berhevkirin û Şirovekirin], Bexdad, 1980 çap bûye.

7- Xan û Man[Çîrok û Bûyer], Bexdad, 1980 çap bûye.

8- Mewlid nama Bateyî[Berhevkirin û Şirovekirin], Bexdad, 1982 çap bûye.

Wexta ku mere [mirov] li van berheman dinêre ku bi zimanê Kurdî û Erebî nivîsîne mere nas dike ku mamoste Sadiq Behadîn berhevkar û şirovekar û zanyarek di warê kelepûr û ziman û wêjeya Kurdî de û herweha gelek pirtûk wergerandine bo şagirtên xwe û di nava salêن temenê xwe yê 64 salan de bêwestan ked û cefayek mezin dît heyâ çû ser dilovaniya Xwedê di 16 Hizîrana 1982an li Bexdad û li nava axa lê ji day bûbû spartin axê .

Çavkanî:

- Kovara Elsewt Elaxe [Dengê din] bi Erebî
- Pirtûka Folklorâ Kurdî.

Wergêra ji Erebî: Hozan EMÎN

FERHENGÀ REZVANIYÊ (*)

(2)

Amedekar: Dawûd Gulsun BAGÛRÎ
Herêm: Erxenî / Amed

[*] Ev xebata weşandî, beşek ji ferhengê ye. Ji ber ku dê beş
beş bê weşandin, hin peyvên ku wateya wan bi peyvên din ha-
tine şrovekirin, ji ferhengê hatine derxistin. [Desteya Weşanê]



Kitir: Axa spî.

Kivkarok: Nexweşîyeke rêz e, li ser qurm
û serteyan wekî kivkarikê peyda dibe.

Kon: Reşmal; ji müyan, ji qumaşê sext tê
çêkirin û wekî xanî tê bikaranîn.

Kox: Xaniyê biçük û bêpace ye, li nav rezan
çedikin ku ji bo çend mehan tê de bisitirin.

Kufik: Nexweşîyeke tirî ye, bi taybetî tiriyên
gurr kufikî dibe û dihelise.

Kulbe: Amûrekî asinî û yekdev e, bi wê
eşêv dibe û çavî tê vekirin.

Kulîlk: Daneyên gûşîyan nû bûne wekî
mircanan û dikevin kepegê.

Kullîşîn: Ew kuliya ku li nav rezan dijî; serê
wê zer e, laşê wê keskê tarî ye.

Kullîzer: Ew kuliya ku biharê xilas dike
paşê li nav rezan dijî.

Kurn: Guvaşgeha ji darê zexm hatiye çêki-
rin.



Wêne:

- 1) Mahsere.
- 2) Çirik/Çironeka mahsereyê.
- 3) Dewsa sîtila ber kurn.
- 4) Hirtot.
- 5) Tirîdan

Kuncî: Zadekî dendikhûr e, bi ser şîraniyên rêz tê reşan-din, tehîn û gelek cureyên xwarinan pê tê çêkirin.

Kûp: Alavekî şîraniyên rêz tê de têna parastin.

Legan: Alaveke lajwerdî û fireh e; ji bo lengê û kesmeyan bikêr e.

Leng: Şîreya kelandî û parzînkîrî dixin leganê, arvan ber-didinê û tev didin.

Lepik: Ji guliyên teze degirmî û pan ê hevrêstî pêk tê, di malêzê de dikin û zivistanê dixwin.

Lipgolik: Cureyekî tiriyê reng e.

Lînij: Bistika tirî ye ku dane pêve nema ne.

Lîtir: Bi qasî heşt lîtirên nû ye.

Mahsere: Guvaşgeha mezin e; ji tahtan, darê gûzan an jî bi betonê çêdikin.

Mahşele: Dêlî.

Malêz: Pelûla rêz e; bi germî tê xwarin û bastêq, kesme sîncûq û şîraniyên din jê çêdibin.

Mastêrik: Kovika ku mot û şîreyê tê re berdidin fera-xê devteng.

Mele: Amrazeke darîn e; malêza bastêx û kesmeyê pê dûz dikin.

Mendelî: Cureyekî tiriyê reng e.

Meqes: Amrazeke asinî ye, ji bo kezaxê bikêr e.

Merkirin: Bi merê kolana rêz e.

Mer: Alaveke devtûj e, pê erd tê serûbinhevkirin.

Meşk: Ji bo têxistin û kêsana mot, şîre û tiştê rohn ew alava ji çermê pêz çêkirî ye.

Mevsik: Alaveke degirmî, lajwerdî û qulqulîng e, şîreya sar bi wê dipalînin.

Mewij: Tiriyê hişkkirî.

Mewijî/Mewjî: Tiriyê reş û gewreg e, dendikên wî der-man in.

Mewijok: Tiriyê ku bi hemdê xwe li ser mîwê bibe mewij, tuxik.

Mezrome/Mezrone: Babetek tiriyê spî ye, gûşîdirêj û sêrek û bibîn e.

Mêsika mîwan: Spiyên mîwan; nexweşiyek e.

Mêw/Mêwa tirî: Dara tirî ye.

Mêwa derewîn: Ew mîwa ku zêdetir ges dibe û tirî na-gire.

Mêwa nîr: Ew mîwa ye ku eger gûşîyan bigire û di ke-peğê de hişk bike, pir şen û horoboro dibe.

Mêwa serkukê: Dêlî.

Mêwlaw: Ji bo mîwek nû bê danîn şîva ku ji mîwek din hatibe jêkirin.

Mirmirik: Curekekî tirî ye, hildikişê ser daran û payîzan dereng digehîje.

Misawiq/Misewiq: Tiriyê zûtir derdikeve ev e.

Miskî: Mezrome.

Mıştaxe: Ji bo çêkirina mewijan dûzkirina erdê û raxis-tina tirî ye.

Mot: Şîreya hêdî hêdî bi kelandinê dadikeve, gava tîr dibe dibe mot, aqit, dims

Motora cot: Amûreke bingehîn e ji bo ajotina rêz û zêwi-yan.

Movik: Niqira gulîyan.

Nanûtirî/Nan û tirî: Meha rezberê ye, bi taybet du hefteyîn dawîn a rezberê ye ku di wê demê de nan û tirî zê-detir tê xwarin.

Nasirkî: Cureyekî tiriyê reng e.



Navbaran: Ajotina navbêna beranên rêt e.

Nikulqijik: Cureyekî tiriyê reng e.

Noşa: Şerbeta mewijê zer e.

Palandin: Safîkirin/parzûnkirina tiştên vexwarinê.

Palav: Parzûnê tenik e, şireya kelandî, dew û şîr bi wê disefînin.

Pale: Karkerê rojewî ye ku karûbarêñ rêt dike.

Parzûn: Amrazek ji mü sext çêkerî ye, qeşa şîrê tê de di-palînin.

Paşayî: Curekî tiriyê reng e.

Paşero/Paşerok: Ew tiriyê ku li dû kelandin û berdanê ku xelk têni bi şaxên mîwan ve mane ji xwe re jê dicinîn.

Payîzî/Payzok: Curekî tiriyê dereng digihîje.

Pel/Pelçim: Belgê mîwê ye, ji bo tirît û sarmeyan baş e.

Pelgurû: Nexweşiyek pelên mîwan e, pel dipelqe.

Pelhûrik: Cureyekî tirî ye, pelgên wî hûrikî ne.

Pelixandin: Di guvaşgehê de yan di şêl de bi pêlêkirinê helisandin û virçoqîkirina tirî ye.

Pelmêw: Bergê mîwê.

Pelûl: Malêz.

Perçîn: Ji bo sitariyê dorpeçkirina rêt bi dar û berên dirikîn.

Perçiqandîn: Pelixandin.

Pervende: Dîwarê bilind e ku li dora rez û baxçeyan çê dikin.

Pêçan: Di werza biharê de girêdana serçimkên gulian bi darokê di erdê niçkirî ye.

Pêçeka res: Giyayekî badekîn e, xwe li gulian dipêce û lewaz dike; divêtin bêñ jêkirin.

Pêçeka sor: Rêzele.

Pêçîdirêj: Cureyekî tirî yê hebdirêj û tamxweş e.

Pilpizekî: Cureyekî tirî.

Pisteq: Mewijê gewreg e.

Piştî: Hirtotên ku bi qasê meriv li pişta xwe ke û bikşîne.

Pizot: Kozen êgir.

Pî: Gulî û şaxên mîwan.

Pijik: Darêñ dirêjiya wî du sê bihust e û di dema ajotinê de li ber piyên mîwan têñ niçkirin ku gîsin pê nekevin.

Pincik: Şaxêñ teze û zêde ne, bi destan têñ kaşkirin.

Porikî: Nexweşiyek rezan e, pelgên mîwan diquncivin ser hev.

Pozgolik: Cureyekî tiriyê reng e.

Qadosêjî: Zerik.

Qanaz: Sivnik.

Qangilok: Gûşîçe, gûşiyê herî piçûk.

Qankoşe: Parçeyek ji guliyê dara sincê jê dikin, kakîlên gûzan bi dirikên wê ve dikin, bi malêzê ve dimalin û zivstanê dixwin.

Qax: Gindor yan jî kundirêñ qaşkirî hişk dikin û di mot de dikelînin.

Qelem: Ew şaxê piçûka mîwê ye ku ji bo patromeyê cep-rast jê dikin.

Qemçik: Sapa gûşiyê tirî.

Qeraf: Şîreya tev qesê û qirêjiya wê.

Qerfok: Curekî tiriyê reng e.

Qerqûş: Ji babetê tiriyê qaşikqalind e, ji bo mewijan baş e.

Qes: Ew qirêjiye ku gava şîre bikele bi ser dikeve.

Qeşgîr: Kefgir

Qeşgirtin: Dema şîre dikele bi kefgirê girtina qirêj û kefa bi serketî ye.

Qeşlêqetîn: Eger qes dema wê de neyê girtin şîre di qirêjê de dilewite.

Qetilnefs: Babetekî tiriyê reş e.

Qilî: Tiliya tirî.

Qırme: Ew kesme ye ku di dewsa arvan de hûrika bulxur bikartê û zêdetir dikele.

Qiroti: Cureyek tiriyê reşê tirûşdar e.

Qisir: Serşaxê tezetirîn e.

Qoc/Qonc: Koka qalind û girs e ku di bin erdê de ye.

Qorix: Daneyêñ tirî ji kepegê derketibe bi qasê nakan gibibe.

Qufe: Sepeta piçûk.

Qunbere: Qurix.

Qurix: Ew stêrka ye ku bi hesabê Kurdî 52 roj ji havînê bibihure sibeyan hiltê, gelek ronîdar e; stêrka sibê. Dema gihaştina tirî û dawîlîhatina miçiqîna avê ye.

Qurm: Gewdeya li ser koka mîwê ye û serte pêve ne.

Qurmik: Qurmêñ piçûk in, li ser erdê bi qurmê mezin ve ne, dema ku hişk bin têñ jêkirin.





Dr. Nûrê
CEWARI ►

Pirsên Berevkirin û Arşîvkirina Nimûnê Muzîka Kurdî

• Li ser karêن min ên folklorîstî

Folklora Kurdî û di wê da jî muzîka Kurdî bi çiqil û janrên xwe va, bi tîp û şaxên xwe va, bi zaravên xwe va gelekî dewlemend e. Wextê me da, em çawa ber zimanê Kurdî dikevin, dixwazin ku ziman bê parastinê, ji peyvîn gelên cînar bê paqijkirinê usa jî gotî li ser muzîka Kurdî bifikirin, qedrê wê bizanibin, biparêzin. Ew jî teherekî zimanê me ye bi xemla hunera wêjeyî, hunera stranbêjyê û sazbendiyê.

Folklora Kurdî û di wê da jî muzîka Kurdî bi çiqil û janrên xwe va, bi tîp û şaxên xwe va, bi zaravên xwe va gelekî dewlemend e. Wextê me da, em çawa ber zimanê Kurdî dikevin, dixwazin ku ziman bê parastinê, ji peyvîn gelên cînar bê paqijkirinê usa jî gotî li ser muzîka Kurdî bifikirin, qedrê wê bizanibin, biparêzin. Ew jî teherekî zimanê me ye bi xemla hunera wêjeyî, hunera stranbêjyê û sazbendiyê.

Îro gava mêdia pirrengî û pirtreherî ketiye her malî û rêça xwe li ser rabûn-rûniştandin, edet û nimûnê folklorî dihêle pirsa mezin dîtin, berevkirin û arşîvkirina nimûnê folklorî usa jî yên muzîka qedîmî ye.

Rojên me da, hin çiqlêن muzîka Kurdî zindî ne weke stran û awazên gundiyan, yên bajarvanan yanê jî yên bajariyê, yên ol û mîtolocîya êzdiya û îslamî. Tevî van stran û awaza usa jî teherên stran û awazên nû çêdibin ku dikarin bere-bere muzîka kevnare qedîmî bidine bîrkirinê. Pêsek-zan wan stran û awazên nû nav dikin çawa "folklora duyemîn".

Ew ci ku îro li stûdyoya da, kolana da, conserta da tevî hacêtên muzîka êlêktronî têne stranê dîsa jî li ser hîmê folklorî ne lê pê ra jî rengê folklorê di wana da bere-bere ditemire, awaz û intonasîyên gelên dorüber û yên Ewropî dikevine nav. Hine cara jî "welatperwerên" Kurd bi merîfeta xwe ya netam va têkst û awazên strana dihûnin û hela ser da jî zarokan hîn dikin give ew stranê wan yên modern in.

Stranbêj û sazbendêن folklora duyemîn, yanê jî yên modern bi hacêtên mûzaka yên êlêktronîk bi pi-ranî stranê folklorî yên sivik veçêdikin ji bo reqas û eşqa guhdarvana, awaza tevî têkstên nû çêkirî û bi rîtmên reqasê yên başqe-başqe va didine pey hev. Em zanin ku eva tehera mûzîkayê jiyanâ nû ra girêdayî ye û kes nikare pêsiya wê bigre.

Em usa jî zanin ku folklora qedîmî hê jî zindî ye, dikare bê dîtinê û berevkirinê û ew ê paşwestîyê bibe hîmê veçêkirinê muzîka Kurdî yên professional û bi wan nimûna nifşen nû dikarin bêne terbetkirinê [hînkirin].

Di vê gotarê da ez ê li ser karêن xwe yên tomerkirinê nimûnê folklorî, kopîkirin, çapkirin û arşîvkirinê rawestim û kutasiyê [lencama] wan Dengxanê Armêniyê bîr bînim li ku nimûnê muzîka Kurdî têne xweykirinê.

Min karêن tomerkirina muzîka Kurdî ji sala 1964'a dest pê kirîye bi êkspêdisiyêن bicûk va tevî bavê xwe Hecîyê Cindî li Armêniyê nehiya Artaşatê gundê Noraşenê, nehiya Aştarakê gundê Şamîranê. Min usa jî nimûnê folklorî ji radyoya Kurdî malda kopî dikirin. Têypa min mezin û giran bû bi kasêtên gilover, qeytanê Kîjanê kêm dest diketin. Gelek cara min ra ecizayî çêdibû.

Karê min hê aktîv bû gava ez li Armêniyê Instîtûta Hunermendiyê ya Akadêmîya Zanyariyê da bûme asîprînt (xwendkara Phd) û peyra jî karkera zanyariyê. Mirov ku cîkî kar dike zane ku çavdarê karê

xwe ye û borcdar e serokatiyê her cara agahdar bike ka nîv salî, yanê ji salekî da ci kiriye. Xêni ji têgihîştina min ji bo ferzbûna berevkirin, tomerkirina folklorê ez usa ji, qey bêjî diketime lecê tevî hevalên xwe yên ermenî û karê min bi encamên baş va pêşda dicû.

Her wiha weke deh sala min bi kasêtêni gilover [têypêni Înstitûta me ji bi kasêtêni kone gilover bûn] kar dikir û peyra dest pê kir bi têypa bicük kar bikim. Ji destpêkê ez tenê difikirîm gelekkî tomer bikim, nimûnen giranbuha bibînim ji bo hazirkirina berevokê folklorî û ji bo lêkolînan. Êkspêdîsiyêni min li gund û bajarêni komerêni Ar-mêniyâ, Qazaxistanê û paytexta Gurcistanê Tibîlisiyê bûn li ku piranîya Kurdêni Sovyêta berê diman.

Stran û awaz baş dihatin tomerkirinê û baş hatine xwey-kirinê. Bes hinek kêmâsiyêni wan hene ku paşwextiyê di-karin bêne serrastkirinê:

- Hinek cara min nikarîbû informatora mecbûr bikira ku sebir bikin, yanê ji wextê da dest pê bikin û heta min têyp pê va dikir û têyp bayê xwe hildida frazên nimûnen pêşin nedihatîn nivîsarê. Wexta notenîvisara min ew fraz ji xanî angò ji mala nimûnêye duda ber dinivîsi.
- Kêm cara, ber ku qeytanêni têypa dest nediketin, min têyp nîvî da dida seknandinê. Awaz ku hey dihate wek-landinê, têra lêkolînen min dikirin lê têkst nivîshanîma.

Pirsên çûyîna êkspêdîsiya û nivîsara têkstên strana da nivîskar Tosinê Reşit arîkarî daye min. Bi vî teherî he-zara stran û awaz hatine tomerkirinê. Bi hesab û qîmet-ten xwe va dengnîvisaran min ê mîxanîkiyê, hemberî karêni hevalên min ên ermenî, hê gelek û hê qîmet bûn.

Piştî tomerkirina stran û awaza ra fîkrê min hê zef li ser kopîkirina wan bû, ber ku min zanibû ku dengnîvisar di-karin winda bin û jiyanâ qeytanêni têypa ji kin e.

Li Înstitûta Hunermendiyê da li ku min kar dikir karêni kopîkirin û peyra ji arşîvkirina dengnîvisaran mîxanîkiyê bi teherîn zanyariyê dereng, di sala 1986'a da dest pê bû. Berî wê guhdarî hê zef li ser tomerkirin û notenîvisaran bû. Pêşiyê gotî dengnîvisaran muzîka ermeniya bîhatana kopîkirinê. Kasêtêni muzîka ermeniya gelek bûn, wana ji salen 30'yî ew kar dest pê kiribû. Hetanî kar hevekkî pêşda cû, sala 1988'a erdhêja giran li Ar-mêniyâ çêbû, peyra dewleta Sovyêtî hilweiseya. Halê aborîya dij-war ra tevayî êlêktrîk ji kêm bû, usa dibû ku rojê da 2 saet êlêktrîk didan. Karêni kopîkirinê û arşîvkirinê hedî

hedî dimeşîyan û dora muzîka kurdi nedîgîhîst. Heta 5-6 sal berê ji ez pê hesiyam ku ew dengnîvisaran min ne-hatîne kopîkirinê.

Bext ra wextê da min piraniya kasêtêni êkspêdîsiyêni xwe ji kasêtêni gilover li ser kasêtêni kompakte bicük bes ji bo dengxana me ya malê kopî kiribûn.

Peyra, salen 1991-92'a min biryar danî karêni kopîkirina kasêtêni min a malê ji yên kone gilover li ser kasêtêni bicükê kompakt bi xwe mal da dest pê bikim. Min du têypa qeytana orta wana va sazkar û dest pê kir. Dîsa ji prob-lêma êlêktrîkê ez eciz dikirim. Hetanî derketina me ji Ar-mêniyâ min weke 15 kasêtêni gilover ji kopî kirin. Tevî derketina me ji Ar-mêniyâ me dengxana xwe temam derxist gîhande Aûstralîyê.

Mal da, li Aûstralîyê, mical hate sazkarinê ji bo kopîkirina kasêtêni bicük ijar ji li ser CD-ya. Gelek kasêt li ser sêlikêni CD-ya hatine kopîkirinê lê ne bi wî teherî ci ku min dixwest. Her kasêtek dibû CD-ye, weke nimûnekî (yanî tu nikarî Kîjan stranê bixwazî pê va bikî bibiheylî. Gotî her cara sêlik di serî da bibiheylî). Karekî ne profes-sional çêbû, lê dîsa ji ewan sêlikêni CD-ya bi katalogêni xwe va êdî milkekî hêja ne di meydana parastina stran û awazên gelerî da.

Ji bo karêni folklorist tam bin xêni ji tomerkirin û kopîkirina nimûnan usa ji jibartina wan ji bo çapkirinê gelekî mûhîm e.

Ber ku karê min ê hîmlî lêkolîn bû bi naskirina taybeti-yen muzîka qedîmî min ra hêsa bû tevî tomerkirinê û kopîkirinê nimûnen hêja bîvînim, bibijêrim, başqe bikim. Min note û têkstên wan hazır dikir û bere-bere di bere-vokên xwe da çap dikirin.

Karekî mezin ji ew arşîvkirina nimûnen berhevkirîne, yanî hazirkirina Dengxanê ye. Katalogê da gotî her nimûn bi nasnameya xwe va be. Nasnamê da gotî cawa gele pîrsa hebe. Min di karêni katalog hazirkirinê da ji ji rûyê lezketinê hinek kêmâsi berdane, cawêni pirsên min di kataloga da netam in. Katalogêni dengnîvisaran min ên mîxanîkiyê bi destnîvisar têne xweykirinê.

Katalog bi texmîna min gotî ji gelek pîrsan be, weke:

- Navê stran yan yê awazê.
- Nav û paşnavê informator.
- Sala bûyînê.
- Rûnişvanê/a Kîjan deverê ye?
- Pêşiyê wî/wê ji ku ne?



- Sala tomerkirinê.
- Ew nimûn ci tîpi yan janri ye?
- Awaz li ser kîjan hacetê muzîkayê tê qedandinê?
- Nav û paşnavê folklorist.
- Nimûn çawa tê bihîstînê [baş, xirav]?

Pirs dikarin hê zêde bin. Wêne û video dikarin çêbin. Her çığa jî karên min ên têxnikiyê weke kopîkirina nimûnên êkspêdisiya, arşîvkirina wan ji kêm bûna mecalâ, kêm cêrbandina min ne tam in, gumana min heye ku eva ni-visara min di meydana tomerkirin, kopîkirin, çapkirin, hazirkirina Dengxana da dikare arîkarî folkloristên nû di karên wan ê pîroz da bike.

Her wiha, xêni ji dengxanê şexsi yên muzîka Kurdên Armêniyê usa jî hinek dezgehê dewletê hene li ku nimûnen muzîka Kurdî têne xweykirinê. Ji wan in:

1. Çawa jorê hate gotinê orîgînalên dengnivîsarên min ên mîhanîkiyê yên êkspêdisiyayê min li dengxana Înstitûta Hunermendiyê ya Akadêmiya Zanyariyê da têne xweykirinê. Li wê dengxanê da usa jî dengnivîsarên kurdî yên muzîkzanen ermeniya – Krîstapor Kûşnaryan û Aram Kocaryan têne xweykirinê. Kûşnaryan di êkspêdisya yên

salên 1927-29'a da tevî nimûnen muzîka ermeniya weke 60 nimûnen muzîka kurdî tomer kirine. Kocaryan salên 1939-43'a da 110 nimûneyen muzîka Kurdî tomer kirine. (li ser van dengnivîsarên mîhanîkiyê binihêr gotara me "Pêwendiyên Kurda û Ermeniya yên sazbendiyê" 7, dengnivîsarên Kurdî yên mîhanîkiyê, kovara "Tîroj", hej-mar 10, 2004). Kopiya êkspêdisya me ya Qazaxistanê usa jî li Înstitûta Kurdî ya Parîsê da tê xweykirinê.

2. Weke 10 kasêtên muzîka Kurdî yên Prof. Hecîyê Cindî ku hatine kopîkirinê li ser CD-ya li Muzêya Armêniyê ya Wêjeyî û Çandeyî da têne xweykirinê.

3. Sertaca Dengxanê muzîka Kurdî li Armêniyê ew dengxana Radio ya Armêniyê para Kurdî ye bi nimûnen giranbuha ku bi xemxûriya Xelîlê Çaçan û Casimê Celîl hatine berhevkirinê.

Her wiha, folklor û di wê da jî muzîka Kurdî ya qedîmî hewcîyê pêşekzan û nepêşekzana ne ji bo parastina wan. Muzîka qedîmî hetâ iro jî zindîye û heta hê dereng nin e hêjâyî dîtin, tomerkirin, çapkirin û arşîvkirinê ye. Gumana min usa jî heye ku zûtirkê hesabêne Dengxanê Kurdî weke Pirtükxanê Kurdî hev zêde bin.



Di Fabilên Kurdi De
rovî

Fabil, cureyeke wêjeyî ya
dîdaktîk e ango armanca
vê cureyê fêrkirin û
şîretdayîn e. Fabil alegorîk
e ango tiştên ku dixwaze
bide, pêşî dişibîne tiştekî
din û paşê dide.
Bi gelempêri ev cure nîvîs
bi navê xwe yê resen fabil
belav bûye. Peyva fabil
(fabula) bi zimanê Latînî
ye û tê wateya cîrokê

Ridwan
DIZMAN

Kurte

Di vê gotarê de bi giştî dê qala di fabilên Kurdî de rovî û taybetiyên rovî bê kirin. Pêşî li ser pênaseya fabil û dîrokçeya fabilê bê rawestandin û paşê di fabilên rovî de li ser hêmanên fabilê û di van hêmanan de cî û rola rovî bê nîqaşkirin; taybetî û rengdêrên rovî bi awayekî sîstematič bêne dabeşkirin û senifandin.

Destpêk

Ewilîn mînakêن fabilan ango "fabl" an B.Z. di navbera sedsalân I-III'yan de hatine nivîsîn. Yekemîn berhemê nivîskî ya Beydaba'yî ye. Navê berhemê Kelîle û Dîmne ye. Ev berhem B.Z. di derdora salen 300'î de, di desthilat-dariya Padışâ Debşelem'î de hatiye nivîsîn. Kelîle û Dîmne navên du wawikan in ku ev wawik lehengên van fabilan in.^[1] Berhemê Beydaba'yî ji aliyê gellek neteweyan ve hatiye wergerandin û li rûyê erdê belav bûye.^[2]

Behnûd kurê Sehewan ango Alî kurê Şahê Fars dema qonaxa nivîsîna pirtûkî de pêsgotina pirtûkê de vedibêje ji devê Beydaba'yî fabilekê bi cî dike ku Beydaba'yî ev fabil beriya ku derkeve hafa padışêh, şagirtên xwe kom kirine û ji bo wan vegotîye. Navê vê fabilê Çivîka Çıkçikanê ye.^[3] Ji vir dixuye ku fabil beriya nivîsîna Beydaba'yî ji wekî cureyeke zarê gelêrî hebû. Di nava gel de bi devkî dihat vegotin. Heman fabil di folklorâ Kurdî de jî bi varyantên nêzî ya Beydaba'yî tê vegotin.^[4] Di vê çîrokê de qala filekî serdest û çûkeke bindest tê kirin, şîreta wê jî ew e ku zordarî ji kesî re namîne û kesên bêhêz heke bibin yek, dikarin zora hêzdaran bibin.

Nivîskarê fabilan ê herî bi navûdeng bêguman La Fontaine(La Fonten) e ku ew di navbera salen 1621 û 1665'an de jiyaye. Wî gellek mijar ji Beydaba'yî girtine û bi kar anîne.^[5] Li cîhanê fabilên herî berbelav ên La Fontaine'î ne.

1. Li ser Navê Fabilê

Fabil, cureyeke wêjeyî ya dîdaktîk e ango armanca vê cureyê fêrkirin û şîretdayîn e. Fabil alegorîk e ango tiştên ku dixwaze bide, pêşî dişibîne tiştékî din û paşê dide. Bi gellemperî ev cure nivîs bi navê xwe yê resen fabil belav bûye. Peyva fabil (fabula) bi zimanê Latînî ye û tê wateya çîrokê.

Di binavkirina navê fabilê ya bi Kurdî de lihevkirinek tune

ye. M. Emîn Bozarslan'î ji bo fabilan navê "Meselokên Lawiran" bi kar anîye. Heciyê Cindî bêyî ku cuda bike navê "Hikyat"ê hem ji bo fabilan hem jî ji bo çîrokê din bi kar anîye. Xalid Sadînî navê "çîrokên gelêrî" bi kar anîye. Bêwar Diyadînî û hin kesên din jî rasterast navê "fabil"ê bi kar tînin. Kurdên Soran ji navê "cefen"ê bi kar tînin, herwiha hin nivîskarêñ Kurdên Kurmanc jî vî navî bi kar tînin. Bi gerdûnî jî navê "fabil"ê tê bikaranîn. Ji ber ku navê Fabil'ê; resen, gerdûnî, belavbûyî û kurt e, di vê gotarê de bi giştî navê fabilê hat bikaranîn.

Fabil, ji çîrokêñ wekî bûyer di ser afirîdeyan (giha, ajal) re derbas dibin tê xuyakirin lê teqez şîret li mirovan dîkin û menzûm in re tê gotin.^[6] Herçiqas pênase wisa bibêje jî iro fabilên pexsan jî fabil tê hesibandin. Fabilên Beydaba'yî pexsan in, fabilên Lan Fontaine, Harname'ya Seyhî û Gulîstana Şêx Sadî menzûm in. Di folklorâ Kurdî de jî bi devkî û piranî bi awayê pexsanî tên vegotin. Çend nivîskarêñ me yêñ ji ekola Hawarê wekî Osman Sebrî^[7] û Cegerxwîn^[8] ji bi awayê menzûm mînakêñ fabilan di kovara Hawar û Ronahî'ye de dane.

2. Di Hêmanên Fabilan De Rovî

Di nav fabilan de 5 hêmanên sereke hene ku divê teqez tê de hebin. Ev hêman: Cî, dem, leheng, bûyer û şîret in. Gellek caran ev hêman bi dorê ji hêmana Cî heta hêmana Şîret'ê tê dayin ji ber vê, honandina fabilan pir hêsan e. Hêmana Cî'yê ew hêman e ku bûyer lê diqe-wime. Hêmana Dem'ê ew hêman e ku dema fabilê dide der. Hêmana Leheng'î ew hêman e ku ji kesen di nav fabilê de cî digirin re tê gotin. Hêmana Bûyer'ê ew hêman e ku hêmanên din bi saya vê hêmanê bi hev te tên girêdan û têkiliya wan çêdibe. Hêmana Şîret'ê ew hêman e ku di dawiya fabilê de derdiikeve û bi hêsanî tê famkirin.

2.1. Cî

Di fabilên rovî de cî herî zêde daristan e ku daristan ji

[1] Beydaba, Kelîle û Dîmne, [Wergê: Ali Karadeniz], Weşanên Nûbihar'ê, çapa duyem, Stenbol, 2011.

[2] Beydaba-İbnü'l-Mukaffa, Kelîle ve Dîmne, [Wergê: Sait Aykut], Weşanên Şûle'yê, çapa duyem, 2003, rûpel 6-13.

[3] Beydaba, Kelîle û Dîmne, [Wergê: Ali Karadeniz], Weşanên Nûbihar'ê, çapa duyem, Stenbol, 2011, rûpel 17.

[4] M. E. Botî, "Cûk û Fil", Hawar, Hejmar 24, Şam, 1934.

[5] Ahmed Kabaklı, Türk Edebiyatı I. Nazım Türler. Fabil, Weşanên Türk Edebiyatı Vakfı, çapa donzdemîn, Stenbol, 2004, rûpel 692.

[6] Ahmet Kabaklı, Türk Edebiyatı I. Nazım Türleri. Fabil, Weşanên Türk Edebiyatı Vakfı, çapa donzdemîn, Stenbol, 2004, rûpel 692.

[7] Osman Sebrî, "Gurê Pir", Ronahî, Hejmar 12, Şam, 1943.

[8] Cegerxwîn, "Serxwebûna Mûriyan", Hawar, Hejmar 39, Şam, 1942.



aliyê gel ve bi çend awayan ve tê binavkirin. Di nava gel de ji daristanê re; rêl, dehl, devî û çol ji tê gotin. Herçiqas ev tişt di rastiya xwe de ne daristan bin jî dîsa tên bikananîn. Piştî daristanê jî dora êş û kavilên gundan ciyên fabilên rovî ne. Ev her du der hinek dûrî gundan in. Rovî di fabilan de piranî li dora kavilên gundan rastî mirîş-kekê, dîkekî yan jî qijikekê tê. Ji ber ku di gellek fabilên rovî de û bi rastî di xwezaya rovîbûnê de jî xwarina mi-rîşk, dîk û werdekan heye ciyê fabilên rovî gellek caran jî dibe pîn, kox û kolik ku ev ajal tê de dihêwirin. Dîsa di xwezaya xwe de ciyê ku rovî tê de dihêwire; qul, kun û şikeft jî ciyên fabilên rovî ne. Di fabilên rovî de kêm caran jî bajar, qesr û qonax jî dibin cî, dema ev der dibin cî mirov jî dikevin nav fabilan.

2.2. Dem

Dema ku fabilên rovî lê diqewimin wekî fabilên din dema borî ye. Ev yek jî ji vir tê famkirin ku di van fabilan de em rastî tiştên teknolojîk nayên. Mirov bi xwezayê ve girê-dayî ne. Dema em bala xwe didin kel û pelên ku di nav van fabilan de cî digirin, hemû tiştên kevn in lewma dema fabilên rovî dema borî û kevn e.

2.3. Leheng

Di fabilên rovî de teqezi rovî heye û bi piranî xwedî roleke mezin e. Gellek caran bûyer di ser wî re derbas dibe yan jî ew bandor li bûyer û qewimandinan dike. Fabilên ku rovî xwedî rolên biçük in di Kurdi de pir hindik in.

2.4. Bûyer

Di fabilên rovî de bûyer gellek caran ji aliyê rovî ve tê honandin û rovî tesê dide van fabilan. Bûyer gellek caran bi hostatî tê honandin ku fen û fûtê rovî lê bê. Bûyer di fabilên rovî de balkêş e û kesên dixwînin di

meraqê de dimînin. Di fabilên rovî de xwîner an jî guhdar heta dawiya fabilan guhêñ xwe bel dikin, këfxwes dibin û dikenin.

2.5. Şîret

Şîret di fabilên rovî de jî di dawiya fabilê de diyar dibe. Wekî fabilên din, di fabilên rovî de jî şîret zû û bi hêsanî tên famkirin. Di fabilên rovî de piranî fabil li ser hevaltî, destbirakî, şîrîkî tê honandin lewma şîretênu ku ji wan fabilan derdikevin piranî li ser hevaltî û baweriyê ne. Çend şîretênu ku di dawiya fabilên rovî de tên kirin li jêr in:

- Neheqî li kesî nekin.
- Bêbextiyê li hevalên xwe nekin.
- Baweriya xwe bi hemû kesan neynin.
- Bi gotinên xweş nexapin.
- Zêde pesn û forsa xwe nedin.
- Fen li fenekan jî dibe.
- Rî dibe bihost dijmin nabe dost.
- Dijminê bay û kalan jî meriv re nabe bira.

3. Di Fabilan De Rola Rovî

3.1. Lehengê sereke

Di piraniya fabilên Kurdi yên ku rovî tê de heye de rovî lehengê me yê sereke ye. Xwedî taybetî, rol û peywirdariyê ye. Gellek caran fabil li gor kirinê rovî bergeha xwe diuguherîne yan jî cobara xwe vediqetine û bi wî awayî diherike. Lewma di piraniya fabilên ku dema tên binavkirin, rovî mora xwe lê dixe û navê xwe bi navê fabilê ve dide nivíşîn. Hin ji wan navan ev in; Rovî û Dîk, Rovî û Kew, Pîrê û Rovî, Şêr û Rovî, Gur û Rovî, Hirç û Rovî, Rovî û Qijik, Rovî û Quling, Rovî û Tirî...

Carinan jî rovî bi rengdêr û taybetiyê xwe navê xwe dide fabilan; Hirça Birçî û Deka Rovî, Roviyê Qol, Roviyê Qol û

Hirç, Edeleta Rovî, Rojiya Rovî... Carinan jî dîsa rovî le-hengê sereke ye lê navê wî li navê fabilê nayê kîrin. Di fabila Heciyê Sextekar'ê de rovî cibê li xwe dike, xwe li hecîbûnê datîne û ajalên wekî mirîşk, kew û werdekê di-xapîne dide pey xwe, bi hin fen û fûtan mirîşk û kewê dixwe, dixwaze werdekê jî bixwe lê werdek xwe xilas dike û rovî de dawiyê de têk diçê.^[9] Di fabila "Toz Beg" ê de jî rovî dixwaze aşvanê ku alîkariya wî kiriye bizewicîne lewma diçe bi dek û dolaban wî aşvanî bi qîza paşê re di-zewicîne û jê re qesrekê peyda dike û wî dewlemdem dike.^[10] Ji van fabilan tê famkîrin ku herçiqas rovî le-hengê sereke be jî carinan navê xwe nikare li navê fabilê bike.

3.2. Lehengê asayî

Kêm caran rovî di nav fabilan de wekî lawireke asayî ye, di fabilên wisa de tu taybetî û girîngiya wî tune ye. Jixwe fabilên bi vî awayî di folklorâ Kurdî de pir hindik in.

Di fabila berhevkarî Merd û Nemerd'a Heciyê Cindî de jî rovî lehengêkî asayî ye, di vê fabilê de navê çend ajalên wekî hirç û gur jî derbas dibin. Wekî rovî tu rengdêrên van ajalan jî tune ye.^[11] Di vê çîrokê de bûyer di ser du mirovan re derbas dike, yek ji wan diçê hînî razen van lawiran dibe û zêr û tiştîn wan didize paşê mirovê din jî dixwaze heman tiştî bîne serê van lawiran lê bi ser na-keve. Heman çîrok bi varyanteke din di Kovara Folklorâ Kurdan de jî hat weşandin.^[12]

Di fabila bi navê Dîk û Axa'yê de jî leheng dîk e dixwaze deynê bavê xwe jî axê bistîne bi rê dikeve di rê de rastî rovî, gur û çemî tê. Gur, rovî û çem dixwazin alîkariya vî dîkî bikin lewma bi hev re diçin qesra axê û axê têk dibin.^[13]

Di fabila bi navê Mîr Zoroyê de jî leheng pişikeke kone ye bi tevî biçûk û bêhêzbûna xwe zora lawirêن ji xwe me-zintir ûbihêztir wekî rovî, gur û hirçê dike.^[14]

Di van fabilan de tu taybetî, cudayî û rengdêrên rovî yên beloq wekî fenevê, fêlbazi, şalûzi û derewkariya rovî tune ye.

4. Rengdêrên Rovî

Di bin banê vê besê de ji bo ku di fabilên Kurdî de kesaya-ta rovî derkeve ango aşkere bibe, di nav fabilan de

rengdêrên rovî li gor zêdebûn û girîngiya wan, bi nirxan-dina mînak û varyantên fabilan bi dorê bêr veçirandin û dayîn.

4.1. Roviyê fenevê fêlbaz

Rengdêra rovî ya herî beloq fenevê angó fêlbaziya rovî ye. Di fabilên Kurdî de fenevêya rovî bi rengdêrên mîna dek-baz, xapînok, hîlekar, kone, derewkar, baqîlû hwd. tê râ-vekirin. Piraniya fabilên ku rovî tê de ye rovî bi van rengdêran derdikeye pêşberî me.

Fabila bi navê Rojiya Rovî yek ji van fabilan e. Di vê fabilê de tê vegotin ku rovî rojekê pir birçî dike, ji bo ku xwe têr bike li daristanê digere û tê li ber darekê disekine. Per-ceyek goşt bi darê ve ye. Ji ber rewşê, rovî dikeve şikê û li der û dora xwe raçav dike lê tiştîkî nabîne. Xwe li hem-ber darê ditelîne û wisa disekine. Wê gavê gurekî birçî tê goştê bi darê ve ye dibîne û sedema sekinandina rovî ji rovî dipirse. Rovî jê re dibêje: "Ez rojî me lewma nax-wim." Gur ji ber vê, êrişî goştî dike lê ji ber ku li ber dara goşt pê ve ye dafik heye, dengê teqînê tê û gur dikeve da-fikê û dieciqe. Rovî ji ciyê xwe radibe û goştî dixwe. Dema gur rojiya wî jê dipirse. Rovî bersiva wî dide û dibêje: "Ma te dengê topê nebibîst?"^[15] Di vê fabilê de rovî fam dike ku rewşeye xetere heye lewma xwe naxe xetereyê, gurî jî bi rojîbûnê dixapîne berê wî dide goştî bi vê xapandinê bêyî ku xwe têxe xetereyê goştî bi dest dixe.

Di fabila bi navê Kûpê Qeliyê de jî tê vegotin ku rovî, gur û hirç dibin destbirakên hev û ji bo zivistanê bi hev re qe-liyê çedîkin û qeliyê dixin kûpekî û kûpî jî li şikeftekî ve-dişerîn. Sond dixwin ku hetâ zivistanê devê kûpî venekin lê rovî her carê bi awayekî bi hin hincetan xwe ji wan dûr dixe û her carê hindik hindik dawîya qeliyê tîne. Dema lawirêن din dibînin ku binê kûpî vala ye, rovî bi dek û do-laban hirçê bi gurî dide kuştin û xwe dîsa xilas dike.^[16]

4.2. Roviyê şalûz

Piştî fenevêya rovî rengdêra rovî ya herî beloq şalûziya rovî ye. Bi tevî şalûziya rovî piranî rengdêra wî ya newê-rekî û tîrsonekî jî derdikeyin. Ji ber ku di nav lawiran de yek ji lawirêن herî biçûk û bêhêz e, di gellek fabilan de bi lawirêن xurt û hêzdar re dibe destbirak, heval an jî şîrk. Ji ber ku bi hêz û qeweta xwe bi wan lawirêن hêz-

[9] Bro Omerî, Carekê Ji Caran. Heciyê Sextekar, Weşanên Avesta'yê, Stenbol, 2013, rûpel 29.

[10] Zinarê Xamo, Hebû Tune Bû-Antolojiya Çirokên Zarokan, Toz Beg, Weşanên Rûpel'ê, Stenbol, 2014, rûpel 216.

[11] Heciyê Cindî, Hikyatêن Cime'ta Kurda. Merd û Nemerd, Weşanên Ronahî'yê, Amed, 2011, rûpel 74.

[12] Mesûd Gezgîn, "Comerd û Nemerd", Folklorâ Kurdan, Hejmar 2, Amed, 2015, rûpel 34.

[13] Nasirê Torî, "Dîk û Axa", Folklorâ Kurdan, Hejmar 1, Amed, 2015, rûpel 46.

[14] M. Emin Bozarslan, Mîr Zoro-Meselokên Lawiran I. Mîr Zoro, Weşanên Deng'ê, çapa duyem, Stenbol, 1999, rûpel 70.

[15] Zinarê Xamo, Hebû Tune Bû-Antolojiya Çirokên Zarokan. Rojiya Rovî, Weşanên Rûpel'ê, Stenbol, 2014, rûpel 381.

[16] M. Emin Bozarslan, Gurê Bilûrvan-Meselokên Lawiran II. Kûpê Qeliyê, Weşanên Deng'ê, çapa duyem, Stenbol, 2000, rûpel 7.

dar û gir nikare ji bo ku li bin sîvana wan be, bi şalûzî xwe nêzî wan lawiran dike. Bi vî awayî xwe ji mirinê di-parêze lê dîsa jî rengdêra wî ya fenekî derdikeye û gellek caran dîsa ji bo berjewendiya xwe dek û dolaban li ser destbirak, heval û şîrikan digerîne. Rovî her tim pesnê wêrekî, hêzdarî û mezinbûna lawirênen mezin dide.

Di fabila Gur û Roviyê Teral û Fêlbaş'ê de rovî rojeke zivistanê ji ber birçînan û sermayê xwe davêje bextê gurî. Bi şalûzî û lavayî xwe dixe mala gurî. Xwarina gurî bi di-zîka dixwe, dema xebera gurî jê çêdîbe sond dixwe û dîsa bi dek û dolaban gurî têk dibe. [17] Rovî gellek caran ji bo ku xwe nêzîk bike û bi dek û dolaban li ser wan bigerîne û wan bixwe bi rengdêra xwe ya şalûzî nêzî ajalên bicûk wekî dîk, qijik, mirîşk û kewê jî dibe û pesnê deng û xwesiyya wan dide.

Di fabila Rovî û Dîkê Piçûk'ê de Rovî rojekê rastî dîkekî bicûk tê ji bo ku wî bixwe, xwe nêzî wî dike pesnê dengê bavê wî dide û dixwaze dengê wî jî bibihîze. Dîk çavên xwe digire û dest bi bangdanê dike. Rovî hema dîkî dike devê xwe û direve. Xwediyyê malê jî dide pey û gef lê dixwe. Dîk ji bo ku rovî xeber bide û devê xwe veke, wî di-xapîne û bi saya devvekirina rovî, dîk xwe ji destê rovî xilas dike. [18]

Di fabila Rovî û Zerik'ê de rovî li ser darekê zerikekî dibîne û dixwaze wê bixwe. Ji bo ku bikare wê bixwe divê zerik dakeve xwarê lewma rovî pesnê dengê zerikê dide û dixwaze dengê wê bibihîze. Zerik stranekî dibêje. Rovî wekî ku dengê zerikê pir ecibandiye tev digere û dax-waza dîtina wê jî dike û vedixwîne xwarê. Zerik armanca rovî fam dike û dêlava xwe çiqilekî darê davêje û rovî di-xapîne. Rovî dixape û êrîşî çiqîlî dike û bi vî awayî dîsa têk diçe. [19]

4.3. Roviyê bêbext

Yek ji rengdêren rovî ya herî beloq û aşkere jî bêbextiya rovî ye. Di piraniya fabîlén Kurdî de rovî bêbext e. Gellek caran di dawiyênen fabilan de bêbextiya rovî diyar dibe. Bê-bextiya rovî di fabilan de bi rengdêra xayîn û zalim jî tê râvekirin.

Di fabila Şikefta Lawiran de zivistanekî rovî, şêr, hirc, gur

û kevok ji ber berf û seqemê xwe diavêjin şikeftekê. Berf devê şikeftê digire û ajal tê de dimînin. Ji bo ku ji aliyê ajalên din ve neyê xwarin rovî bi şalûzî xwe digihîne şêrî û ajalên din bi hin maneyan bi şêrî dide kuştin û xwarin. Pêşî bi vî awayî bêbextî li ajalên din dike lê dawiyê jî bê-bextî li şêrî dike. Rovî şêrî jî dikuje û dixwe. [20]

Di fabila Destbiratiya Gur û Rovî de rojekê gur û rovî dîbin destbirakên hev. Rastî hespekî têñ û dixwazin hespî bixwin. Pêşî rovî diçe bo êrîşê, lê dema fam dike ku hespî xwe ji bo zitikê amade kiriye. Ji gurî re vê yekê nabêje û gurî dixapîne û bi ser hespî de dişîne. Hesp zî-tikekê lê dixe û diavêje erdê. [21]

Ji van fabilan tê famkirin ku rovî ji hevalên xwe re bêbext e û bawerî pê nayê.

4.4. Roviyê ehmeq

Rovî digel baqîlî, fenekî û fêlbaziya xwe di hin fabîlén Kurdî de bi rengdêra ehmeqiyê jî derdikeye pêşberî me. Di van fabilan de piranî rovî yan pir pesn û forsa xwe dide pasê jî têk diçe yan jî bi rastî jî ehmeq e. Di van fabilan de piranî dek û dolab ji aliyê kesen din ve li serê rovî têñ gerandin yan jî rovî bixwe serê xwe dixe belyan. Di fabîlén ku rovî ehmeq e de gellek caran tiştên nebaş ên ku têñ serê rovî ji ber bênefsî û ji ber çavbirçîtiya wî têñ serê wî.

Di fabila Pîrê û Rûvî de rovî her roj bênefsiyê dike û diçe şîrê pîrê dixwe Pîrê rojekê rovî digire û dûvê wî jê dike. Rovî diçe cem hevalên xwe. Hevalên wî tinazên xwe pê dikin. Rovî ji şerman diçe cem pîrê. Pîrê jî şîrê xwe, jê dixwaze. Rovî diçe cem bizinê, ji bizinê şîr dixwaze. Bizin ji bo ku şîr bide wî, jê çilo dixwaze. Rovî diçe cem darê. Dar ji bo ku çilo bide avê dixwaze. Rovî diçe cem avê. Av ji bo ku biçe ber darê dixwaze keçik werin li ber wê bireqisin. Rovî diçe cem keçikan. Keçik ji bo ku bireqisin solan dixwazin. Rovî diçe cem soldurî. Soldur ji bo ku solan bide hêkan dixwaze. Rovî diçe cem mirîşkan. Mirîşk ji bo ku hêkan bidin qut dixwazin. Rovî diçe cem bênderê. Xwediyyê bênderê dibêje: "Alikariya min bike ku ez gêris bidim te. Rovî alîkariya wî dike. Mêrik gêris dide. Mirîşk hêkan didin. Soldur solan dide. Keçik direqisin.

[17] M. Xalid Sadînî, Çîrokên Gelêrî. Gur û Roviyê Teral û Fêlbaş, Wesanîn Nûbîharê, çapa duyem, Stenbol, 2013, rûpel 39.

[18] Zinarê Xamo, Hebû Tune Bû-Antolojiya Çirokên Zarokan. Rovî û Dîkê Piçûk, Wesanîn Rûpel'ê, Stenbol, 2014, rûpel 209.

[19] Zinarê Xamo, Hebû Tune Bû-Antolojiya Çirokên Zarokan. Rovî û Zerik, Wesanîn Rûpel'ê, Stenbol, 2014, rûpel 67.

[20] M. Emin Bozarslan, Gurê Bilûrvan-Meselokên Lawiran II. Şikefta Lawiran, Wesanîn Deng ê, çapa duyem, Stenbol, 2000, rûpel 49.

[21] Zinarê Xamo, Hebû Tune Bû-Antolojiya Çirokên Zarokan. Rovî û Dîkê Piçûk, Wesanîn Rûpel'ê, Stenbol, 2014, rûpel 152.

Av diherike. Dar çilo dide. Bizin şîr dide. Pîrê jî dûvê rovî dixemilîne û didê. Rovî paşê forsa xwe bi dûvê xwe yê xemilandî diavêje. Ji bo ku heyfa xwe ji hevalên xwe bistîne, wan dixapîne û dûvên wan jî qut dike. [22]

Di fabila Roviyê Çiyê û Roviyê Çolê de roviyê çiyê û yê deştê dibin destbirakên hev. Roviyê çiyê forsa xwe dide ku fenêñ wî pir in, roviyê deştê jî yekî nefsbiçük e ji roviyê çiyê re dibêje: "Tenê feneke min heye." Paşê nêzî rezekî dibin roviyê çiyê bênefsî dike dikeve nav rêt lê ji ber ku xwediyeğ rêtî di nav rêt de xefik vedaye, dikeve xefikê. Dike nake nikare xwe xefikê xilas bike. Roviyê çolê tê û bi feneke xwe roviyê çiyê xilas dike. [23]

Di fabilekê de rovî ji birçinan xwe diavêje bextê şerî. Bi saya şerî zikê xwe têr dike piştî ku hinek tê ser hemdê xwe bi ya wî ye hînî nêçîrê bûyeango hînî şêrbûnê dibe, ji şerî vediqete û bi rêya xwe de diçe. Rastî roviyekî jar tê, jê re dibêje: "Bibe xulamê min wextê ez nêçîrê bikim tu jî zikê xwe têr bikî." Di rê de rastî yekî gundî û kerê wî tênen. Rovî dixwaze êris bibe ser wan. Bi zarê şerî dike û wekî şerî êrisî kerê dike lê gundî hema radike çoyê xwe û li rovî dixe, têr dikute. Piştî dibêje qey rovî mir lewma diavêje kêleka rêt û bi rêya xwe de diçe. Roviyê jar tê ber serê wî û jê re dibêje: "Rovî nikarin bibin şer." [24]

Di fabila Hirça Aqıldar û Rovî de hirç hespekî dikuje û dixwe, rovî tê pesnê wê dide, dibêje: "te çawa ev hesp kuşt?" Hirç wî dixapîne dibêje: Here dûvê xwe bi dûvê hespî girê bide û leqeñ jî li ranê wî bide tu yê wî bikuji." Roviyê ehmeq diçe bi ya hirça aqıldar dike. Dûvê xwe bi dûvê hêspî ve girê dide dike leqeñ li ranê wî bide lê hesp pê dihese û direve. Ji ber ku dûvê wan bi hev ve girêdayî ne. Rovî jî pê re diçe. Hesp her ku direve rovî li der û dorê dixe û wî perîşan dike. [25]

4.5. Roviyê alîkari

Ev rengdêra rovî de fabilên Kurdî de pir kêm derdiikeve. Rovî bêsedem alîkariya kesî nake. Piranî alîkariya kesekî gihiştiye wî lewma rovî qenciyâ wî kesî lê vedigerîne. Di fabilên rovî alîkariya kesekî dike de rovî gellek caran dîsa dek û dolaban li ser hin kesan digerîne û heqê rengdêren xwe yên din dîsa dide.

Di fabila Çeqçeq Padîşah'ê de aşvan rojekê dikeve êş û rovî li ser diziyê digire. Rovî lavayî dike û bi soza alîkariya aşvîn bike ji mirinê xilas dibe. Ji bo ku qencî li aşvîn bike diçe qesra padîşêh û koda zérân bi maneya pîvana zérên Çeqçeq Padîşahê(aşvan) xwe dixwaze. Padîşah tê nagihîje lê dibêje: "Tiştek nabe, de roviyek e." Ferman dide wezîrê xwe. Wezîr diçe kodê tîne û didê. Dema rovî kodê dide aşvîn ji toqa kodê çend zér dikevin. Rovî bi zê-rekî çend polan dide kîrrîn û di bin toqa kodê de bi çî dike. Dema kodê digihîne padîşêh. Wezîr digire kodê li xezînê li erdê dide, mêze dike deh zér[pol] jê derketine. Ew dibêjin qey padîşahê rovî ji wan dewlemendir e. Ew xelatekê didin rovî da ku padîşahê rovî fam bike ku ew ji padîşahê rovî dewlemendir in. Ew kodeke biçûk didin rovî. Rovî kodê digire û diçe cem aşvîn. Aşvan aşê xwe difiroşe dide pey rovî. Rovî ew çend zérên mayî bi dûvê xwe ve girêdide û dixemilîne. Kincên aşvîn ji wî dike û diavêje çêm. Diçe cem Padîşêh dibêje di rê de ew hatine şêlandin û padîşah tazî li çolê maye. Padîşah amadekarîyê dike û kîncan jê re dişînîn û wî tînin. Padîşah qîza xwe jî dide wî. Piştî demekê Padîşah wan teví leşkerên xwe bi rê dike. Rovî dide pêşîya wan. Xwe digihîne qesra padîşahêkî din. Dibêje: "Padîşahê min hatîye şerê we." Rovî wan dixapîne di nav lodê de vedîşere û paşê jî dişewitîne xwe ji wan pak dike. Çeqçeq Padîşah, qîza Padîşêh û leşkerên Padîşêh digihîjin qesrê û jê pê ve Çeqçeq Padîşah û qîza Padîşêh bi miradê xwe dijîn. [26]

Di hin fabilan de jî rovî bêyî berjewendiya wî hebe bi alîkariya hin kesan dike. Ev cure fabilên Kurdî pir hindik in. Di fabila Mar û Mirov'ê de mirov rojekê rastî marekî li bin kêvir tê. Gunehê wî pê tê diçe marî xilas dike. Mar piştî xilasbûnê dixwaze bi wî vede. Mêrik diheyire û tê nagihîje. Paşê bîryar didin ku herin cem aqilmendekî jê bipirsin ka kî mafdar e. Hinek diçin di rê de rastî rovî tê. Daxwaza hakîmtiyê jê dikan. Rovî qebûl dike. Paşê mêrik ji serî heta binî serboriya xwe ji rovî re vedibêje. Rovî tê digihîje lê dibêje: "Ji bo ku ez baş fam bikim divê em biçin cihê serboriya we lê gewimî." Diçin wir vê carê rovî ji mari re dibêje: "Ji bo ku ez baş fam bikim divê tu bîkevî bin kêvir jî." Mar dikeve bin kêvir. Rovî jî mêrikî re dibêje: "Tu jî divê kêvir danî dewsê." Mêrik jî kêvir datîne ser

[22] Heciyê Cindî, Hikyatîn Cîme'ta Kurda. Pîrê û Rûvî, Weşanên Ronahî'yê, Amed, 2011, rûpel 80.

[23] Nasirê Torî, "Roviyê Çiyê û Roviyê Çolê", Folklorâ Kurdan, Hejmar 2, Amed, 2015, rûpel 89.

[24] Mustafa Borak, Ferhenga Biwêjan, Stenbol, 2005, rûpel 38.

[25] M. Xalid Sadînî, Çirokên Gelêrî. Hirça Aqıldar û Rovî, Weşanên Nûbiharê, çapa duyem, Stenbol, 2013, rûpel 63.

[26] Heciyê Cindî, Hikyatîn Cîme'ta Kurda. Çeqçeq Padîşah, Weşanên Ronahî'yê, Amed, 2011, rûpel 88.

marî. Rovî pişta xwe dide û diçe. Mar dibêje: "Tu ci dikî ez li vir eciqîm." Rovî berê xwe dide mîrikî û dibêje: "Cardin wî kevirî ji cihê wî raneke." [27]

5. Li Gor Encamê; Rovî

Li gor encamên fabilên Kurdî hejmarên serkeftin û têkçûna rovî nêzî hev û din in. Di gellek fabilan de jî mirov dibîne ku rovî carinan têk diçe, carinan jî bi ser dikeve, lê dîsa jî li gor encamê rovî yan bi giştî serkeftî dibe yan jî têkçûyî dibe. Bi giştî li fabilên ku rovî tê de ye bê mêze-kirin dê ev encam jê derkeve ku bi piranî di fabilên ku rovî bi lawirêni ji rovî mezintir û hêzdarît re ye de, di encamê de rovî serkeftî ye. Di fabilên ku rovî bi ajalên biçûk re ye de ku ew ajal pir caran mirîşk, dîk, qijik, qaz û werdekin, rovî têk diçe. Bi saya van encaman mirov digihîje vê encamê ku afîrînerên van fabilan alîgirê bindest û bê-hêzan in. Carinan ev bindest rovî dibe cem lawirê gir û hêzdar wekî şerî, hîrc, gur û hwd. Carinan jî ajalên wekî mirîşk, dîk, qijik û hwd. dîbin bindest û rovî jî dibe zalim, xayîn û ji aliye wijdanê ve tê têkbirin.

5.1. Serkeftina rovî

Li hember neheqî, hegaret û zordestiyê, rovî piranî bi ser dikeve. Di fabilên wisa de piranî neyarêni rovî; şerî, hîrc û gur in. Ew lawirêni mezin piranî di fabilên wisa de qure û zordar in û gellek caran rovî ji aliye wan ve biçûk û bê-qîmet tê dîtin, lê dawiyê rovî bi fen û fûtan bi dek û dolaban heyfa xwe ji wan distîne, wan têk dibe û bi vî awayî bi ser dikeve.

Di fabila Serpêhiya Şêr, Gur û Rovî de rojekê serdarê daristanê şer nexwes dikeve. Ji xeynî rovî hemû lawir tê serdana wî û şîfaya xêrê jê re dixwazin. Gur nasekine diçe fesadiyê dike. Ji şerî re dibêje: "Ji xeynî rovî hemû lawir hatin serdana te, jixwe ew serdariya te qebûl nake û ji te hez nake." Ev fesadiya gurî diçe ber guhê rovî. Rovî berê xwe dide şikefta şerî. Şer sedema nehatina wî jê dipirse. Rovî dibêje: "Ez cûm ji bo nexwaşıya te li dermanê geriyam û min peyda kir jî." Şer dibêje: "Dermana min çi ye?" Rovî dibêje "Divê tu postê gurê nûkuştî li xwe bipêçî û du rojan wisa bisekinî tu yê piştî du rojan baş bibî." Şer hema diçe gurî dikuje û postê wî jî li xwe dipêce. Bi vî awayî rovî heyfa xwe ji gurî distîne. [28]

Di fabila Nêçîra Masiyan de rovî rojekê zivistanê li daris-tanê rastî şerî tê. Şer dixwaze wî bixwe rovî dikeve nav çêm û ji destê şerî xilas dibe. Diçe cem tora masîvanan, bala xwe didê ku masî ketine toran. Diçe sêlikekê tije masî dike û diçe cem şerî. Dema şer rovî dibîne diheyire, lê dema rovî masiyen ku anîne dide wî şer kêfxweş dibe. Şer piştî masiyen dixwe û zikê xwe têr dike, ji rovî dipirse: "Te ev masî ji ku anîne?" Rovî dibêje: "Ez hînî ma-sigiriye bûme ez her tim masiyen digirim û zikê xwe pê têr dikim. Heke tu dixwazî hîn bibî ez ê hînî te jî bikim." Şer qebûl dike û bi hev re diçin ber çêm. Rovî dibêje: "Dûvê xwe noqî avê bike ku masî werin pê bigirin." Şer gotina wî dike û heta sibê wisa dimîne. Herçiqas dibêje: "Canê min diêse" jî rovî jê re dibêje: "Ez bi vî halê xwe yê jar dikarim ma tu nikarî?" Lewma şer nikare ji ciyê xwe rabe jî. Paşê dûvê şerî di avê de dîgerise. Rovî fam dike ku şer êdî nikare xwe ji ciyê xwe bilivîne, diçe kevirekî mezin tîne û li serê wî dixe, dikuje. Bi vî awayî heyfa xwe jê distîne. [29]

Di fabila Biratiya Rovî û Mar'ê de rovî û mar dibin dest-birakên hev û bi hev re digerin. Rojekê dixwazin derbasî hemberî çêm bibin lê mar dibêje: "Ez nikarim avjeniyê bikim". Rovî dibêje: "Tiştek nabe ez dizanim, tu jî xwe bi min ve bialîne ez ê te jî derbas bikim". Mar xwe li stûyê rovî dialîne û dikevin avê. Hindik dimîne bigihîjin aliye din mar dixwaze rovî gez bike. Rovî ci lavayî dike jî mar ji ya xwe venagere. Rovî mîze dike ku tu çare tune ye jê re dibêje: "Madem tu min gez bikî û bikujî qet nebe ez xatirê xwe ji te bixwazim, were ez gewriya te ya xwesîk maç bikim". Mar dixape û gewriya xwe tîne ber devê rovî. Rovî hemâ gez dike û marî dikuje û bi vî awayî heyfa xwe jê distîne. [30]

5.2. Têkçûna rovî

Di fabilên Kurdî de gellek caran rovî dema dixwaze hin ajalên biçûk bixwe yan neheqî, hegaret û zordestiyê li wan bike, rovî têk diçe. Di van fabilan de rovî bi rendgê-rêni kirêt derdikeye pêşberî me û neheq e lewma ji ajal û kesên din ve tê têkbirin.

Di fabila Tûtik û Rovî de tûtikek û çêlikên wê li çolê dimînin. Rovî rojekê tê wan dibîne û dixwaze bixwe. Tûtik

[27] Çirokbehî, "Mar û Mirov", Hawar, Hejmar 6, Şam, 1932.

[28] Zinare Xamo, Hebû Tune Bû-Antolojiya Çirokêni Zarokan. Serpêhiya Şer Gur û Rovî, Weşanêni Rûpel'ê, Stenbol, 2014, rûpel 169.

[29] M. Emîn Bozarslan, Gurê Bilûrvan-Meselokên Lawiran II. Nêçîra Masiyan, Weşanêni Deng'ê, çapa duyem, Stenbol, 2000, rûpel 35.

[30] M. Emîn Bozarslan, Mîr Zoro-Meselokên Lawiran I. Biratiya Rovî û Mar, Weşanêni Deng'ê, çapa duyem, Stenbol, 1999, rûpel 54.

lavayî dike û dibêje: "Çêlikên min hîn hur in, bila hinek mezin bin dûre were me bixwe." Rovî qebûl dike û diçe. Dema çêlikên tütikê mezin dibin û dema hatina rovî jî nêzîk dibe. Tütik diçe gazî tajîyan dike û wan vedîşêre. Dema rovî tê û dixwaze wan bixwe, tütik bi awayekî dizî tajîyan haydar dike ku rovî hatiye. Tajî derdikevin û êrîşî rovî dikin. Tütik bi vî awayî xwe û çêlikên xwe xilas dike.^[31]

Di fabila Dîk û Rovî de rovî li ser darekê, dîkê bang dide dibîne û dixwaze wî bixapîne û bixwe. Rovî jê re dibêje: "Sofî qey wextê nimêjê ye, kerem bike were xwarê bibe mela û em nimêja xwe bikin." Dîk fam dike armanca rovî ci ye lewma berê xwe dide alyî gund û dibêje: "Bisekine ji alyî gund du heb tajî tê, bila ew jî werin em bi hev re nimêj bikin. Nimêja cimaetê xêr e." Rovî navê tajîyan dibîhîze hema pişta xwe dide û direve. Dîk bang lê dike dibêje: "Rovî tu diçî ku derê ka me bi hev re nimêj bikira?" Rovî dibêje: "Min ji bîr Kirîye destnimêja min şikestibû, ez ê herim destnimêja xwe bigirim." ^[32]

Di fabila Rovî û Kew de rojekê rovî li daristanê rastî kewê tê. Dixwaze wê bixwe lewma xwe nêzî wê dike û bi gotînên xweş û pesndar pesnê wê û dengê wê dide. Daxwaza guhdarkirina dengê wê dike. Kew jî bixwe nikare û dest bi xwendinê dike. Dema dixwîne çavêن xwe jî digire. Rovî hema wê digire dike devê xwe. Kew fam dike ku hatiye xapandin û bê xwarin. Daxwazekê ji rovî dike û dibêje: "Berê ku min bixwe bêje şikûr Elhamdûllâh. Rovî dilê wê na-hêle û bi ya wê dike. Dema devê xwe vedike kew baz dide û difilite û jê re dibêje: "Ez di xwelî li serê wî bikim ku hê şev nehatibe, nava rojê çavêن xwe bigire bikeve xew." Rovî jî bersiv dide dibêje: "Ez jî xwelî li serê wî bikim ku hê zikê wî birçî be bêje şikur Elhamdûllâh." ^[33]

Encam

Di encamê de di fabilên Kurdi de rovî xwedî cî û peyvirîn girîng e. Di fabilên rovî de kêm caran rovî lawirekî asayî ye. Rovî di fabilên Kurdi de xwedîyê gellek rengdêran e. Dekbazî, şalûzî, derewkarî, newêrekî, bêbextî û kêm caran jî qencî rengdêrên rovî ne. Rovî dema di fabilan de dibe bindest û neheqî lê tê kirin, heyfa xwe bi fen, fêlbazî û baqiliya xwe ji kesî re nahêle. Rovî dema dibe serdest, çiqas xwedîyê fen û fûtan be jî nikare bigihîje armanca

xwe û di fabilên wisa de têk diçe. Heke em bi awirekî fireh li fabilên Kurdi hûr bibin dê aşkere û diyar bibe ku rovî di fabilên Kurdi de hîmekî sereke ye. Fabilên ku rovî tê de ye, tahmdar in. Xwîner û guhdar bi saya fen û fûtê rovî bi tahma fabilên Kurdi têr nabin û gellek këfxwes dibin.



ÇAVKANÎ


- Beydaba: Kelîle û Dîmne, [Werger: Ali Karadeniz], Weşanên Nûbihar'ê, çapa duyem, Stenbol, 2011.
- Beydaba-Ibnûl-Mukaffa: Kelîle ve Dimne, [Werger: Sait Aykut], Weşanên Şule'yê, çapa duyem, 2003.
- Borak, Mustafa: Ferhenga Biwêjan, Stenbol, 2005.
- Bozarslan, M., Emîn: Gurê Bilûrvan-Meselokén Lawiran II, Weşanên Deng'ê, çapa duyem, Stenbol, 2000.
- Bozarslan, M., Emîn: Mîr Zoro-Meselokén Lawiran I, Weşanên Deng'ê, çapa duyem, Stenbol, 1999.
- Botî, M. E.: "Cûk û Fil", Hawar, Hejmar 24, Şam, 1934.
- Cegerxwîn: "Serkwebûna Mûriyan", Hawar, Hejmar 39, Şam, 1942.
- Cindî, Heciyê: Hikyatê Cîm'e ta Kurda, Weşanên Ronahî yê, Amed, 2011.
- Çirokbêj: "Mar û Mirov", Hawar, Hejmar 6, Şam, 1932.
- Diyadînî, Bêwar: Çırçîrokên Gelêrî, Weşanên JJ'yê, Amed, 2011.
- Gezgîn, Mesûd: "Comerd û Nemerd", Folklorâ Kurdan, Hejmar 2, Amed, 2015.
- Kabaklı, Ahmet: Türk Edebiyatı I, Weşanên Türk Edebiyatı Vakfı, çapa donzedmîn, Stenbol, 2004.
- Omerî Bro: Carekê Ji Caran, Weşanên Avesta'yê, Stenbol, 2013.
- Sadînî, M. Xalîd: Çirokên Gelêrî, Weşanên Nûbiharê, çapa duyem, Stenbol, 2013.
- Sebî, Osman: "Gurê Pir", Ronahî, Hejmar 12, Şam, 1943.
- Torî, Nasirê: "Dîk û Axa", Folklorâ Kurdan, Hejmar 1, Amed, 2015.
- Torî, Nasirê: "Roviyê Ciyê û Roviyê Çolê", Folklorâ Kurdan, Hejmar 2, Amed, 2015.
- Yaxmûr, Evîn: "Tütik û Rovî", Folklorâ Kurdan, Hejmar 2, Amed, 2015.
- Xamo, Zinarê: Hebû Tune Bû-Antolojiya Çirokên Zarokan, Weşanên Rûpel'ê, Stenbol, 2014.

[31] Evîn Yaxmûr, "Tütik û Rovî", Folklorâ Kurdan, Hejmar 2, Amed, 2015, rûpel 86.

[32] Zinarê Xamo, Hebû Tune Bû-Antolojiya Çirokên Zarokan, Dîk û Rovî, Weşanên Rûpel'ê, Stenbol, 2014, rûpel 268.

[33] Bêwar Diyadînî, Çırçîrokên Gelêrî, Beşa Duyemîn Fabil, Rovî û Kew, Weşanên JJ'yê, Amed, 2011, rûpel 78.

PIXCO



Hebû carek ji caran, xêr û xweşî bibare, li ser hazir û guhdaran teví derî û cîranan, ji seynî dêwên keleman.

Li welatekî dûr, mîrikekî bi navê Cemîl hebû. Cemîl û xwişka xwe bi hev re dijyyan. Her sibehan, Cemîl dicû nêçîrê, nêçîra xwe dianî, xwişka wî jî dicû pîncar dicivand dianî û bi pîncar û göstênen nêçîrê, gellek xwarinê xweşik dîpeht û bi hev re dixwarin.

Wan bi hev re jiyanekê hevpar û bi aram derbas dikirin. Rojek ji rojan û wekî her rojan, Cemîl rî dikeve ku biçe nêçîrê, lê dinêre, li ser rêya wî, dêwekî mezin razaye. Xwe bi xwe dibêje: "Divê ez vî dêwî bikujim, ger ku ez vî neku-jim, piştî çend rojan ew ê bibe belayê serê min." Digire satora xwe, dikeve ser, lê dixe, lê dixe, wî di nav xwînê de diwerîne, qeneat, tîne ku miriye, di cih de dihête û dice.

Piştî çûyîna Cemîl, xwişka wî jî bo pîncar civandinê, di ser wê rîyê re derbas dibe, dibîne, ku dêwekî birîndar û nîvmirî, li ser rêya wê ye. Gunehê wê pê tê, diçe hinek, pîncarênu ku birînan qenc dîcivîne, dikute û datîne li ser bîrinênu wî. Di demeke kurt de, dêw piştekî tê li ser hişê xwe, keçik, wî hêdî hêdî dibe cihekî ewle, radizîne û vedigere dice.

Dotira rojê, pişfîcûyîna Cemîl, ew dîsa diçe li bal dêwî, birînen wî melhem dike, xwarin û vexwarin didê û nêzîkê

hatina Cemîl tê mala xwe. Ji tirsan, ji Cemîl re qet qala dêwî nake.

Keçik rojêن xwe tim bi dêwî re derbas dike. Divê navberê de, herdu dibin evîndarê hev... Bi vî awayî roj û meh di ser re derbas dibin, keçik hew pê dihese ku bizaro ye. Zikê wê roj bi roj mezin dibe, Cemîl jê haydar dibe, ku xwişka wî bizaro maye, pir diqehire û jî xwişka xwe re dibêje:

-Zû, ji min re bêje, bavê vî zarokî Kî ye? Ez ê aniha biçim wî bikujim.

Xwişka wî dibêje:

-Keko, ji vir, heft, heşt meh berê, rojekê min li deşte pîncar dicivand, dêwekî mezin rastî min hat û erîşî min kir. Min çawan kir pê nekarî, xwe ji nav lepêñ wî xelas bikim. Ci bû wê demê bû.

Cemîl dibêje:

-Te bo ci ji min re negot?

Xwişka wî dibêje:

-EZ pir tîrsiyabûm, ji ber wê min ji te re negot.

Cemîl ji gotinêñ xwişka xwe bawer dike û dibêje:

-Rast e, heft meh berê, min dêwek kuştibû. Dibe ku ew be. Ger ku ew be, tiştekî ku em bikin nemaye, jixwe ew miriye.

Neh meh û neh rojêن keçikê diqede, kurek jê re çêdibe. Îcar kurekî çawan! Kurekî tevda bipirç. Ji ber şikil û şemalê wî navê wî datînin "Pixço".

Her sibeh, piştî çûyîna Cemîl, dêw tê li bal wan, roja xwe bi hev re, xweş û geş derbas dîkin, heya êvarê... Nêzîkî hatina Cemîl, dêw diçe xwe li cihekî vedîşêre û dotira rojê dîsa tê li bal wan.

Her weha, sal û zeman di ser re derbas dibin. Pixço dibe neh deh salî, lê dayika wî ji jiyanâ xwe qet nerazî ye. Rojekê ji dêwî re dibêje:

-Êdî bes e. Heya kengî, em ê weha bijîn. Cemîl bizanibe ku tu dijî tequez, ew ê te bikuje, hêj ku wî tu nekuştîy, divê tu wî bikujî, ji vir şûn de ez dixwazim bi te re jiyanekê azad û bextewar bijîm.

Dêw dibêje:

-Ka bêje ez çawan wî bikujim û em jê xelas bibin.

Jinik naxweze li ber Pixço bibêje ji Pixço re dibêje:

-Pixço, here devê çem ji me re piyekî avê bîne.

Pixço dizane, ku wê ew dek û dolaban li serê xalê wî yê Cemîl bigerinin. Ew diçe xwe li pişta dîwarê vedişêre û guhdariya wan dike. Dayika wî ji dêwî re dibêje:

-Îro dana êvarê, tu xwe bixe şıklê dûpişkekê û xwe li ser serderê vesêre, Gava Cemîl ji nêçîrê tê dikeve hundir, xwe biavêje li ser pişta stûyê wî û jehra xwe berde bedena wî, bila bimre, em jê xelas bibin.

Pixço, gotinên wan tev dibihîze. Diçe piyek avê diîne û diçe li ber dêrî dimîne li benda xalê xwe. Gava ku xalê wî ji nêçîrê tê ji xalê xwe re, dibêje:

-Xalo, xalo ez qurbana te bibim, min dayne li ser pişta stûyê xwe, dûre bikeve hûndir.

Ji ber ku kurê dêwî bû, xalê wî qet jê hez nedikir. Jê re dibêje:

-Here biqese, ji xwe ez ji te hez nakim. Îcar, te daynim li ser pişta stûyê xwe? Bicehime here û ji min dûr bikeve.

Wekî jeyiyê bi xalê ve dizeliqe, xal çawan dike, nikare xwe jê xelas bike, bê gav dimîne û wî datîne li ser pişta stûyê xwe û dikeve hundir. Gava digihêjin li ber serderê, dûpişk serê xwe derdixe ku Cemîl bigeze, dibîne, ku Pixço kulma xwe radike û jê re dibêje:

-Here, dûpişka heram. Welle min nehîst tu xalê min bîgez!

Dûpişk zû bi zû serê xwe dikişîne. Dotira rojê piştî çûyîna Cemîl ew dîsa têñ li bal hev û Pixço dişînin avê. Pixço diçe xwe pişta derî vedişêre û guhê xwe dide wan. Dayika

wî ji bavê wî re dibêje:

-Te cîma ew gez nekir.

Bav dibêje:

-Pixço nehîst. Ew çûbû, li ser pişta stûyê wî rûniştibû û kulma xwe rakir, ku li min bixe, ez reviyam.

Jinik dibêje:

-Îşev, xwe bixe şıklê pezpezûkekê û bikeve binê şîpanekê ve, gava ew hat, pêlavê xwe ji lingê xwe derxist, lingê wî bigeze.

Pixço dîsa gotinên wan tev dibihîze. Diçe piyekî avê diîne datîne mal û diçe li ber derî, dimîne li héviya xalê xwe. Gava xalê wî tê ji xalê xwe re dibêje:

-Xalo, ez hévi ji te dikim, îşev ji tu were li ser pişta stûyê min siwar bibe.

Bêhna xalê wî teng dibe û dibêje:

-Biqese here ji min dûr bikeve ev ci ye? Rojekê tu dibêjî: "Min dayne li ser pişta stûyê xwe. Rojekê dibêjî, tu were li ser pişta stûyê min". Te aqlê xwe xwariye lo.

Xalê wî çawan dike nikare, xwe jê xelas bike, li ser pişta stûyê wî siwar dibe. Gava digihêjin li ber şîpanekê, pezpezük serê xwe derdixe, ku lingê Cemîl bigeze. Pixço pehîna xwe radike û dibêje:

-Here, pezpezûkê pîs, ez ê anîha bi pehniya xwe serê te bipelizînim.



Pezpezük hêdî serê xwe hildikişê bi bin şipanekê ve. Dotira rojê dîsa dayika Pixço û bavê wî tê li bal hev û dîsa Pixço dişinîn avê. Pixço diçe xwe li pişa dêrî vedîşêre û guhdariya wan dike.

Dayik ji bavî re dibêje:

-Te, işev cîma ew negezt?

Dêw dibêje:

-Qet pirs neke, ev car Pixço ew danîbû li ser guntîlîka xwe û pehniya xwe rakir, ku min bipelizîne, ez zor jê xelas bûm.

Jinik dibêje:

-Teqez divê tu îro wî bikuji. Gava ku ew diçe nêçîrê, ew her tim diçe li ser ferşa, li ber kaniyê nimêj dike. Sibê hêj ku ew neçûye li ser kanî, tu xwe bixe şiklê marekî û bîkeve binê ferşê, gava ku ew dest bi nimêjê dike, tu pê vede bigeze.

Pixço, gotinên wan dibihîze. Dotira rojê hêj ku şeveq neavîtye radibe diçe li ber dêrî û dimîne hêviya xalê xwe. Cemîl ji mal derdikeve ku biçe, dinêre ku Pixço li benda wî ye. Dibêje:

-Kuro te xêr e, vê şeveqê tu rabûyi?

Pixço dibêje:

-Xalo ez qurbana te bibim, min jî bi xwe re bibe nêçîrê. Li vir pir bêhna min teng dibe.

Cemîl dizane ku ew çawan jî bike wê Pixço pê re biçe, bê deng dimîne. Pixço
sa dibe fincikek
davêje û di

keve li pê xalê xwe. Gava digihêjin ser ciyê Pixço dibêje:

-Xalo, ez pir tî bûme, kanya ku tu diçî li wir nimêj dikî li ku derê ye? Ez ê herim, hinek avê vexwim û bimînim hêviya te.

Xal cihê kaniyê jê re salix dide. Pixço diçe li ser fersê rûdine û dimîne benda xalê xwe. Di dema nimêja nîvro de, Cemîl tê li ser kaniyê desmêja xwe digire, dike ku biçe ser fersê nimêj bike. Pixço dike qîrîn û bi dengekî tirs dibêje:

-Xalo, min dît marekî mezin çû ket binê vê ferşê!

Cemîl satora xwe digire, fersê radike dibîne, ku marekî reş li wir e. Mar dide ber satorê, pirtî û parî dike. Dana êvarê Pixço û xalê xwe vedigerin diçin mala xwe. Pixço ji dayika xwe re bi heyecan dibêje:

-Dayê, îro marekî reş ketîbû binê fersha ku xalê min li ser nimêj dikir. Xalê min ew mar da ber satoran û kuşt.



Dayika wî, gava wan gotinan dibihîze, pir xem dike. Lê li xwe danayne. Di dilê xwe de dibêje:

-Welle ez vê ji xalê te re nahêlim, ez ê jî xalê te bikujim, çawan ku wî mirazê min hîst di nav çavên min de. Ez ê jî nehêlim ew bi mirazê xwe şâ bibe.

Dotira rojê Cemîl diçe nêçirê. Dayika Pixço heyâ evarê digrî û dîlorîne. Danê êvarê ji bo şîvê savar dipêje, sê tefsî amade dike. Jehrê dixe di nav tefsiyekê de û dimîne li benda Cemîl. Pixço dibîne ku dayika wî jehrê dixe di tefsiyê de, xwe bêdeng datîne. Danê êvarê Cemîl tê mal dest û rûyê xwe dişo û li ser sıfrê rûdine. Xwişka wî, wê tefsiya bijehr datîne li ber wî. Pixço bi dengekî bitirs di-bêje:

-Dayê, ha dêwek li ber pencereyê ye!

Dayika wî, li pencerê dinêre. Di wê navberê de Pixço tefsiya li ber xalê xwe, datîne li ber dayika xwe û ya li ber dayika xwe, datîne li ber xalê xwe. Xalê wî, dibîne ku Pixço tefsiyan diguherîne, lê nizane ji bo ci, wî ew wisan kiriye. Dest bi xwarina xwe dikin piştê du sê kevçîyan dayika wî, dikeve erdê û dimire. Cemîl şas dimîne dibêje:

-Kuro Pixço, te xwişka min kuşt..!

Destê xwe radike ku lê bixe, Pixço destê xwe dide ber xwe û dibêje:

-Xalo, ez nebûma, vê gavê tu di şûna dayika min de mirî bûyî. Va ye ev çend car in, ku ez te ji mirinê xelas dikim.

Ji serî heyâ dawî, dayika wî û bavê wî, çawan xwestine, ku wî bikûjin û her caran çawan, wî ew çawan ji mirinê xelas kiriye, yek û yek jê re dibêje. Cemîl ji ber kirina xwişka xwe pir xem dike. Li pişta xanî xwişka xwe çal dike û ji Pixço re dibêje:

-Êdî ez û tu heyâ mirinê, em ê bi hevdu re bijîn. Piştî van bûyeran, ez naxwazim li vir bijîm, were em ji vir herin ci-hekî din jiyana xwe bidomînin.

Xal û xwarzî tûrikên xwe davêjin li ser milêñ xwe û bi rê dikevin diçin. Kêm diçin zêde diçin, rastî gundekî tên. Cemîl diçe mala axayê gund, daxwaza kargeriyê dike. Di-bêje:

-Hema ci kar hebe ez dikarim bikim.

Axa dibêje:

-Kar heye lê belê, sê şertên min hene. Ku tu qebûl bikî were dest bi kar bike!

Cemîl dibêje:

-Baş e, min qebûl e, dê bibêje ka şertên te ci ne?

Axa dibêje:

-Ya yekemîn, tu yê bidî dû tajiyê min, ew li ku bisikine divê tu li wir cot bikî. Ya duyemîn, divê tu sed gurz darên bêçirt bicivînî û bînî. Ya sêyemîn, divê tu dewaran tev, di kuleka tewlê re derbas bikî, bibî ser avê, avê bidiyê û dîsa di kulekê re derbas bikî, bibî tewlê. Ger ku te ev şert pêk anîn, tu yê bibî xweyiye karekî, lê ku te nekarî û tu poşman bibî, ez ê çermê li ser pişta te bigurînim bînim xwarê.

Cemîl gellek ji xwe bawer, şertên wî qebûl dike. Axa di-bêje:

-Baş e, sibê were dest pê bike.

Cemîl sibê zû radibe diçe mala axê, axa tajîya xwe ber-dide, Cemîl dide dû tajî. Tajî dibeze diçe, diçe li ser tehtekî asê rûdine. Cemîl, bi zor û bela diçe jor wî digire diîne, hêj nagihije jêr. Tajî dîsa dibeze diçe li ser tehtê rûdine, Rewşa wan bi vî awayî heyâ êvarê didome. Danê êvarê bê hal dimîne. Pişta stûyê xwe dixurîne û berê xwe dide mala axê. Ji axê re dibêje:

-Axa, welle min nekarî şertê te, bînim cih. Ez poşman im. Tu ci dikî bike.

Axa, digire satoreke tûj û dikeve li ser çermê pişta wî, jê dike û dilopikîne(dışiqitîne) heyâ xwarê diîne. Cemîl di nav xwinê de wer dibe. Hêdî hêdî dimeşe diçe cihê Pixço lê ye. Pixço gava xalê xwe di vê rewşê de dibîne pir diqe-hire. Dibêje:

-Xalo, kê ev xerabî li te kir? Zû bêje!

Xalo jê re dibêje, ku axa û tajiyê xwe ci anîne serê wî. Pixço hema dide xwe radibe û dibêje:

-Xalo tu qet xem neke, ez ê herim heyfa te hildim. Ez vê nahêlim li bal axê.

Ü radibe diçe li bal axê ji axê re dibêje:

-Ez wî karî te dabû xalê min dixwazim û ez ê bikarim şertên te binîm cih.

Axa pê dikene û dibêje:

-Hey mala minê, xalê te yê qerase nekarî, şertekî min pêk bîne, tu yê bi vê bejnê ve çawan bikarî pêk bînî?

Pixço dibêje:

-Axayê min, tu şertên xwe ji min re bêje. Ger ku min nekarî tu ya xwe bike.

Axa bi awayekî tînâzî jê re şertên xwe dibêje. Pixço ji axê re dibêje:

-Axayê min ez ê şertên te tev bînim cih, lê belê şertekî min jî heye!

Axa dibêje:

-Bêje ka şertê te çi ye?

Pixço dibêje:

-Şertê min ew eku tu poşman nebî, ger ku tu poşman
bibî, ez ê jî çermê pişta te bigurînim.

Axa bi awayekî ji xwe bawer dibêje:

-Baş e, min qebûl e.

Pixço, sibê zû diçe mala axê, axa tajî berdide, tajî banz
dide diçe, Pixço dide dû. Tajî diçe, diçe li ser tehtekî bi-
lind û asê disekine. Pixço bang dikê, lê nayê. Diçe wî di-
gire tîne xwarê, hew dibîne ku dîsa dibeze diçe li ser
tehtê rûdine.

Pixço hêrs dibe kevirekî digire destê xwe diavêje, kevir
diçe li nav mejiyê tajî dikeve. Tajî jî jor digindire tê xwarê.

Ew dera tajî dikeve û dimire, Pixço wê derê cot dike heyâ
êvarê. Danê êvarê cotê xwe hildide diçe mala Axê. Axa
dibîne ku Pixço hatiye, dibêje:

-Pixço te çi kir?

Pixço dibêje:

-Min, heyâ êvarê cot kir.

Axa dibêje :

-Pixço ka tajî li ku maye? Ew çîma bi te re nehatiye?

Pixço dibêje:

-Axayê min, gava em cûn ew revî çû li ser tehtekî mezin
sekinî, min çawan kir ew nehat, min jî kevirekî biçûk avêt
ku bitirse bê jêr, kevir çû li serê wî ket, ew mir gindirî
heyâ jêr hat. Min jî ew der cot kir heyâ êvarê û ez vege-
riyam hatim.

Axa li çokên xwe dixe bi dilekî sotî dibêje:

-Kuro Pixço, te çîma kuşt, ew diyariya paşayê Wanê bû.

Pixço hema zû bi zû dibêje:

-Axa, tu poşman bûyi?

Axa bi tirs dibêje:

-Na na, ez ne poşman im.

Axa pir xem dike lê li xwe danane. Beriya ku Pixço biçe
razê, axa jê re dibêje:

-Em ê sibê herin li zozanan tu li karê xwe binêre.

Pixço diçe ji xwe re radîzê heyâ sibê. Gava şîyar dibe di-
bîne ku axa bi malbata xwe ve çûne. Ew jî dasekê digire
destê xwe ciqas derî û terxîcekan û sêncen mala axa tev
hûr û hûr dike, dide ser hev û sed gurz dar jê çedike, da-
tîne li ber dêrî û dimîne li benda axê.

Danê êvarê axa ji zozanan vedigere tê dibîne ku Pixço
sed gurz darê bêçirt daniye li ser hev û maye hêviya wî.
Li çîrtan digere û nagere piçekî çîrt bi daran ve nabîne bi
matmayî li Pixço dinêre û dibêje:

-Kuro Pixço, bi rastî jî qet çîrt bi van daran ve tune ye, ka
bêje te ev darê han ji ku ku derê peyda kiriye?

Pixço dibêje:

-Welle hema li van deran.

Gava ku axa dikeve hewşa mala xwe çi bibîne! Di mala
wî de ne derî mane û ne terxîcek. Bi dengekî bilind di-
bêje:

-Kuro Pixço, ev te çi li mala min kiriye? Te mala min xera
kiriye.

Pixço ji xwe pir bawer dibêje:

-Axyê min, welle min tenê li vir darêne bêçîrt dîtin. Ma
tu poşman bûyi?

Axa bi dilkulî dibêje:

-Na na, ez ne poşman im. Ez çîma poşman bibim?

Wê şevê, dîsa Pixço diçe ji xwe re bi dilekî xweş radîzê
heyâ sibê. Sibê zû radibe ku şertê sêyemîn pêk bîne. Sa-
toreke mezin digire destê xwe û diçe tewla dewaran.
Serê dewaran yek û yek jê dike û di kuleka tewlê re der-
basî derve dike, dibe ser avê, li avê dixe û dîsa wan seri-
yan di kulekê re derbasî hundirê tewlê dike. Gava ku
hemûyan xelas dike, diçe ji axê re dibêje:

-Axa, va ye min, hersê şertên te jî pêk anîn.

Axa diçe tewlê, dibîne ku yek dewarê wî sax nemaye. Li
çokên xwe dixe digîrî dibêje:

-Kuro Pixço te çi kiriye? Te hemû dewarên min ser jê ki-
rine!

Pixço dibêje:

-Axayê min, min çawan kir ew di kulekê re derbas
nebûn, ancax bi vî awayî derbas bûn. Ma tu poşman
bûyi?

Axa dibêje:

-Na na, ez ne poşman im.

Axa ji tırsan, giryana xwe jî dibire û bi xembarî, satoreke
mezin digire destê xwe û goşte wan dewarên serjêkirî jê
dike, qet û qet dike dixe nav denan. Paşê ranekî dide
Pixço û dibêje:

-Pixço, ha ji te re ev ranê han bibe bide keça min a li
mêran.

Pixço ranî dibe, goşte li ser ranî tev radike û hestiyê rût

dibe, dide keçikê. Keçik gava hestiyê rût dibîne pir diqe-hire û dibêje:

-Bavê min, ewqas goştinî kir(ji xwe re goş da hevl, dil-neda jî min re, du parî goş bişîne, ez vî hestiyê rût nax-wazim, paş ve bibe, bide bavê min.

Pixço digire hestiyê vedigere tê li bal axê û dibêje:

-Axayê min, keça te got: "Bavê min çiqas tamatî kiriye ev piçika goştê ji min re şandiye, ez naxwazim, paş ve bibe, bide bavê min."

Axa pir hêrs dibe û dibêje:

-Kuro, te deng nekir? Hema te ev ran, li nav mejiyê wê bixista. Ew serm û heyâ nake wisan dibêje?

Pixço digire hestiyê û paşve vedigere diçe mala keçikê, çiqas hêza wî heye, hestiyê radike li nav mejiyê keçikê dixe. Keçik dikeve erdê û dimire. Pixço paşve vedigere diçe li bal axê.

Axa dibêje:

-Pixço, tu bi ku de çûbûyî?

Pixço dibêje:

-Axayê min, te ji min re got: "Te çîma ranek li serê keça min nexist." Ez jî çûm min ranek li nav mejiyê wê xist û ez hatim.

Axa dike hewar û dibêje:

Kuro Pixço te keça min jî kuşt? Te ci anî serê min!

Pixço dibêje:

-Axa yê min, te ji min re got, min jî gotina te anî cih. Ma tu poşman bûyî?

Axa dibêje:

-Na na, ez ne poşman im.

Bi qasî çend mehan weha bi hev re diborînin. Şevekê keça axê ya biçûk dixwaze biçe derve li ser destavê, lê bi tena serê xwe ditirse biçe, dixwaze bavê wê jî pê re here. Lê bavê wê naxweze, rehetiya xera bike ji ber vê yekê ji Pixço re dibêje:

-Pixço ka vê keçê bibe ser destavê.

Pixço digire destê keçikê dibe derve, her çiqas keçik rû-dine, Pixço derziyekî dixe rûniştina wê re, keçik dike hewar, gazî bavê xwe dike. Pixço wê aş dike, keçik dîsa rûdine pixço dîsa derziyekî lê dixe, keçik dîsa dike hewar, axa hêrs dibe û dibêje:

-Kuro Pixço, ew keç çîma dike hewar?

Pixço dibêje:

-Welle ez jî nizanim ji bo ci dike hewar.

Axa hêrs dibe û dibêje:

-Kuro kevirekî bavêje li mejiyê wê bixe.

Pixço li derdora xwe digere kevirekî dibîne, digire û dia-vêje serê keçikê, keçik di cih de dimîne. Pixço her wekî ku tiştek nebûye diçe hundir li bal axê rûdine. Axa di-bêje:

-Kuro, ka keça min, ew ma li ku derê?

Pixço dibêje:

-Ez bawer dikim mir. Te ji min regot: "Kevirekî li nav serê wê bixe." min jî gotina te kir.

Axa dîsa dike hewar. Digrî û dinale dibêje:

-Kuro, te ji min re ne mal hişt, ne zarok. Ev tu ci naletek î, tu bûyî belayê serê min.

Pixço dibêje:

-Axa, tu poşman ??

Axa ji tirsa çermê pişta xwe dibêje:

-Na na, ez ne poşman im.

Wê şevê heya sibê axa difikire ka wê çawan xwe ji Pixço xelas bike. Destê sibê biryarekê dide, jina xwe ji xew ra-dike û dibêje:

-Jinik, hîna Pixço çermê pişta min jê nekiriye, were em ji vî gundî derkevin biçin. Tu iro ji me re hinek kade û nanê rûnî bipêje, em şeveqa sibê, hêj ku Pixço ji xew ra-nebûye biçin.

Pixço di nav nîvîna xwe de, gotinêwan tev dibîhize lê qet dengê xwe nake. Jina axê şeveqê radibe, teştek hevîr dike, tenûrê vêdixe, yek pişti kade û nanê rûnî dipêje. Wan nan û kadeyan dixe nav tûrekî û datîne li pişta derî, dûre ew û axa diçin radîzen.

Pixço dimîne li benda wan heya ku ew dikevin xewê, gava ku baweri diîne axa û jina xwe di nav xewê de ne. Hêdîka diçe wan nan û kadeyan ji tûrikî derdixe û bi xwe diçe di nav tûrî de rûdine heya sibê.

Şeveqa sibê axa û jina xwe radibin, axa tûrê kadeyan dia-vêje li ser pişta xwe, bê deng ji mala xwe derdi Kevin diçin. Diçin digihijin binê gund, mîza Pixço, tê, ew jî hemâ bi xwe ve berdide, ava germ di pişta axê de diherike diçe. Axa ji jina xwe re dibêje:

-Keçê, çawan ku aveke germ di pişta min re diherike tê xwarê.

Jinik dibêje:

-Min, pir rûn xistibû nav kadeyan, ew rûnê kadeyan e di-hele..

Axa bawer dike û rîya xwe didomînin. Kêm diçin zêde

dîçin, nêzîkî gundekî dîbin. Seyên wî gundî tev, dora wan digirin û dîçin wan. Axa hêdî tûrê pişta xwe datîne erdê û bê hemdê xwe dibêje:

-Ax ax! Xwezi niha Pixço li vir bûya. Wê ev sey tev bidana ber keviran û ji me dûr bikira.

Gava ku Pixço gotinê Axê dibihîze, hema bi lez ji tûrî derdikeve û dibêje:

-Axayê min va ye ez li vir im.

Pixço hema bi lez keviran ji erdê digire û diavêje seyan, her kevirekî ku diavêje li mejiyê seyekî dikeve. Se tev ji tirsa wî direvin dîçin û ji wan dûr dikevin.

Pixço, axa û jina axê didin dû hev, dîçin. Axa di dilê xwe de dibêje: "Heya ku Pixço çermê li ser pişta min negurîne dev ji min bernade." Hem dimeşe û hem difikire, ka wê çawan bikaribe ji Pixço xelas bibe. Çawan ku rîyek ditibe pê kîfxwes dibe. Û dimîne hêviya şevê, şev di ser wan de tê, çav çavan nabîne hersê ji ji xwe re radizên. Pixço ji derew de xwe bi xew datîne, axa bawerî tîne ku Pixço di xew de ye, hêdîka di guhê jina xwe de dibêje:

-Jînik, gava ku Pixço dikeve di xewa giran de, ez ê lingê te bihejînim; tu rabe, ez ê her du lingên wî bigirim, tu ji her du destêن wî bigire û em wî bavêjin nav wî çemî.

Jina wî dibêje:

-Baş e.

Herdu ji dikevin nav nivînê xwe radizên, Pixço gotinê wan bihîstine. Dimîne hêviya, heyâ jînik bikeve xewê.



Pîştî ku jînik dikeve xewê, ew hêdîka ve diçe jînikê dehf dide, dehf dide dixe nav nivîna xwe û bi xwe ji diçe nav nivîna jînikê radizê û dikeve xewê. Derengê şevê axa tê digire lingê wî dihejîne dibêje:

-De rabe.

Pixço radibe, bi hev re dîçin, Pixço çîpên wê digire û axa ji lingên wê digire, dîbin diavêjin nav çemî. Dûre vedigerin têni di nav nivînê xwe de radizên, heyâ dibe sibe...

Destê sibê axa bi dileki şâ bi xwe dihesê û diçe ku şabûna xwe bi jina xwe re parve bike. Bang dikê, dibîne ku Pixço bersiva wî dide. Şaş û matmayî lê dinîre. Rûdîne li erdê û bi cîgerekê şewîtî dibêje:

-Kuro Pixçooo... Te mala min xera kir, dawiya dawî te jina min ji bi min da kuştin? Ez poşman im, ez poşman im! De were, were çermê pişta min jê bike, ku ez û tu ji hev xelas bibin.

Pixço digire satorê dikeve li ser çermê pişta wî tev digurîne heyâ xwarê tîne, çermê wî dixe nav tûrekî, tûrî dide pişta xwe û diçe. Diçe li bal xalê xwe, çermê axê dide nîşanî wî û dibêje:

-Xalo va ye min heyfa te hilda. Were ji xwe re li ser mal û milkên axa rûne.

Xalê wî li ser milkên axa rûdîne û dibe axayê wî gundî. Xal û xwarzî bi hev re jiyanek xweş dîborînin.

Çiroka min çû diyaran, rehmet li dê û bavê guhdaran, bi tevî şêwî û bêmalan...

Amadekar: Yasemîn ERBAN

Çavkanî: Evdila ADAR

Herêm: Çorsêm / Tetwan / Bilîs

Sal: 1995

ÇI DI HÛR DE, ÇI DI TÛR DE...

Amadekar:
Feratê DENGİZİ
Herêm:
Dengiz/Stewr/Mérdin



Yusuf Altan

Li gund feqîr, xizan pirr bûn. Dengiza, garana feqîran... Ji ber ku gund bejik bû, zêde kar tune bû, milk jî... Si-neeta gund hostetiya keviran bû; hosteyen lêkirina xaniyan, hosteyen çalan... Illim jî hostetiya çalan. Yanî nanê xwe ji kevir derdixistin, ji tehtan nan derdixistin... Şewk û horsê wan, hacetê wan ê hunerê bû jî...

Jixwe navê gund jî ji vir dihat, bi divêtiyeke mezin... Bi dorê: Bêrm; çalên nîvxwezayî, berqefêن wan hinekî fireh dikirin. Çal; bi hostetiyeke zaneyî cêdikirin, di tehtan de. Ji jor, kilorek teng û her ku diçû fireh dibû. Di tehtê de zivranokek hunerî. Sê gaz, çar gaz... Sarîc-Sarinc; Bi derî û cercik, di tehtê de mîna malekê dihat çêkirin. Mezina çalan Hezaz bû, mezina Sarîcan jî Dengiz; ava pîrr hil-tanî, ya baranê... Di dengizê de deng 'zîz' dibû, deng 'diza', ango cihe ku tê de 'deng dizê', deng dixuliqe. Deng-dizê; dengiz, dengiza... Bêrm, çal, saric, dengiz; tevan bi seleba xwe ava baranê, didan ser hev. Wekî din av tune bû li vî warî. Avêñ tev kurm û kevz. Bejî, bejayî, bejikî ev bû; lê avêñ çalên paqîj û rind jî ne kêm bûn.

Em serê we neêşînin.

Kolana şikeftan, ji bo niqarê û kevirbirri jî mîna hostetiya çalan. Kevir, ji bo lêkirina xaniyan hêmana esasî bû, lê kevirbirri wek ku karê betalan be, ên ku bê kar bin, ji xwe re kevir dibirrin û bi hezaran difirotin. Em bibêjin hezarê keviran bi hezar wereqî; lê buhayê qorniyan (Kevirê herî xweşikû mezin ê qozîyan) hê bêhtir. Qornî bi heba dihatin firotin. Em bibêjin heba qorniyan bi du wereqan...

Sofî Rizwan jî xizanekî gund. Nav li ser e, Sofî... Zêde gi-reyayî olê, lê girêdayiyeke bi mirîdî, ji dilê saf. Meselêyen kûr ên dînê, ne îşê wî ne. Xizmeta meleyan, camiyê û Mala Şêx belaş dike. Pirr alîkarê Mala Şêx e, lê mixabin ne şêx ne jî mele tu alîkarîyê pê re nakin. Ji feqîrî teq-teq ji qirika wî û malbatâ wî tê. Carinan bi cil rojan winda dibû, diket xezîmê, xewle dibû. Xwe bê nan û av dihişt û

îbadet dikir, li cihekî veşartî ku kes wî nebîne. Bi çend hê-jîrên hişk îdare dikir ku bibe welî. Rebena hevsera wî, Sedîqe, diket xema wî. Bêcare. Ciranan alîkarî pê re dikir, lê ne welîtî jê re bi kar dihat û ne jî halê wan xweş dibû. Neçar, Sofî Rizwan berê xwe dida şikandina keviran, dê kevir bişikandana ji bo firotinê, dê kevir bibirriyana... Dest bi kevirbirriyê dikir. Divêt ku zêde kar bikira ku nanê rojêñ valabihurî jî biderana. Berî kewtê hevalan, ji tarî ve diçû kar û di tariya êvarê de jî vedigeriya malê. Ji hevalên xwe gişkan bêtir kevir dişikand. Wextê ku diçûn kar, xwarina xwe ya rojê, ya sê danan, Xwedê çi qismet kiribûna; nan û mast an jî nan û dims, carinan jî nanê tisî bi xwe re dibirin. Xwarina xwe dixistin tûrikê xwe, tavêtin ser milê xwe, radihiştin hors û bivirêñ xwe û bi rê diketin. Taştêya xwe bi hev re dixwarin. Ango yên ku eynî kar dikirin, kevir dişikandin, bi hev re diçûn. Aliyê hev dikirin. Sofî jî tev li wan dibû, lê ne her tim.


Rojekê kevirbirri gişt, Sofî Rizwan jî tev li wan, diherin gu-herekê, navê wê Warê Ewlend, li wîra karê xwe dikin. Wexta ku roj hebikî bilind dibe, dema taştê ye. Bêhna xwe vedidin û nanê xwe derdixin ku taştê bixwin. Gazî Sofî jî dikin, lê karê Sofî zêde û eccele ye. Nikare demê, zêde bide xwarinê. Karker tev israr dikin. Neçar ew jî tevlî wan dibe. Her kes nanê xwe dike sê besan û dest bi xwarina beşekê dike. Herdu besen dinê ji nîvro ji firavînê re û nanê esir re hiltînin. Bala xwe didinê ku Sofî nanê xwe tev daniye ber xwe. Giştikan bi carekê de dixwe. Tûrê xwe vala dike...

Karkerek nikare xwe, dibêje:

-Apê Sofî. Te nan jî firavîn û esirê re hilneanî. Ma tu yê birçî nebî?

Sofî qet xwe naêşîne. Devliken dibêje:

-Tiştek nabe. Çi di tûr de çi di hûr de...! Jixwe ez wî hildigirim...



Arékerdoxe:
Sedef KANDEMİR
Çime:
Tehsin SEWREGIJ
Serré Aye: 67
Herêm: Sewregi / Riha

Yasut
Alkan

HÎRÎ BIRAYÎ Û PADÎŞAH

Jew est o jew çin o. Cayê de jew xoca beno. Jew zî ciniya ci bena. Xoca serra de jew roc şino keye. Serrêk ravêrena jew lacê ci beno. Xoca rê xeber rişenê vanê:

Nameyê ci çi bo?

Xoca vano:

Nameyê ci Mehemed bo.

Banê xocayî cayê de yo la xoca başqe cayê de gureyeno. Serrêk ravêreno jew lacê ci zî beno. Xeber rişenê vanê:

Jew lacê to daha bi. Nameyê ci çi bo?

Xoca vano:

Nameyê ey zî Mehemed bo.

Xoca rocêk şino keye û vîneno kê no keyeyî de başqa mîrdek est o. Xoca çîyê nîvano û pêyser şino. Serrêk daha ravêrena vanê:

Xoca to rê jew lac dahan bi. Nameyê ci çi bo?

Xoca vano:

Nameyê ey zî Mehemed bo.

Nameyê hîrê qeçê ci zî Mehemed beno. Xoca mireno. Vasîyetê de vano; 'mîrasê min di Mehemedî rê est o jewî rê çin o.' Wunî vano û mireno.

Qeçî kewnê pê. Jew vano mîras min rê est o. Jew vano; 'min rê est o.' Vanê; 'ma şirê no gure padîşah ra pers kerê.' Kewnê ray û şinê. Yew Mehemed vano; 'no ray ra jew deve şıyo.' O bîn zî vano; 'deve ser ro kişti ra hingimên kişti ra zî rib est o.' O bîn zî vano; 'jew cîmê deveyî kor o.' Nê birarî pêro vano; 'ti kotî razanî no deve yo?' O bîra vano; 'cayê kê ray ra şıyo lingande ci ra min fem kerd.' Vano; 'ti kotî razanî cîmênde ci kor o?' O bîra vano; 'ray de vaş est bi. Deveyî kişti ra werdo kişti ra zî nê-

werdo,min oca ra fem kerd kê cîmênde ci kor o.' O bîn zî vano; 'ti kotî ra zano kiştênde ci rib kiştênde ci hingimên est o?' O zî vano; 'kê kiştê ray de mojleyî kiştê ray de zî hingî estbî, vano min zî oca ra fem kerd.' Nê ray ra şinê jew mîrdek vînenê. Mîrdek vano; 'deveyî min vîndîbî, sima dî? Jew bîra vano; 'cîmênde deveyî jew kor bi?' Mîrdek vano; 'e.' O bîn vano; 'kiştênde ci rib estbi kiştênde ci zî hingimên estbi?' Mîrdek vano; 'e.' È vanê; 'şo ma deveyê to nêdiyo.' È birarî vanê; 'ma şinê padîşahî het, vazenî ti zî bê.' È şinê padîşahî het. Padîşah xizmetkarê xo rê vano; 'şo jew manga cike û nînan rê şamî bike.' Xizmetkar şino qawirme ano. Padîşah qapî dima nê birarî dîne keno. Jew bîra vano; 'kê la min rê kê no Padîşah goşte manga ma rê nêdayo. No goşte kutiko yo.' O bîn zî vano; 'la min rê kê no padîşah pînc o.' Padîşah kewno zere û vano; 'min qiseyê sima dîne kerd. Ti kotî ra çêkerd no goşte kutiko yo? Bîra vano; 'şo xizmetkarê xo pers bike.' Padîşah veng dano xizmetkarê xo. Vano; 'raşt vace no goşte ci bî?' Xizmetkar vano; 'manga bol xasek bî min zî kutik cikerd.' Padîşah vano; 'rasto, padîşah vano la ti kotî ra çêkerd kê ez pînc a?' O vano; 'şo marda xo ra pers bike?' Padîşah şino marda xo het. Vano; 'maya min raşt vace ez pînc a?' Maya ci vana; 'oxil wextê to de herb est bi, ez ci zana ti kamî ra bîyi.' Padîşah vano; 'no zî raşt o.' Padîşah şino nê birarî het vano; 'derdê şima ci yo?' Nê birarî vanê; 'piyê ma merd û mîrasê xo di Mehemedî rê est ê jewî rê çin o. Ma zî nezanê kê kamcîn Mehemedî rê çin o.' Padîşah vano; 'o kê min rê vato pînc o, o zî pînc o ey rê çin o, ê bînê rê est ê.' Padîşah o mîrdekî rê vano; 'derdê to ci yo?' Mîrdek vano; 'deveyî min.' Nê birarî herme cî zanê, vanê; 'ma deveyê to nêdiyê.' Padîşah vano; 'ti şo.' Nînan deveyê to nêdiyo. Nê birarî qandê mîrasê pêrdê xo pêro danê. O bîn zî şino ray de xo.'



DERBA GOTINÊ

Celadet Eli Bedirxan dí Kovara Ronahîyê de qala dewlemendîya folklorâ Kurdî dike û wiha dibêje, "Me kurdan edebiyateke nivîskî, ji çend klasîkan pê ve, hesêb nîne. Lê me edebiyateke xelkê ê welê heye ko ew li nik kêm miletan peyda dibe. Ji vê edebiyatê re folklor dibêjin." Folklor, ruh û hişê gel ê tomarkirî ye ku xwe digihîne tecrûbeya hezar salan. Mirov di nava okyanûsa wê de avjenîyê neke û xwe negihîne kûrahîyên wê, dê derya û asoyêن nû kiş neke. Kurdiya bêfolklor, Kurdiya bêpişt e.

Bahoz BARAN

Car he ye kesek bi saetan diaxive, lê tu tesîrê li ser însanan çêname, lê car he ye tenê gotinek, tesîreke gellek zêde li ser însanan çêdiike. Eger mirov bikare xwe bigihîne ruhê gotinan û guh bide kelepora xwe ya dewlemend, helbet dê wê tesîrê zeft bike. Kurdiya çêkirî ya roja me, mixabin ji wê keleporê bêpar e û gellek caran tesîrê li ser mirovan çêname. Celadet Eli Bedirxan di Kovara Ronahîyê de qala dewlemendîya folklorâ Kurdî dike û wiha dibêje, "Me kurdan edebiyateke nivîskî, ji çend klasîkan pê ve, hesêb nîne. Lê me edebiyateke xelkê ê welê heye ko ew li nik kêm miletan peyda dibe. Ji vê edebiyatê re folklor dibêjin." ^[1] Folklor, ruh û hişê gel ê tomarkirî ye ku xwe digihîne tecrûbeya hezar salan. Mirov di nava okyanûsa wê de avjenîyê neke û xwe negihîne kûrahîyên wê, dê derya û asoyêن nû kiş neke. Kurdiya bêfolklor, Kurdiya bêpişt e.

Eger tûrikê mirov tije be, mirov bizane ci, li kû çawa bibêje, mirov li kîjan civatê be, li kû derê biaxive dê xwedî qîmet be. Kurden berê, tûrikê wan tije bû, di nava meselê de carinan çîrokek dihat gotin, carinan pêkenokekê kîfa civatê xweş dikir, carinan duayek dibû cîyê dilxwesiyyê, carinan biwêjekê bêhna mirov derdixist û mesele dida famkirin, carinan gotineke pêşîyan rê li ber qeza û belyan digirt. Kesênu ku bi folklorâ xwe nizanin wek nanê bêxwêne, wek xwarineke rijîne û bêtehm in. Werin em bi hev re li çend mînakan binêrin bê derba gotinê te-sîreke çawa çêdiike.

Mala xaltîkê

Du sal berê li Amedê hevalekî xwest ji xwe re malekê bikirre. Li taxa Mûsa Anter malek dît û bi xaltîkê re ket bazarîyê. Xaltîkê got, mala min bi sed û pêncî milyarîye. Ew heval qayîl nebû wî got, pirr buha ye xaltîka min.

[1] Ronahî, hejmara 23'an rpl. 450. Nivisa Memê Alan, Weşanên Belkiyê

Xwedê he ye mala xaltîkê jî baş bû, neyse xaltîkê got, ê de bîbêje, bi te mala min bi çiqasî ye. Wî hevalî got, xaltî Welleh mala te ancax bi sed milyarî be, bi vê gotinê re xaltîkê cira xwe nexwes kir û got, kurê min tu hatîyi qîza axan dixwazî û qelenê mirtiban didî min. Pişti vê gotina biderb, wî hevalî deng ji xwe neanî, pişta stûyê xwe xurand û jî malê derket.

Ma te ci kir?

Rojekê derîyê ereba camêrekî xera bû û cû sanayîyê. Camêr got, hoste ev derî xera bûye ka lê binêre. Mêrik du hulmik li derî xistin û got, temam e de bide bîst banknotan. Camêr got, ma te ci kir? Te du hulmik lê xistin û hew. Hoste got, tu mesela şûr dizanî, camêr got, na. Hoste got, ka bisekine ez ji te re bîbêjim. Got, rojekê yek şerr dike, di şer de şûrê wî xwar dibe. Diçê bal hostekî ku şûrê xwe rast bike. Hoste, şûrê wî datîne ser du keviran, li ser rûdine, bi qûna xwe şûrê wî rast dike û dibêje ka heqê min. Mêrik dibêje, heqê te ci ye? Hoste dibêje, tu yê zêrrekî bidî min. Mêrik dibêje, malneket ma te şûr da ser du keviran û bi qûna xwe rast kir, ma ji vêya rehettir ci ye, min jî dikarî wisa bikira. Hoste dibêje, wê caxê te bikira. Li hev nakin, hoste radibe şûr dîsa xwar dike û dide mêrik. Mêrik tê malê şûrê xwe dide ser du keviran û li ser rûdine. Şûr dibêje qırç û dişike. Mêrik poşman dibe û xwe bi xwe dibêje, "Welleh ô hosteyan qûna wan jî hoste ye." Pişti ku wî hosteyî ev çîrok ji camêr re got, camêr jî lê vegerand û got Welleh heqê te ye, han bîst banknoten te.

Çavêن kalo

Eger yek rabe pirsâ çavên me bike û dibêje rohnîya çavê te çawa ye? Gellek caran em dibêjin, "Çavên min baş dibînin, rohnîya wan baş e." Rojekê ez li bal kalekî heşte salî bûm min jê pirsî got, kalo çavê te çawa ne? Kalo li min vegerand û got, "Welleh hewqas baş e ku ez dikarim ta di derzîyê re bikim." Ev gotin nedîşibîya gotinê her kesî, huner û şibandineke hêja tê de he bû. Deh sal jî derbas bûn lê ev gotin tu carî ji bîra min derneket.

Tu ji kû yî?

Em gellek caran dema ku mirovekî nas dikin, jê dipirsin dibêjin tu ji kû yî? Lê ev gotina me pirr tê bikaranîn û ji alîyê edebî ve têr û tije nîn e. Rojekê em cûn mîvandarîyê, hevalek li bal me bû, diya min pirsâ wê kir û got, "Qîza'm tu pincara kîjan erdi yî?" Qîzika hevala me şas ma û got, "Pîncar?" Paşê diya min got, "Yanî ez dibêjim tu ji kîjan axê yî, ji kû yî qîza min?" Gotina ku ji huner û afirîneriyê dûr e zêde tesîrê li mirovan cêname. Lê gotinê biderb hem tesîra xwe çedîkin û hem jî zû bi zû nayêñ jibîrkirin. Ev gotina hanê jî wek morekê li tehta enîya hişê min ket.

Gotina duderb

Hevalek çûbû şînekê, di vegerê de ji min re qala bûyerekê kir. Got çend roj berê, li gund şînek he bû, ez û çend merivên me, me lê xist em cûn şînê. Îcarê li wî gundî merivek he ye, dema ku dikeve ser xwarinê her tişfî ji bîr dike, xwe wisa ji bîr dike ku pişti demekê xwarina li ber hevalê xwe jî dixwe. Yekî wisa bêhawê bûye ev kes. Îcar nîvro me nan dixwar, min dît ew camêr hat û li ber xwedîyê şînê rûnişt û dest bi xwarinê kir. Camêr xwarina xwe qedand û dest bi xwarina xwedîyê şînê kir. Mêrikê mazûban, ji vê yekê aciz bû û berê gotinê da wî camêrî û got, "Tu dizanî dema ku ecelê nêrî tê diçe nanê şîvên dixwe." Camêrê me qet isûla xwe xera nekir, çend parîji xwar û paşê simbêlê xwe paqij kir û berê da xwedîyê şînê û got, "Keftar di qulika xwe de eleqa kesî nake." Pişti vê gotinê mîrikê me di cîyê xwe de bû kevir û nema bersivek da vê gotina duderb. Lewra hem bûbû keftar û hem jî mazûbanîya wî hatibû bîrê.


Hêşîrên pepûkê lê ketine

Pênc şas sal berê, ez û kalê xwe, em li bin darekê rûniştibûn. Min li aşîmanan nêrî tîştekî bala min kişand. Du saxên dara tûyê bi hev ve zeliqîbûn. Min ji kalo pirsî û got, "Kalo ev şax cîma bi hev ve zeliqîne?" Wî jî serê xwe rakir û li wan nêrî û ji min re got, "Qey hêşîrên pepûkê lê ketine?" Min pêşî fam nekir, lê kalo gotina xwe temam kir û got, "Tu mesela pepûkê dizanî, ji ber ku wê xwişkê birayê xwe kuştîye, fer maye û hertim li dû birayê xwe ye, pepûk tim li fera xwe digere, îcar dema ku tê li ser daran vedinise û digirî, hêşîrên wê li ci bikeve ew tîst dike cot, xuya ye hêşîrên pepûkê li wan şaxan ketîye. Pişti gotina kalo, min careke din li wan şaxan nêrî. Min hêşîrên pepûka reben ditin.

Bû tarîya pîrêciz

Tarî he ye, tarîya pîrêciz he ye. Carinan hînek gotin, bi salan di hebana hişê mirov de li cîyekî asê dimînin. Rojekê mirov hay jê çêdibe, mirov wê gotinê zeft dike û wê zindî dike. Du sal berê şeveke zivistanê bû, em li serê çi-yayekî bûn, ewran li aşîmanan lotîk diavêtin. Şeveke wîsa tarî bû ku çavan çav nedidîtin. Şeveke kor bû. Hevalek got, ev şeva tarî, ne mîna şevêne din e, qey navekî vêya tune ye? Hema di carekê de birûskekê li mejjîyê min birq da û gotina diya min hat bîra min. Min got, berê ji şevêne wîsa re digitin, şeveke "pîrêciz" e. Paşê min ji diya xwe pîrîsî û got, "Dayê we cîma ji wan şevan re gotîye şeva pîrêciz?" Diya min got, "Kurê min, ew şev şevêne kor bûn, tarîya tarî bû. Çavên pîrîn me di wan şevan de qet nedidîtin, ji bo em pîran ji cîyê wan rakin, me "çiz" [2] di wan re dikirin û ew ji cîyê wan radikirin. Loma me digot bû seva pîrêciz. Pîrik nikarin di wan şevan de pêşîya xwe bîbînin, "bi çizan me ew ji cîyê wan radikirin."

[2] Cîzkarin: Zextandin.



ŞÊRÊ CIWAN Û ROVIYÊ PÎR

Hebû tune bû, rojeke rojan li daristanekê şerekî ciwan hebû, şêrê ciwan mezinê hemû ajalên daristan bû. Rojekê şêrê tiral agahî ji hemû heywanen(ajal) daristanê re şiyand ku li cihekî daristanê kom bibin. Hemû ajal li hevdu kom bûn û şer got ku:

-Ya ajalên daristanê! Ajalên ku nehatine mane?

Ajalan meyizand ku roviyê pîr nehatiye heywanan got ku:

-Ya Qralê me heywanan; welleh roviyeke pîr maye.

Şer got:

-Roviyeke ciwan bila here pey roviyê pîr û wî bîne.

Roviyê ciwan bi rê ket, çû û çû gîhîst li cem roviyê kal.

Roviyê ciwan gotê:

-Roviyê pîr; mezinê me heywanan divê(dibêje) bila were civîn heye.

Roviyê pîr got ku:

-Lawê min ez kal û pîr im şewt û jan ji laşê min diçe, ha iro dimirim ha sibe , here ji şêrê ciwan re bibêje, nexwes e nekarîbû were.

Roviyê ciwan got: "Bila be." Û vege riya cem şêrê qral, şêrê ciwan got ku:

-Ya heywanen Xwedê! Min biryar stendiye ku di daristana min de ajalekî pîr û kal nemîne.

Ez şerekî ciwan im, divê ajalên wekî min li wê daristanê ciwan bijîn. Em ê hemû heywanêن pîr û kal bikujin bila tenê yên ciwan bîminin.

Şér di nav wan ket û ajalên pîr û kal tev kuştin. Ji ajalên pîr û kal tik û tenê roviyê pîr fîlitî. Şérê ciwan di nav kêt û kéferatê de dijiya, dixwar, vedixwar û radiza. Rojekê şérê qral zikê xwe dîsa têr û tijî kiribû li binê siya darekê di xew ve çû. Carekê ji xew rabû ku laşê wî giran bûye û tiştek di zikê wî de dilebite. Şér kire qérîn û nalîn, ajalên daristanê li ser serê şér kom bûn gotin:

-Ya mezinê me ajalan ci bûye û ci qewimiye ku tu xwe li hev dizivirînî.

Şérê qral got ku:

-Tiştek di zikê min de dilebite.

Ajalên din hemûyan bi hev re gotin ku:

-Welleh! Zihayê mara ye.

Şérê qral got ku:

-EZ dikim bimirim tiştekî bikin û wî marê di zikê min de derxin.

Lê mixabin tu tiştek ji destê ajaleke ciwan nedihat û nedizanîn marê di zikê wî de derxin. Ji ajalan yekî got ku:

-Ya mezinê me heywanan welleh em hîn ciwan in! Zanebûn û serboriya[tecrube] me hê di warê jîyanê de kêm e. În ku dikare te rehet bike roviyê pîr e. Ew tenê ji destê te fîlitî bû. Şér got ku:

-Ka herine pey wî bînin.

Qasid bi rê ket û çû pey roviyê pîr û kal, qasid gîhîst bal û got ku:

-Mezinê me ajalan zehf nexwes e, dibêje bila zû were.

Qasid û roviyê pîr bi rê ketin û hatin. Hatin gîhîstin cem şérê tiral. Roviyê pîr got ku:

-Ya mezinê heywanan ji te re ci bûye!

Şérê qral bû kuftekufta wî û got:

-Ya roviyê pîr ez razabûm tiştek di devê min re kete zikê min û di zikê min de diçe û tê. Roviyê pîr ji şér re got ku:

-Mar e, de ka ji min re tasek şîr bînin.

Tasek şîr jê re anîn û gote sér ku devê xwe qenc veke û bide li ser tasa şîr. Şér wilo kir û nişka ve zihayekî maran yê reş wekî werîsekî ji devê sér vekişa û hate şîr, mar derket û mar kuştin. Bêhna şérê qral derket û av vexwar. Piştre sér berê xwe da ajalan û got ku:

-Ya heywanan Xwedê! Min bi fermana kuştina ajalên pîr şasitiyeke pir mezin kir. Bi kuştina wan re zanyarî û serborî jî me kuşt. Ku ev roviyê pîr tunebûya ez niha nesax bûm.

Şér lêborîna xwe ji roviyê pîr xwest û got ez zahf posman im.

Çîroka me li diyaran rehmet û li dê û bavên hazır û guhdaran ji xeynî xayîn û zordaran.

Amadekar: Nasir ASLAN


Çavkanî: Nezîhet ASLAN


Temen: 60

Perwerdehî: Xwende

Herêm: Tilhesen / Kercos / Elîh

Sal: 2004





Pîran de Keyneki Waştiş û Veyve Kerdiş

Mamoste
SİLÊMAN ►

Her ca de cîya-cîya edet ûsilê keyneki waştiş; nîşan, veyvekerdiş û vêki berdiş esto. Yew ûsilê eyalet kerdişê keyneki esto. Verê maya lajekî, şona keyê keyneki, maya keyneki ra vana ke; "Eke Hûmay kerda se, ma wazenê ki şima reydi yew merdimanî biki." Maya keyneki vana ki; "Homay kerda se, ko bibo. La verê ez ganî keyna xo ra vaja, fikrê ja bigêra, eke qebul biko, dima zî pîyê ja ra, birayanê ja ra, dima zî ko qewmê xo ra vaja. Eke qebul bibo zî, nêbo zî ez ko yew xeberi bida şima."

Waştişê Keyneki

Her ca de ciya-ciya edet ûsilê keyneki waştiş; nişan, vey-vekerdiş û vêki berdiş esto. Yew ûsilê eya[el] kerdişê keyneki esto. Verê maya lajekî, şona keyê keyneki, maya keyneki ra vana ke; "Eke Hûmay kerda se, ma wazenê ki sima reydi yew merdimanî bîkî." Maya keyneki vana ki; "Homay kerda se, ko bibo. La verê ez ganî keyna xo ra vaja, fikrê ja bigêra, eke qebul biko, dima zî piyê ja ra, birayânê ja ra, dima zî ko qewmê xo ra vaja. Eke qebul bibo zî, nêbo zî ez ko yew xeberi bida şima." Verê maya keyneki, keyna xo ra vana. Eke keyneki biwazo se, dima maya keyneki piyê keyneki ra û dima zî birayan û wayanê keyneki ra mesela vana. Polê keyneki, xo mîyan di muşewre kenê. Ino muşewre ra pey, yew qerar danê û no qerarê xo, eya[el] bo zî, ney zî bibo, poldê lajekî rê yew xeberi erşawenê. Eke xeberi ney bibo se, polê lejekî na mesela yew deme ina ca vîyârdanê. Demey ra pey, key lajekî, qasido/qasida ki pey terafê keyneki bestêno, rayna raykenê keyneki. Eke raya dîyini zî keyê keyneki cewabê redê bido, hem keykenki, hem zî key lajekî, na mesela bind ra padanê.

Eke terafê keyneki qebul biko se, polê lajekî, seba xazgînan rojê şeyîş xeberi danê key keyneki. Xeberdayışê dima, çend camêrd û çend cinîyê ki qala jînî[înan] qebul bera, şonê keydê keyneki. Polê keyneki, yew bi yew hal-xatirê xazginan perseno. Dima piyê keyneki, poldê lajekî ra vano ke; "Ey... vajê şima xeyr o, mirazê cîma cî yo?" Piyê lajekî, vano ke; "Eke Homay kerda se, nêtê ma esto ke, ma şima reyde yew merdimanî bîkî." Piyê keyneki vano ki; "Eke Homayî kerdo se ko bibo." Dima polê keyneki, nişanê keyna xo cemât rî vano. Ino nisan zî bazinî, rîzila gerdenî, yan zî nizdiyê 1,5 metro, yan zî di metro rîzila zerdi, goşareyê nişanî, seat, ingîstreyê nişanî wazînê. Eke idereyê poldê lajekî weş nêbo cemât dekeno beytar. Cemât poldê keyneki ra vano ke; "No nişan tikê giran yeno. Qaydê homay û pêxemberî rî, qaydê nê cemâtî rî cîy bêrê war." Piyê keyneki, nişan ra cîy ano war. Cemât nişanê keyneki ser o qerar dano. Dima kelmelê keyê ser o qalî benê. No kelmel zî dolaba cemedî, qoltûxî, livîna rakewtişî, xalîy, gezêyê ceyranî, utîy, firni, makina ya cilan, mase û sendalî yî.

Nişan û kelmelê dima qelendê keyneki ser o qalî beno. Qelendê keyna zafê jey may wazena. Çunku no qelend bedelê şitê maydi hesibêno. Qelend zaf bo, semedo ki qelend kemî bibo, cemât dekûno dewre. Qaydê cemât rî no qelend zî darax di vîyârdêno. Inê serranê peynîyan di edetê qelendî zî hêdê-hêdî hewanêno.

Qebulkerdişê nişanî, kelmelî û qelendî ra pey fatîha wânenâ. Wendişê fatîha ra pey, heme cemât wardeno destê

yewnan tewşeno û lew yewnan ra dano. No mîyan di, cemât yewnan ra vano; "Xeyrên bo, Homay mûradê ïnan biqedîno." Tira pey, maya lajekî ingîstre dekena ingîsta keyneki.

Dima zî şîrne û şerbeto ke polê lajekî ardo keyê keyneki, hetê keyê keyneki ra cemât rî ikram beno. 50-60 serrî ra viyar kesme bastîx, sincûqî û şerbete helawi ikram bîyîn. La né serranê peynîyan de paqlawa û kola ikram bera. Werdişê şîrney ra pey, cemât keyê keyneki ra xatir wazeno û şono keydê xo.

Nizdiyê veyvê mareyê yê dînî û ê resmî birîno. Wexto ki mareyo dînî birîno, ya yew hêga, ya rez ya zî zerdê[altînê] ser o birêno. No hêga, rez ya zî zerd dêno vêki.

Veyve Kerdiş

Waştişê keyneki ra pey, polê lajekî û polê keyneki, hedreya veyvîyî kenê. Polê lajekî, wexto ke hedreya veyvîyî temam biko, maya lajekî şona keydê keyneki. Wirdê te-rafê rojê veyvê bellî kenê.

Rojê veyvê nizdiy bi se, hem keyê lajekî, hem zî keyê keyneki, verê xeberi danê merdimanê xo, dima xeberi danê nas û dostanê xo. Dawulcî û zûrnacî zî ayar beno. Nê 50-60 serran ra viyar veyvan di lulîy û erbane cenîyânî û deyrê kirmancî vajîyavnî. Nê serranê peynîyan di, orkestra zî cenêna. Bi muzîkî deyrê Kurdkî vajînê. Nê deyrê zafî jînî, têkoşîna azadî û hîsîyatê welatpewerey ser o vajînê. Veyvan di wexto ki bi orkestra nê deyrî vajînî, şarê ma bi coş kay keno û bi nê muzîkî û bi inê deyran adeta xo ra vêreno.

Veyve zafê jey rojo êne taştarey ra pey dest pêken, rojo Kirê[bazar] qedîno. Rojê veyvê, verê dawûlcî û zûrnacî yenê, verê berê lajekî di, yan zî nizdiyê keyê lajekî di, yew cayo musaît di, dawûl û zûrna cenêna. Rojê veyvê keyneki û xortî, cenî û camêrdî, gede-gude hem kes, cilanê xo newyan û rîndan xoradanê û şonê veyve. Cenayışê dawûl û zurna ra pey, mîlete yena cayê veyvê di pêser bera û dest bi govendi kena. Ra-ray zî vengê dawûl û zurna bîrêno, sergovend dest bi deyrî keno, dima zî go-vendbazê bînî hem govenda xo gênê, hem zî deyranê xo vanê. Tay-tay cayan di, cenî û camêrdî têdest de govend gênê. Tay-tay cayan di zî cenî yewna ca di, camêrdî yewna ca di govend gênê. Polî lajekî mîyanê rojî di, seba şarê veyvê wer hedre kenê. No wer zafê jey, tirşa goştu û birinc, ray-ray zî fesleyê bi goşt û birinc virazênê.


Rojê yê dîyêni, werê mîyanê rojî dima şonê keyê keyneki, destê vêki hene kenê. Vêki, ya zerreyê keyê di, ya zî verê berê keyê di, yew kursîyê ser o roşena. Hem polê keyneki hem zî polê lajekî, hem zî xwendiyê veyvê muman ves-


nenê. Der û dorê keyneki geyrenê û deyran vanê. Helî-yayışê manan dima, yew merdima keyneki, ya zî ê lajekî destê keyneki hene kena. Vêki seba xela henî, destê xo nêakena. Maya lajekî, ya yew çarek zerd, yan zî yew in-gîşterel(gîştere) destê veyyeke mîyan nana. Vêki destê xo akena û ina cenî destê veyyeki hena kena. Dima xwendî, tay zeman dormareyê vêki de, hem deyran vanê, hem zî govend gênê. Na govendi dima, xwendî şonê caydê veyyê û ay roj hetan şan kay kenê.

Rojo hêrini zî veyye dewam keno. Inê 40-50 serran ra vîyar, rojo peynî de, di camêrdan ra yew cilê camêrdan xoradaynê û yew zî ê cenîyan xoradaynî. Jînî ra yew camêrdê, semedo ke nêro sereşnayîş, yew kind de herinda çiman akerdnî û no kind daynî xo ser ro. Inê mîrdiman ra ayê kî cilê camêrdan xoradaynî bîyîn kose û ya ciwa, ya zî şewta dergi girewtîn xo dest û ayê kî cilê cenîyan xoradaynî bîyîn vêki, dekewtnê govendi û kay kerdnê. Wexto ki kose û vêki kay kerdnî, yew mîrdimî destê ina vêki girewtîn û remnaynî. Kose hewnîyaynî kî vêka jey, yew mîrdim ha remneno, fek govend ra verradaynî, bi vazdi reydi şîynî, no mîrdim şewtan vîyarnaynî û vêka xo nê camêrd ra girewtîn û rayna dest bi govenda xo kerdnê. Goreyê yew hîkayeyî, yew wext de, yew mîrdimo extîyar, cenîya xo reydi şono yew veyye. Cenîya nê mîrdimî ciwan bîya. Wexto ki dekonê govendi, yew merdim na cenîy remneno, extîyar şono dano inê mîrdimî ro û cenîya xo tepa gêno. Veyvan di hinê no edet hewanîyawo. Yewna het ra rojo peynî di, teqlidê deva bîyîn. Di mîrdimî, têpeyra vendernê. Mîrdimê peynî, peynîya mîrdime verên de, xo tam derenaynî, merdimo verên zî tekê xo derenaynî û wîrdinî yew hîzara rengini reyde xo limitnî. Mîrdimî ve-rêni, destê jey de yew derzini bîyîn. Bi ina derzini serebê

mîrdiman sernaynî û derzini jînî ra kerdnî. No edet zî hinê hewanîyawo.

Rojo peynî de, xwendîyan ra vîyar, polê lajekî ra çend cinî, şonê vêki xemilnenê. Rojo peynî, hetan seat des veyye dewam keno. Seat des ra pey hem xwendî, hem zî şarê veyyê şonê keydê vêki. Berdê vêki vîyarde mîleta veyyê govendi gêna. Tira pey, di cinî dekonê poldê vêki, anê xwendîyan mîyan. Vêki yew sendalî ser o roşanenê. Verê maya lajekî, nîşanê vêki şarê veyyê mîyan di vêki ra kena. Nîşanê vêki ra pey, maya lajekî, yew bazin destê vêki ra kena. Dima hem polê lajekî, hem zî polê keyneki û mîrdimî jînî xelata xo pakenê. Dima zî xwendîye veyyeyî zî xelata xo vêki ra kenê. Wexto ki xelati pabena, kişa vêki di, poldê lajekî ra yew cinî vejîna sendalî siyâr, xelata ki vêki ra bona verê nameyê wîyarê xelati bi vengê berzî vana û na xelati şarê veyyê nawenna û dima zî na xelati vêki ra kena. Merasimê xelati ra dima, vêki dekenê texsî û benê verê berdê lajekî. (Inê 40-50 serrî ra vîyar, semedo ke texsî çin bîy vêki, qelabalixê reyde û pey istori hewilnaynê. Ay wext şaro ki vêki reyde bîyînê, tifing û debançey teqnaynê.) Vêki semedo ke xelata xo bigêro, ina asaney reyde texsî ra, nîyna war. Maya lajekî, yew zerd vêki ra kena. Dima vêki texsî ra yena war. Polê lajekî ra yew cenî şeker fiynena vêki siyâr. Wexto ke vêki hamêyi berdê lajekî vîyar, vêki ya yew bardaxi, ya zî yew xili (şarbil) dana erd ro şiknena. No mîyan di, zama sayan vîyar vêki dano. Dima zî vêki hinê şona zerreyê keydê lajekî. Tay veyyan ra pey, keyê lajekî werê mewlidê danê. Tay veyyan ra pey zî keyê lajekî, werê veyyê dano xwendîyan. Xwendîye werê xo wenê. Dima keyê lajekî ra xatir wazanê û şonê keydê xo. Ü veyye hinê qedîno.





KÊÇO

Berhevkar:
Mahpus BILİZ

Çavkanî: Meta Şemşê
Temen: 83
Perwerdehî: Nexwende
Herêm: Qerejdax / Amed
Sal: 2015

Yusuf
Şikari

Paşayek û sê lawên wî hebûne. Mal û milkê paşê wisa pir e nayê aqila. Paşa dimire. Van hersê lawên paşê li ser mal û milkên bavê xwe didin çirtika, bela dikin, xumarê dilîzin û tût û rût dimînin li ortê. Birçû dimînin.

Hersê bira dibêن(dibêjin):

-Eman, gidî, em ci bikin, ci xweliyê li serê xwe bikin, em man birçî.

Vir da wê da bi hev şêwirin û gotin:

-Wele wext wexta paletiyê ye. Em ê dirgan û tirmix û dasêن xwe hildin û herin ji xwe ra karekî bibînin û bişîxulin.

Her sê bira rabûn dan ser rê û çûn. Kêm çûn, zêde çûn rastî zeviyekê hatin. Bala xwe danê ku di zeviyê da teneyekî(genimekî) wisa li dar e meriv qêmiş nake li tene binêre. È wexta çinîna tene jî hatiye. Evana hema dane dasê xwe û bê xwedîyê zeviyê ketin nava tene û çinîn. Dibêن:

-Çawa hebe xwe-

diyê zeviyê hat wê heqê me bide me. Çinîn çinîn, nihêrin ku way(wa ye) pîrek hat, Pîra Hût. Pîra hût bala xwe didê ku way sê kes ketine zeviyê û teneyê wê diciñin. Pîrê diqîre ji wan ra xebera dibêje, dibê:

-Lo lo qey we wa genima bêxwedî dîtiye hûn diciñin?

Evana dibêن:

-Pîrê em ji te ra diciñin.

Go:

-Hûn ji min ra diciñin?

Gotin:

-Erê em ji te ra diciñin.

Got:

-De lawo biçinin Xwedê ji we razî be. Çinîn bîstik ma ji navrojê ra.

Pîra Hût
got:

Layê(lawê) min niha hûn birçî bûne?

Gotin:

-Erê wele Pîrê em birçî ne.

Pîrê zivirî ser yekî ji yên din pîrsî got:

-Navê vî birayê we ci ye?

Herduyê din gotin:

-Navê wî Elî ye.

Pîrê got:

-Wele ez nizanim bêjim Elî, ez ê bêm[bibêjim] Kêço.

Pîrê navê lêwik danî Kêço. Herdu bı-rayan gotin:

-Wele Pîrê tu dizanî, hema tu bi kêfa xwe yî.

Pîrê li kaxizekî mektubek nîvîsî da Kêço, got:

-Kêço here mala me way li filan çiyâyî ye, mala Pîra Hût e. Here her sê keçikê min li mal in. Tu yê vê mektûbê bidî wan bira nêñ çêkin bi te din û tu yê hildî û bînî. Kêço rabû ket



Susur Alikan

rê û çû. Ë Kêço ji xwenede (xwenda) ye, zane ye. Mektûb jev derxist got:
-Hela bise ez lê binêrim nanê me çl ye, hela Pîra Hût wê ci nanî bide me?

Kêço li mektûbê nêrî, bala xwe dayê ku Pîre ji qîza mezin ra gotiye:

-Tu yê Kêço şer jêkî(ser jê bikî), li ber bilxurêkî û li satilekê û bidî qîza bîçûk li hespî kî(bikî) û bisinî. Dibê hey (eger) birayên Kêço ji xwişka biçûk pîrsîn gotin: "ka Kêço?" Tu qîzîkê temî bike bira ji wan ra bêje: "Kêço way li mal e, westiyave, bêna xwe dide, ew ê dûra were."

Kêço radibe wî kaxizî diqelêşe, davê(diavêje) û kaxizekî din ji bêrîka xwe derdixe û wiha lê dinivîse, divê(dibêje) Pîre gotiye:

-Bira(bila) Bizina Mor şer jêkin, li ber bilxurê kin, bira Kêço têr bixwe û yê mayî ji li satilê kin bira Kêço hilde û ji me ra bîne ber zeviyê.

Kêço kaxizê ku niví sandiye bi wî awayî dibe, dide destê qîzên Pîre. Her sê keçik mektubê dixwinin û radibin hema hahankava bîzinê şer jê dikin, gotş çedîkin, Kêço têr dikin û gotşê mayî ji dixin barê hespî û Kêço disînin. Kêço dide rê û diçe ber zeviyê. Kêço nêzîk dibe, Pîre wiha dinêre yek tê. Dibê:

-Wele eva Kêço ye. Dibê wey Kêço te di diya min niyayo, te li min ci kir?" (Di dilê xwe da dibêje, ji bo ku deng neçe birayên Kêço û ew meselê fem nekin).

Evana xwarina xwe dixwin û cardin radibin tene dicinîn heya êvarê, êvarê derin(dicin) malê. Derin malê, lê Pîra Hût Kêço di dilê xwe da dixwe. Dibê:

-Ez gere(gerek) gotşê Kêço bi saxî bixwim, wî bi qurbâna Bizina Mor kim.

De ka êşa Bizina Mor daye serê

Pîre, Pîre qet zevt dibe. Dibe êvar şîv tê erdê, pale cardin xwarina xwe dixwin. Pîre ciyê hersê qîzên xwe li wî dîwarî datîne, ciyê hersê lawikan ji li vî diwarî datîne. Pîre ji dere[dihere] li hêla malê radikeve. Ë Kêço kula xwe, ya ku bi roj anyi serê Pîre dizane. Kêço ranakeve, tebatî naveke Kêço. Kêço carî carî ji birayên xwe ra dibê:

-Law rabin lawo rabin em herin, eva Pîrehût e bi Xwedê evaya wê me şer jê bike û bixwe.

Birayên wî dibê:

-Tu bi qurbana Pîre bî. Pîre navroja me gotş daye me, êvarê cardin gotş daye me tu jî radibî dibêji wê Pîre me şer jêke û bixwe. Dibêne de ji xwe ra rakeve dev ji vê tîrsa xwe ya berdayî berde.

Kêço cardin dibê:

-Law rabin em herin.

Dike û nake evana ranabin. Evana radikevin Kêço radibe hêdîka ciyê birê xwe yê mezin dibe dewsa ciyê qîza Pîre, a mezin, ciyê wê jî tîne dewsa ciyê birayê xwe. Ciye keçika ortê tîne dewsa ciyê birayê xwe yê ortê, ë xwe jî dibe dewsa ciyê keçika biçûk. Kêço qêmîşê birayên xwe nake, di nav ciyê xwe da xwe kerr dike û disekine, xew nakeve çavên wî. Kêço bistekî disekine, dinêre way Pîre kêreka mezzin di destâ da ye hat. Pîre bi hêrseka mezin dikeve ser qîza xwe ya mezin şer jê dike, dikeve ser ya ortê wê jî şer jê dike. Ni-zane ku Kêço ji êvar da ci kiriyê, dewsa qîzên wê û birayên xwe gu-hertiye. Dibê:

-Ez Kêço şer jê nakim, gere ez serê sibê li ber çavên Kêço gotşê birayen wî bibrêjim û bixwim û piştra ji ez ê Kêço şer jêkîm û bixwim. Dibê ez ê Kêço bi qurbâna Bizina Mor kim.

Qederek şev derbas dibe, Kêço gazî

birayên xwe dike dibê:

-Law rabin lawo rabin em herin.

Birayê mezin dibê:

-Tu bi qurbana Pîre bûyo, Pîre awqas goşt da me, em ê ku da herin?

Kêço dibê:

-Lawo hela li ciyê xwe mîze kin, ma ciyê we li vira bû? Min ciyê we bir dewsa ciyê keçikan yê keçikan bir dewsa ciyê we. Pîre hat ku we şer jêke ji ber ku min ciyê we guheran-dibû Pîre qîzên xwe di dila we da bi tevî orxanê şer jê kir way di qêpî(derî) ra derket û çû.

Hersê radibin derin. Pir derin hindik derin. Dibê:

-Wele li filan derê paşakî mezin heye, em ê herin gundê wî ji xwe ra bisixulin, niha li wir kar heye û diben ku em li cem wî paşayî bisixulin Pî-rehût nikane[nikare] tişki ji bi me bike.

Evana derin mala paşê. Paşa dibê:

-Layê min hûn kî ne, ji ku da tê, ku da derin?

Evana dibê:

-Wele paşa em ji xwe ra li karkî di-gerin.

Paşa ji yê mezin dipirse, dibê:

-Tu yê herî ber dewaran(garanê)?

Dibê:

-Erê, ez ê herim.

Ji yê ortê dipirse, dibê:

-Tu yê herî ber golikan.

Ew jî dibê:

-Erê, ez ê herim.

Ji Kêço dipirse, dibê:

-Kêço tu yê ci karî bikî?

Kêço dibê:

-Wele ez nikarim karkî bikim. Ez ê ji mîvanan ra çay bînim odê, nan bînim û bibim, ez ê cî û nîvînê mî-

vanan daynim. Yanî dibê ez ê xiz-
meta oda te bikim.

Paşa dibê:

-Hah! Karê te tew baş e.

Evana êdî dest bi karê xwe dikan. Dibe êvar gavan ji ber dewêr têن, herdu birê Kêço têن li jêra odê rûdi-nin. Herdu bira bala xwe didinê ku Kêço li ber destê paşê diçe û tê, paşa jê hez dike. Evana ji Kêço xûy dikan[degesiyen dikan.] De ka Kêço birayê herî biçûk e û li oda pasê mîze dike, ew jî gavani û golikvaniyê dikan, zora wan dere. Dibên:

-Lazim e em tişkî bînîn serê Kêço ku wî ji ortê rakin.

Êvarekî dîsa bira tên malê. Û mezin dibê:

-Paşa!

Paşa dibê:

-Ha!

Dibê:

-Mihîneka[mehîn] Pîra Hût heye, yeka biqasî vî dîwarî ye. Dibê eger ew mihîn ji te ra bîhata rola te, wê hîn zêdetir ba.

Paşa dibê:

-Lawo ar di mala we keve. Pîrehût li ku, ez herim hespa wê bînim li ku?

Dibê:

-Mala wê di vî ciyayî da ye. Ez şevkî lê bûme mîvan, îmkana ku meriv bîkanibe[bîkaribe] hespa Pîrehûtê bîne tune ye.

Paşa dibê:

-Ka wê kî bîkanibe here bîne?

Birayê mezin dibê:

-Kêço'ye me dikane here. Kêço tu anîha bişînî wê here mihîn bîne.

Kêço dike qîreqîr, digirî. Dibê:

-Lawo eman, hewar ez jî ku dikanim herim mihîna Pîrehûtê bînim?

Bira dibên:

-Wele tu dikanî.

Paşa jî bi ber bayê birayê Kêço di-keve. Dibê:

-Kêço wele tu derî here tu narî ez te dikujim.

Kêço mejbûr dimîne radibe dere. Dere ji xwe ra çar-pênc mêtro cawê reş dikire û dere xaniyê Pîrê ji para ve qul dike, qêpiyekî [deriyekî] vedike û destê xwe diavêje dizgîna mihînê. Mihîn dihîşe, dibê:

-Pîrê Kêço hat!

Pîrê hema ji cî radibe direve tê. Bala xwe didê ku way qêpî kilît e û tiştek ji tune ye.

Kêço ew cawê ku stendiye bi xwe ra bîriye dide ber wî cihê ku qul kiriye û tê ra ketiye hundir. Di ber wir da darda dike ji bo ku işiq[şewq] tê ra nexwiyê. Pîrê li vî alî dinêre, li wî alî dinêre tiştek tune ye, cardin diçe di-keve nav ciyê xwe. Pîrê cardin xewra dere, Kêço cardin dest diavêje rîsma mihînê. Mihîn cardin dihîşe, dibê:

-Pîrê Kêço hat!

Pîrê cardin tê, digere tişt tune ye. Pîrê cardin diçe dikeve nav ciyê xwe ku rakeve, mihîn cardin dihîşe, Dibê:

-Pîrê Kêço hat!

Bi vê gotina cara sisêyan ra, şonik[darê] ku pê cil û herî tê kutan] li wir e, Pîrê hema şonikê bilind dike davâje li inîya[enî] mihînê dixe, dibê:

-Min serê Kêço di te kirê, tu jî bi Kêço min ditirsînî!

Mihîn dibê:

-Bira tu wer bikî. Dibê wele êdî Kêço min bibe jî ez deng nakim.

Pîrê dihere radikeve, Kêço jî di wî deriyê ku bi xwe vekiriye û caw di ber da darda kiriye ra mihînê diki-şîne û dike. Kêço dere. Pîra hût serê sibê radibe bala xwe didê ku mihîna

Qer tune ye. Pîrê ciñî û pêtiya ji xwe dike dibê:

-Kero Kêço qey tu yê wisa ji destê min xelas bibî, tu bisekine, tu yê ji xwe ra bibînî!

Kêço mihînê dibe ji paşê ra paşa û millet tê li mihînê dinêrin hahoooo! Tew hespa wiha li derkî tune ye. Paşa li ser vê meselê hinkî din ji Kêço hez dike. Dibe êvar birayê Kêço têن. Ji paşê ra dibên:

-Kêço hesp ji te ra anî?

Paşa dibê:

-Erê wele anî.

Bira hinkî ecêb dimînin. Dibên:

-Heyran Kêçoyê me pir xurt e, di-kane her tiştî bike.

Bira li hember vê jêhatibûna Kêço li dek û dolabên din digerin. Dibên:

-Em ci bîkin ku em Kêço ji ber çavên paşê da bixin?

Îcar ji paşê ra dibên:

-Me wê rojê li mala Pîrehûtê xwarin xwar; dibê kevçiyê Pîrehûtê ku danî ser sıfrê zér bûn, siniya ku ji me ra danî zér bû, lengerî zér bû. Dibê paşa ji xêra Xwedê ra ew çîkana[kevçî û kod] ji bi destê te bi-ketana. Dibên tam layîqên te ne.

Xaya[armanc] wan ew e ku Kêço here û Pîrehût wî bikuje.

Paşa dibê:

-Lawo kî dikane wana ji mala Pîrehûtê bîne?

Birayê mezin dibê:

-Kêçoyê me.

Paşa dibê:

-Lawo derxistina wan kevçî û kodan pir zehmet e, Kêço nikane bîne.

Bira, dibê:

-Wele tu Kêço anîha bişînî ew ê here û bîne.

Paşa dibê:

-Wekî wisan e ez ê Kêço bişînim bira here bîne.

Kêço hey digirî, dibê:

-Lawo ez ê çerçawa herim? Ma vaya hesp bû, Xwedê li hev anî, min çû anî, ez ji ku ra dikanim herim kevçî û kodêñ Pîrê bînim?

Paşa dibê:

-Wele Kêço tu yê herî wan kevçî û kodan ji min ra bînî. Eger tu nerî[necî] ez ê bi serê te dim [serê te lêxim-jêkim].

Kêço neçar ma, da rê û çû. Kêço di rê da bixwe bixwe dibê:

-Ez ê ci bikim, çawa bikim? Dibê wele ez ê hema rasterast herim mala Pîrê.

Ü diçe mala Pîrê. Diçe dibê:

-Pîrê!

Pîrê dibê:

-Ha!

Dibê:

-EZ hatim, Kêço.

Pîrê dibê:

-Wey Kêçokê min, tu hatî ci, tu çer hatî, te li min xelat e yan celat e?

Dibê:

-Wele Pîrê min zanî ku min tu pir gehirandî. Dibê min mihiña te biriye, min gotiye ez herim bira Pîrê min bixwe.

De ka Kêço ye helbet hin tiş daye ber hev ji xwe ra. Pîrê dibê:

-Ê layê min, tu hatî ser çavan. Wexta ku tu hatî wele ez ê jî te bi kêfa xwe bixwim.

Kêço dibê:

-Pîrê Pîrê! Dibê wê roya[roja] ku em hatibûn mala te; te bilxurek çeki-ribû, te xistibû lengeriya zêrîn, kevçiyê zêrîn xistibû nav, dabû ser siniya zêrîn min xwar. Dibê lezeta[tam] wê xwarina te hîn di bin zimanê min da ye. Dibê tu ji min ra wiya çêke ez bixwim ez ê qatek goştê din jî bigirim îcar tu min paşê

bixwe.

Pîrê dibê:

-Wîii, ez ê bi qurbana te bim! Dibê niha tu yê qatek goştê din jî bigirî?

Kêço dibê:

-Erê wele ez ê zêde bigirim.

Pîrê radibe bilxur çêdiķe û dide ber Kêço, Kêço dixwe. Kêço dibê:

-Pîrê wele ez pir tî me.

Dibê:

-Tu dikanî tasek av bidî min?

Pîrê dibê:

-Wele av di hundir da tune ye û tis-tek jî tune ye ku ez pê avê bînim. Dibê ka ez ci bibim pê avê bînim?

Kêço dibê:

-Bêjîngâ te tune ye?


Pîrehût dibê:

-Heye.

Kêço dibê:

-Hema bêjîngê bibe.

Pîrê bêjîngê dibe di avê da dike û



nake av tiji nabe. Pîrê dibê:

-Kêçokê min av tê da nasekine.

Kêço dibê:

-Pîrê tê da birî û qulikên wê bixetimîne.

Pîrê jî tê da dirî. Heya Pîrê qulika dixetimîne Kêço bîlxur dirijîne, kevçî û kodan hildide û direve, herre ku tu naçî. Pîrê tê hundir ci Kêço ye, ci bîlxur e, ci kevçî û kodin, ci hal e? Kêço çûye. Bala xwe didê Kêço wa ye li ser pirê diçe. Pîrê jî carekê li ser wê pirê ra çûye û di rex wê pirê da ketiye xwarê. Ew roj ev roj e Pîrê sond xwariye êdî di ser wê pirê ra derbas nabe. Kêço çû, xwe xelas kir. Pîrê ax û wax bi xwe dikeve. Ci fayde... Kêço kevçî û kodêñ zêrîn dibe jî paşê ra. Evarê sifra paşê tê ser ciyêñ wî: Sinî zêrîn, lengerî zêrîn, kevçî û kodik gîş zêrîn in. Paşa hinkî din jî ji Kêço hez dike. Dibe êvar birayêñ Kêço têñ dibînîn erê, way Kêço hatiye û kevçî, kodik û sinî gîş anîye. Di dilê xwe da dibêñ:

-Law me çer kir? Kêço way li cem paşê zêdetir rol girtiye, qedir û qîmeta wî zêdetir bûye.

Evana difikirin dibêñ:

-Em ci bikin ci nekin?

Diçin cem paşê, dibêñ:

-Paşa!

Paşa dibê:

-Îcar ci ye?

Dibêñ:

-Wele wê royê em li mala Pîrehûtê raketin, Pîrê jî me ra nivîn danîn.

Dibêñ:

-Rûyê wan kes nizane ku ci mal bû.

Dibêñ:

-Nivîn jî erdê a wiha bilind bûn. Wisa nerm bûn mîmanî hevirmûş[hevîrşîm] bûn. Dibê wekî ew nivînana jî ji te ra bihatana qîmeta te wê hinkî din

jî zêdebûya û dibêñ ew nivîn layîqê

Pîrê nîn in, hema layîqê te ne.

Paşa dibê:

-Law ma nivînê me hene, em dikani nivîna çekin.

Evana dibêñ:

-Na nivînê wisa qet ne li mala te ne jî dereka din tun in[tune ne]. Wele dibêñ ew nivîn li vî welatî tenê layîqê te ne.

Ê ev gotinêñ ku, nivînê wiha li mala te tun in, li paşê zor têñ.

Paşa dibê:

-Ê de ka kî dikane here nivîna bîne?

Evana dibêñ:

-Kêçoyê me.

Paşa dişîne Kêço tîne. Paşa dibê:

-Kêço tu yê herî wan nivîn bînî.

Kêço dîsa qar û bar dike. Dibê:

-Heyran ma Xwedê carkî ji meriv ra li hev tîne, dudan li hev tîne, lê cara sisîyan bela meriv li ber lingê meriv e.

Paşa dibê:

-Wele ku tu neçî ez ê bi serê te dim[serê te lêxim].

Kêço mejbûr dimîne dere. Dere lê şev e Pîrê û qîza xwe raketin. Kêço dikeve hundir. Ciye Pîrê û qîza wê li kîleka hev bûne. Kêço xwe hêdîka di nava herdyan ra dike. Carekê qîzikê def dide, dibê qîza min çîçkî [hînekî] xwe wê da bike ez dikevim erdê. Carekê jî Pîrê def dide dibê dayê çîçkî xwe wê da bike ez dikevim erdê. Pîrê li hêlekî ji ser doşekê da dikeve erdê, keçik jî li hêlekî dikeve erdê. Kêço nivînan qat dike, li şîritê dike û hildide û dere. Pîrê wextekî şevê li xwe dihese gažî dike dibê:

-Qîza min hinkî wê da here ez li erdê me.

Keçik dibê:

-Dayê, wele ez jî li erdê me!

Pîrê dibê:

-Wee wele Kêço nîha diya me, nivînê me jî bir çû.

Kêço nivîn bir jî paşê ra. Paşa li ser nivînan veket[raket], li kîfa xwe mîze kir. Paşê hinekî din jî ji Kêço hez kir, go:

-Wele Kêço tu pir merivekî baqil î.

Bû évar birayêñ Kêço hatin malê. Gotin:

-Paşa Kêço jî te ra nivîn anîye?

Paşê got:

-Erê wele anîye û dibê Kêço pir jê-hatî ye.

Herdu birayan li ber dewêr ji hev ra gotine:

-Hey Kêço nivîn anî be, em ê rîye ka din bidin ber bira wê bike hela Pîrehût wî nakuje.

Vana jî paşê ra gotin:

-Paşa pasa! Kes nizane, qîzek Pîrê heye ci qîz e ci qîz e. Dibêñ wer[wisa] rînd e meriv nikane jî bedewbûnê lê mîze bike. Dibêñ wekî ew keçîka jî ji te ra bihata li ser te ra paşa li vî welatî tune bûn.

Ku qala keçikê tê kirin paşa kîfa wî xweş dibe, di bin simbêlan ra beşeve dibe[dibeşîse].

Paşa dibê:

-Heyran erê erê lê, kî dikane keçikê bîne?

Evana dibêñ:

-Kêçoyê me! Dibêñ tu Kêço bişîne eger Kêço neçû neanî em qet tişkî nizanîn li vê dînyayê. Dibêñ Kêço pir jîr e.

Paşa dibê:

-Ji min ra zû gazî Kêço bikin.

Gazî dîkin Kêço tê, lê ditirse dibê:

-Ka hela paşa îcar ci bide pêsiya min.

Paşa dibê:

-Kêço, keçeka Pîrehûtê heye û pir binavûdeng e. Dibê here, tu çi dikî bike lê wê keçikê ji min ra bîne.

Kêço dizane ku bêje na jî fayde nake, hema radibe eşkera dere. Dere mala Pîrê. Dibê:

-Wele Pîrê ez îcar hatim ku tu min bixwî, vê carê niyeta min bi tu dek û dolaban tune ye. Dibê ez dizanîm ku ez ji destê te xelas nabim hema tu anîha min bixwe ez jî zû xelas bibim.

Pîrê dibê:

-Wey Kêçokê min tu bi xêr hatî, wey ez bi qurban! Dibê wele tu îcar hey ji destê min xelas nabî! Pîrê dibê lê meriyên min giş bi vê hegareta ku te li min kiriye hisiyane. Ji min ra gote hey tu Kêço digirî tu goştî wî bê me nexwî, gere em giş goştê wî bixwin ku dilê me rihet be.

Pîrê radibe Kêço di nav kulêv da lûr dike{dinûrîne} û girê dide û di ber mizraxan ra (kêranên arîk ra) dike. Ji qîza xwe ra dibê:

-Rabe êzinga hûr bike arkî(agir) dade, heyâ ez gazî mervanê xwe dikim û têm.

Keçik vit vit êzinga hûr dike, lê nikane hûr bike, qewta wê pê da naçe. Kêço bilûra xwe ji ber xwe dikişîne xweş û xweş lê dixe. Keçik serê xwe bilind dike lê mêze dike, dibê:

-Way tereso tew bilûrvan e jî heyran! Kêço dibê:

-EZ bilûrvan im, lê ez wekî te me. Dibê ez bama(bûma) bi tepkî ra min ê ew êzingana tev hûr bikira.

Keçik dibê:

-Rast tu yê wisa zû hûr kî?

Kêço dibê:

-Erê wele ez ê hema di bistkî da gişî hûr kim.

Keçik Kêço datine û vedike. Kêço hema tep tep du sê tepa li êzinga dixe, hûr dike û datîne wira. Kêço ji

keçikê ra dibê:

-Hela were bikeve nav kulêv ez ê carekî te bilind kim, carekî jî tu min bilind ke, hela tu jî dikanî min bilind bikî yan nikanî?

Keçik dikeve nav kulêv, Kêço hema kulêv li hev lûr dike û keçikê hildide here ku tu naçî. Keçik diqîre:

-Eman, hewar, li min...

Ê ci ji destan tê. Kêço keçikê dibe ji paşê ra, dibê paşa ava min keçik anî ji te ra. Paşa çav bi keçikê dikeve, li bedebwûna keçikê mêze dike, pir kêfxwêş dibe. Keçik dike qêrîn û hewar dibê:

-Erd here ezmana û ezman werinerdê ez ji bêyî Kêço kesî mehr nakim. Dibê paşayê ci halê ci, va paşa ji kû ra derket? Dibê law Kêco ma te ez ji xwe ra nerevandim?

Vir da wê da, dikin û nakin keçik paşê qebûl nake. Evarê birayen Kêço ji ber dewêr têن, dibê:

-Paşa Kêço keçik anî?

Paşa dibê:

-Erê wele anî.

Dibê:

-Te mehr kir?

Dibê:

-Wele keçik min naxwaze. Dibê ez ille Kêço dixwazim.

Bira ci dane pêsiya Kêço, Kêço bi fenê xwe û bi baqiliya xwe weke vê carê tev hel kiriye. Îcar ji paşê ra dibê:

-Paşa qîza Pîrê ji ber hatiye girtin, Pîrê niha çêtî û pêtîyan ji xwe dike. Dibê paşa ji xêra Xwedê ra Pîrê niha li vira bûya te bidîta ka hela Pîrê ci dikir?

Paşa dibê:

-Ar bi mala we bikeve em ê cer bikin ji Pîrê? Dibê ma kî dikanê here Pîra Hût bîne?

Evana dibê:

-Wele Kêçoyê me dikanê. Tu anîha bişînî ew ê here bîne.

Kêço digirî:

-Eman, hewar Pîrê li min bi gef e, law wele Pîrê wê min bi saxî bixwe.

Paşa dibê:

-Wele Kêço tu dikanî û tu yê herî.

Ê Kêçoyê reben tiştek di destâ da nema. Kêço dere. Dere mazatê nêriyekî dikire, tîne ser jê dike. Postê nêri li xwe dike. Dere li ser etara xironeka (zengila) pê ve dike û sandogeka bi qasi bejna Pîrê jî çêdike û dike datîne hewşa Pîrê. Bi xwe ji dere dihar xêni[serban]. Di roceynê ra(di kulekê ra) dibê:

-Pîrê! Êhno rebek? (yanî Rebê te kî ye?)

Pîrê dibê:

-Ê ez bi qurbana te me Rebê min tu yi.

Kêço dibê:

-Ez ruhsitîn im, ez qasidê Xwedê me, ez hatime rihê te distînim.

Pîrê dibê:

-Min di gora bavê Kêço da rîto. Dibê nivîn jî tun in ku ez xwe têkmê[bik-evim navê], Kêçoyê kurê kûcîka, nivîn min jî birin.

Kêço dibê:

-Pîrê sandoqek li hewşa te ye, tu bimîrî jî, ez rihê te bistînim jî tu yê di wê sandoqê kevî[bikevî] û herî merzela.

Pîrê li hewşê dinêre, erê way sandoqek li hewşê ye. Kêço dibê:

-Tu dixwazî ez te tew bi saxî bibim hizûra Xwedê?

Pîrê dibê:

-Wele ez qayil im tu min bi saxî bibî hizûra Xwedê.

Kêço dibê:

-De here bikeve wê sandoqê, derî li xwe bigire, rind qîr û zift ke bira venebe haa! Dibê ez ê te bi saxî bibim hizûra Xwedê.

Pîrê dere dikeve sandoqê û qêpî li ser xwe rind mezbût(kilît) dike. Kêco tê û bi şirîtê dikeve ber, sandoqê dide pişta xwe û dere. Postê xwe ji diavêje. Diçe ser pîrê. Dibê:

-Pîrê vaya kî der e?

Pîrê:

-Ma ez ji ku dizanim kî der e? Ez di sandoqê da me, ez va ye derim hizûra Xwedê.

Kêco dibê:

-Pîrê vira Pira Selatê ye.

Pîrê dibê:

-Ê emrê Xwedê ye. Dibê Xwedê Teala emir kirîye, ruhistîn min dibe û dibê ez bi saxtî di ser Pira Selatê ra derbas dibim, ez ê êdî ji Xwedê çi bixwazim ji vî xweştir mala Xwedê ye.

Cardin dibê:

-Pîrê!

Pîrê dibê:

-Çi ye?

Dibê:

-Pîrê ma ez Kêco me Kêco.

Pîrê hey diqîre, hey xwe li ba dike, hey xwe cer dike sandoq venabe.

Dibê:

-Kêco min di devê heftê û heft bavê te da riyo, te cer niha diya min û ez

rezîl kirim.

Kêco Pîrê dibe li ber paşê datîne.

Dibê:

-Aha ji we ra Pîrê, ez serê we gişa li qûna Pîrê kim, de hela ka hûn ê çi ji Pîrê fem kin.

De îcar Pîra Hût e kî dikane ber bi sandoqê here. Kes newêre bajo ser sandoqê, sandoqê veke. Kêco hemâ sandoqê li wir dihêle û baltekî ji dide destê xwe û dere dikeve paş heft qêpiya. Paşa dibê:

-Ma lawo ma yek sandoqê veke, ma Pîrê wê gûyê kê bixwe, ma em hezar merî(mirov) li vir in.

Evana sandoqê vedikin û Pîrê dikeve nav vî miletî, lê dixe gişî dikuje, heywên hebe wan jî dikuje û dixwe. Pîrê tevî dikuje tenê pisikeka reş li wir maye û ew jî li vî alî û li wî alî diçe û tê ku xwe ji destê Pîrê xelas bike. Pîrê berê pisikê dide û dibêje:

-Pişte reşê, goştê wê xweşê, pişte reşê, goştê wê xweşê...

Pisîk dibê:

-Pîrê Pîrê tu min nexwe, dibê ez ê ciyê Kêco û qîza te rî[ray] te bidim.

Pîrê dibê:

-Pisîka min were ka li kî derê ne ji min ra bêje bi Xwedê ez ê te nexwim?

Pisîk dibê:

-Pîrê a di paş van heft qêpiya de ne herdu jî.

Pîrê lê dixe qêpiyekî dişkêne, diduyan dişkêne heta tê qêpiyê heftan. Kêco jî baltê wî di dest da ye hazir li paş qêpî sekînî ye. Keçik ji Kêco ra dibê:

-Çaxa te lêxist bi derbkî lêxe û bikuje, eger tu di derba ewil da nekujî diya min êdî namire!

Pîrê çawa ku derî dişkîne Kêco balte li orta iniya Pîrê dixe. Pîrê dibê:

-Cardin lêxe cardin lêxe.

Kêco dibê:

-Naaa. Edetê me carek e.

Ü Pîrê dikeve erdê. Kêco dibê:

-Pîrê ka dermanê vî miletî bêje, te giş kuştiye, hela bêje dermanê ku van raket(saxkel) ci ye?


Pîrê dibê:

-Dermanê vî miletî Moriya Şîna histuyê min da ye. Dibê tu vê moriyê di avê da bikî bi kîjanî bireşînî ew ê sax be û tu bi kê nereşînî ew sax nabe.

Pîrehût bi vê gotina xwe ra dimire. Kêco moriyê di avê da dike, dibe bi heywan û wan merivan gişa direşîne, tenî bi herdu birê xwe û bi paşê nareşîne. Herdu bira û paşa dimirin, ê din tev cardin radibin. Kêco jî keçikê li xwe mehr dike û dibe paşa û derbasî dewsa paşê dibe.

Xwelîşoka min li dîwaran, rehmet li dê û bavê guhdaran; ji xeynî şeytanê qula dîwaran.





ÇAND

Bêyî guman, li gellek beşen cîhanê guhertinên mezin yên xwe bi çandê ve girê didin cih girtine, lê li hinek welatan dîroka çandî hatiye parastin û çanda neteweyî di gellek waran de zindî maye. Em nikarin bibejîn ku tevahiya egera neparastina dîroka çandî li nik Kurdan xwe tenê bi bindestbûna wan û welatê wan ve girê dide. Li Asyayê û Afrikayê neteweyin hene ku ji mêt ve xwedan dewlet in, lê li nik wan jî parastina dîroka çandî hema hema tune ye. Li milê din, li welatekî wek Îrlendeyê ku bi sedan sal tê de Îrlendî bindest bûne û heta gellekên ji wan nema bi Îrlendî axaftine, dîroka wan a çandî ta radeyeke bilind maye



Çanda bi C'ya mezin dest pê dike[culture/kultur] gellek tiştan dixe nav xwe, ji babetên xwarinê bigire ta berhemên wêjeyî. Bi gotineke din, çanda neteweyeke wek ya Almanî ji babetên xwarinê yên wek Bratwurst û Sauerkrat bigire ta berhemên muzikî yên Beethoven, û ji totevî yên civatî bigire ta berhemên Goethe û Şiller dixe nav xwe. Di Almanyaya îroj de mirov dikare xwe bi hêsanî bigihîne agahiyên derbarê hemî besen çanda neteweyî ya gelê Almanî de. Çanda Almanan di pirtûkxaneyan de, di entîkxaneyan de, di kelayan de, di kilîseyan de û di şûnên bîrhanîne de zindî ye. Li van şûnan mirov xwe bi reya pirtûkan, belavokan, nivîsaran, şop û nexşê û lidûmâyînan dikare ne tenê derbarê çanda dehsal û sedsalekê de lê bikole, lê derbarê ya bi sedan salên di dîroka gel û neteweya Almanan de. Dema mirov xwe di nav leheya [lehi] agahiyên derbarê çanda neteweyeke wek a Almanan de dibîne mirov xwe wek Kurdekkî büyük hest dike û di heman demê de dilşikestî bi ser rewşa çanda gelê xwe de digirî.

Çanda gelê Kurd yeke kûr û berfireh bû û heta ber 50 salan jî milletê Kurd bi gellek awayan ji milletên dirawsê[cînar] cuda bû, lê bi derbasbûna demê re wek berfa li ser çiyayekî bîhele, Çanda Kurdan her ku çû ji dewlemendiya xwe wenda kir. Di demên borî de, milletê Kurd bi pirranî bi saya mayîna li herêmén xwe û axaftina zimanê xwe ta radeyeke bilind ji asîmîlasyonê [herlandina di nav komên din de] hatibû parastin. Lê bi mezinbûna bajaran û zêdebûna hejmara xwendekarêni di xwendegîn ku zimanê wan ne Kurdi ye re, asîmîlasyon jî berfirehtir bû. Li berevacîya rewşa gelên ku bi kemasî dîrênen wan xwedî li ziman û çanda wan derdiketin, Kurd bi pirranî musilman bûn û ola wan li şûna ku ziman û çanda wan biparêze ew bêhtir ber bi asîmîlasyonê ve gérkirin; cimkî ayet, nimêj, azan û heta bi pirraniya navê kesan be bi Erebî bûn. İroj ziman û cend taybetmendiyen Kurdistan ne tê de, ci nîşanên rîkûpêk ku gelê Kurd rast ji gelên dirawsê cuda raber bikin li holê nîn in. Eger xweliya demê û cerxa felekê zimanê wan jî ji holê rake ji bilî navê "Kurd" tiştik ji wan re namîne. Bi taybetî di nav 50-60 salên derbas bûne de Çanda Kurdan beşike rengînî mezin ji xwe wenda kir; wenda kir ji ber ku nehat parastin, ne di jiyanâ rojane de, ne jî bi nivîs. Ji ber ku Kurdan dewlet nebû, ji ber ku stemeke bêhûde li ser wan û çanda wan hebû, û beriya her tiştik ji ber ku gelê Kurd[bi taybetî Kurmanç] bi pirranî nexwende bûn û ne xwediyê derfetên qeydkirin û parastinê bûn, Çanda Kurdan di gellek besen xwe de heliya, ket nav çandên din, ji çandên din xist nav xwe; bû sedem ku besine wê bi ber reşebayê dem û dewranê bikevin. Di nav sedsalen çûne de bi hezaran mîr û beg û zanyar û navdarêni Kurdistan mirin û sopa li dû gellekan ji wan mayî wenda bû. Bi saya stra-

nên gelêri naven cend kesan man, lê rastiya tevahî û agahiyên rîkûpêk derbarê wan û dewrana wan de hatin jîbirkirin. Bi hezaran gund û bajarokên Kurdan hatin û çûn bêyî ku şopeke pêbawer li dû xwe bihêlin. Heta bi şoreşen demen par be, belgehêne pêbawer derheqê tevahiya mijarêne xwe bi wan ve girê didin de bi şeweke rîkûpêk nehatin nivîsandin; û va yeka bû egera xwarkirina agahiyên derbarê wan de, hem ji aliye dewletên serdest û hem ji aliye Kurdan bixwe ve. Hema jiyanâ koçerên Kurd, yan ewen ku pez xwedî dikirin bidin ber çavan. Şeweja jiyanâ wan, peyvîn wan bi kar dihanîn, çanda bîrîvaniyê, şîrkîlandînê, çortancêkirinê, mûhûnanê, tevnrîstînê, dewarçêrandînê... Bi serî û binê xwe ve bêyî nivîsandin û tomarkirin man. Cil û bergên Kurdi yên deveran, palas û kulav û xalîyen ku Kurdan li deve-rênen cuda çedikirin, xwedîkirina lawiran, şeweyen nêçirvanîyê û gellek tiştîn din ku Kurdan xwe bi hezaran sal bi wan ve mijûl kiribû neketin entîkxaneyan û pirtûkxaneyan. Eger li hinek şûnan ketibin jî, ew di bin naven çandên neteweyen din de ne. Cend berhemên bisinor yên wek Şerefname ne tê de, hinek ji wan ne bi Kurdi, bi saya cend nivîskar û lêkolinîren biyanî bûye ku besine büyük ji şopên kevnar yên Kurdan di pirtûkên bi zimanen din de mane, yan ji wan hatine wergerandin. Hema naven mit [şitîl] û keskahî û pincara ku di nav 50 salen borîn de, bi encama berfirehbûna çandînîyê û sedemên din wenda bûne bide ber çav û babetên hinek lawirêni li Kurdistanê nemane. banana

Bêyî guman, li gellek besen cîhanê guhertinê mezin yên xwe bi çandê ve girê didin cih girtine, lê li hinek we-latan dîroka çandî hatîye parastin û çanda neteweyî di gellek waran de zindî maye. Em nikarin bibêjin ku tevahiya egera neparastina dîroka çandî li nik Kurdan xwe tenê bi bindestbûna wan û welatê wan ve girê dide. Li Asayê û Afrîkayê neteweyin hene ku ji mêt ve xwedan dewlet in, lê li nik wan jî parastina dîroka çandî hema hema tune ye. Li milê din, li welatekî wek Îrlendeyê ku bi sedan sal tê de Îrlendî bindest bûne û heta gellekîn ji wan nema bi Îrlendî ahaftine, dîroka wan a çandî ta radeyeke bilind maye. Bi dîtina min, egeren herî girîng yên wendabûna şopên dîroka çandî li nik Kurdan xwe bi hinek sedeman ve girê didin û du sedemên girîng ji wan ev in:

1. Kurd bixwe bi pirranî nexwende bûne.
2. Dewletên desthilatdariya Kurdistanê kirine bixwe ji şaristaniyeke ramyariya bilind û baweriyeñ adelmendiyeke mirovahî dûr bûne.

Di zimanekî wek zimanê Tirkî de peyva ku ji bo çandê dihat bikarhanîn, "kültür" peyveke biyanî ye. Di zimanê



Erebî de peyvên "theqafe" yan "hedare" ku li şûna çandê dihêن bikarhanîn xwebêja durist ya peyva Îngilizî "Culture" yan ya Almanî "Kultur" nadin... [reh: peyva latînî "cultura" wek "kultûra" dihat xwendin].

Çanda Kurdan yeke devokî bûye û hîn îroj jî ta radeyeke bilind û di gellek waran de, di nav Kurmancan de her weha dimîne. Çanda ku nehê[neyê] nivîsandin û qeydkirin nikare bi sedan salan zindî û resen bimîne. Di nav Kurdan de bi milyonan "têkoşerên siyasi" û şervan hebûne, û hene, lê gelo di nav milyonên ji wan de, ji demê par bigire ta îroj, cend kes hebûne ku xwe bi arşîvkirina tiştên derbarê çandê de, qeydkirina têbîniyên derbarê çandê de û nivîsandina li ser çandê mijûl kiribin? Ew berhemên ku cend ciwanmîrân li ser çandê nivîsandine jî, gelo cend Kurdan hay ji wan hebin! Ya rast berhemên derbarê Çanda Kurdan de hatine nivîsandin bi pirranî ji aliye çend biyaniyan ve di sedsalêن borîn de hatine nivîsandin. Gelê Kurd û rêxistinêni siyasi yên vî gelî bi pirranî derbarê parastina çandê û misogerkirina ku naveroka çanda neteweyî dê bo nifşen sibe û dusibe, bi kêmâsi bi nivîs û belgeh, di qalibekî resen de bimîne bêyi haydarî, zanistî û tecrûbe ne. Eger îroj biyaniyek ji me bipirse "Çortan li Kurdistanê çawa dihat çekirin?" Gelo cend pir-tûk di dest me de hebin ku em bikaribin tê de bersiva pirsa wî bibînin? Û çêkirina kelpîcan, tepikan, xaliyan, kulavan, babetên xwarin û vexwarinê... li nik Kurdên demên par? Û gelo cend Kurdên bakurî derbarê çanda di nav Kurdên rojhilatî de haydar bin? Û gelo cend Kurdên rojhilatî derbarê jiyana Kurdên binxetê de haydar bin? Em behsa hebûna neteweya Kurd dîkin û hemî kêmeşiyen xwe dixin stûyê recîmîn diktator, ku ne bêyi tawan in, lê gelo cend Kurd bikaribin hema straneke ji beşike din ji zaroyêن xwe re bistrê? Fermo li ser taxeke

şûna tu lê ji cend Kurdan re bibêje: "Ji rîndiya xwe ji min re piçekî behsa Çanda Kurdan bike." Hêvîdar im bersivêن wan hêviyê di dilê te xwendevanê hêja de vejîne!

Milletekî nexwende kujerê çanda xwe ye, çimkî çand çiqas dewlemend be jî, bêyi xwendin û nivîsandin dê zû dereng ji xwe wenda bike, têkeve bin bandora çandê din; û li milê din, çandê din ê ji naveroka çanda nexwendeyan bibin û bikin a xwe. Lewma gerîna li çareyên parastina çandê bo Kurmancê irojî durişma "Bijî Kurdistan" ê gellekî giřingtir e. Çîma? Ji ber ku çanda Kurdan hebe, Kurd nemir in; lê Kurdistanâ bêyi Çanda Kurdan bêinxir e!

Kurdan pêdîvî ne tenê bi fêrbûna xwendin û nivîsandinê heye, lê her weha çandina erf û toreya xwendinê di nav xwe de. Ger Kurd xusetê xwendinê di xwe de bi cih nekin û nebe xwendevanê bi zimanê xwe, nivískarên berhem-çak jî di nav wan de pirr nabin. Ger xwendevan zêde nebin firotina berheman jî cih nagire, û ta roja ku nivískar nikaribe xwe bi pereyên firotina berhemên xwe xwedî bike, ew ê nikaribe hejmareke ber bi çav jî berhemên baş jî biafirîne. Û ta hunermend nikaribe jiyanek xweş bi saya berhemên xwe bijî, ew ê nikaribe gellek berhemên çak ên hunerî jî bo xelkê xwe misoger bike. Di rewşa îroj ya kambax de nivískarê Kurd ne ku tenê bêpere dinivîsin, lê bi ser de bizava weşandina berhemekê bo nivískarê Kurd carine bi ihanetê dagirtî ye. Bi encama vê rewşa li pêş çavan Kurd dibin xwediyêن stranbêjine ku heta bi navê CD'yen wan be jî şas dihên nivîsandin, ku heta stranê wan yên gelêrî jî dihên şaso maşokirin û zimanê wan yê mayî bi telafuzeke neqenc dihêt birînkirin.

Da ku Kurd bikaribin rê li berdewamiya wendabûna çanda xwe bibirrin, danîn û bicikirina bernameyên rêkû-pêk pêwîst in. Mixabin jî bo danîn, birêxistin û bicikirina bernameyên rêkûpêk rêxistinêni Kurmancan ne amade ne, ne jî xwediyêni derfet û kadirêni[kadro] pêwîst in. Di rewşa îroj de tenê çîrûskeke hêviyê li başûrê Kurdistanê xuya dike. Em hêvî bikin ku berpirsêni wir ne tenê giřingiyê bidin çandê, lê parastina tevahiya çanda Kurdan bo xwe bikin amanc.

Di nav 20-30 salêni par de hinek kesan, koman û çend rêxistinêni Kurmancan li gor xwe û derfet û pêkaniyên xwe gavine derbarê parastin û pêşvexistina çandê de avêtin, lê ji bo neteweyeke weha mezin ranana [avêtin] wan gavan têrê nekiyîre û têrê nake. Di nav Kurdan de cîgirtina şoreşike hisyarkirina çandî divêt, lê ji ber ku Kurdistanê bi pirranî dewlet nîn e, cîgirtina şoreşike

weha ne hêsan e. Wek yekemîn gava vê şoreşê berfirêkirina proseyea xwendinê di nav Kurdan de divêt. Mebest bi vê yekê ne ew e ku tenê di nav "rewşenbirên" Kurdan de xwendin û nivîsandina bi zimanê Kurdî zêde bibe lê ew e ku xwendin û nivîsandina bi Kurdi têkeve nav mil-yonên ji endamên vê neteweyê. Lê gelo cîgirtina proseye weha di nav Kurmancêñ îroj de ta ci radeyê realist e? Em êdi hemî dizanin ku zimanê Kurdî yek ji mercên herî girîng yên hebûna neteweya Kurdi ye. Em her weha dizanin ku bi derbasbûna demê re li hinek besen Kurdistanê, bi taybetî li bakur û rojhilat, Kurd bi hejmaren bilind zimanê xwe ji bîr dikin û dest bi axaftina zimanê din dikan. Her weha askere ye ku hejmareke bilind ji Kurdan bi Kurdiye şikestî diaxivin. Me hay ji alfabyen cuda û zaravayen bi rêzimanen cuda heye. Televizyonen satelîtî yên Kurdî û bernameyên radyo heye ku di van demen dawin de ta radeyekê roleke erêniñ derbarê ziman û çandê de di nav xelkê de leyiztibin, lê di heman demê de televizyon û radyoyen bi zimanen Tirkî, Erebî û Farisi bandoreke mezin li ser Kurdan heye. Ya rast kêfa gellek Kurdan, hinekîn li derive ji di nav de, ji temasekirina li bernameyên bi zimanê Kurdî bêhtir ji temasekirina yên bi Tirkî, Erebî û Farisi dihê. Sedema 1'em ew e ku ew ji Kurdî bêhtir bi zimanen din dizanin û sedema 2'iem ew e ku bernameyên televizyon û radyoyen Kurdî yekton û yekşewe ne, ne rengîn û pirralîne.

Rojên îroj malperên Kurdî ji xwediyyen leyiztina rolên girîng in, sebaret bi ziman û Çanda Kurdan. Hinek karêñ baş hatine/dihen kirin, lê ew rola mezin ku gelleken ji me ji internete û malperan hêvi dikir, mixabin hîn bi şe-weya wekî pêwîst dihat dîtin nehatine leyiztin.

Ger di nav Kurdan de daxwaz û derfetên parastina Çanda Kurdan û dewlemendkirina vê çandê hebin, wek li jor diyar bû gava yekem bi berferehkirina proseyea xwendina bi zimanê Kurdî dest pê dike. Ji bo vê yekê beriya her tiştî pirtûk divên, pirtûkêñ fêrkirina zimanê Kurdî û nivîsandina bi vî zimanî. Bi milyonan pirtûkêñ bi taybetî ji bo zarokan hatine nivîsandin divên, bi milyonan ji pirtûkêñ bo ciwanan hatine nivîsandin divên. Xwendin bi zarokan û ciwanan dest pê dike. Di heman demê de amadekirina proseyeke pêdagoji divêt, proseyeke ku li gor wê bi hezar an kes dihîn perwerdekirin, da ku têkevin nav tax û şeqamên bajaran, biçin gundan û xwe bigihînin dêyan, bavan, xwişkan, birayan û wan fêri xwendinê û bikarhanîna pirtûkêñ ji bo zarokan hatine nivîsandin bikin. Pirtûk û bernameyên pêdagoji divêt ji siyasetê û propagandaya siyasî vala bin. Ev pirtûk pêwîst e ji aliye pisporan ve, ji aliye kesen ku peywendiya wan bi ziman

û şert û mercen pêdagoji re heye, kesen ku derbarê qonaxen fêrbûnê li nik mirovan û mentaliteya nifşan de agahdar in, hatibin nivîsandin; bi zimanekî hêsan, bi wêne, bi locîk{vac-mantiq}. Li her dera ku fêrkirina zimên û xwendina Kurdi mumkin be, birêxistina kursan divêt. Medyaya Kurdî ya dengî û wêneyî divêt xwe bi salan têkelî vê proseyê bike... Eger dewlet dijwarî û astengan bi rî bixin, amadebûneke rékûpêk divêt da ku rêxistinê navneteweyî yên mafêñ mirovan bihîn hawarê... Câreke din dubare bikim ku gellekî girîng e proseyea fêrkirina zimên ji propaganda û hêvotina siyasî vala bimîne.

Ji bo birêxistina proseyeke weha bêhûde derfet û amadekirina bi program û tevdîr divên, dezgeh û dayire divên, û beriya her tiştî pere divê. Amadekirin û birêxistina proseyeke wek ya li jor ê bi salanbiajo. Gelo Kurdan van derfet û pêkaniyan, kadirêñ pêwîst û pisporan derbarê amadekirina materyalê pêwîst de hebin? Ger nebin, wê demê li vir û wir gavine dê bihîn ranan, li vir û dera han proje dê bihîn birêxistin, lê bidestxistina encameke bi hêviyeke mezin dê ne pêkan be. Ji lewre amadekirina kadiran, mamosteyen têgihîst û pisporan divêt!

Ji bo parastina Çanda Kurdan ji wendabûnê, ji bo legerîn û lêkolîna derbarê besen wenda bûne de, û ji bo zindihîstîn û pêşvexistina çandê bêguman kiryar û ranana gavîn din ji pêwîst in. Ji bo wan ji tevdîr û plan û dezgeh û kadir divên.

Mebest bi nivîsandina vê gotarê ne raberkirina wêneyeke res e, lê ew e ku bi kemasî yê/ya ku vê gotarê dixwîne rewşê bi şeweyeke realist û rasteqîni bide ber çav û hest bike ku ji bo parastina Çanda Kurdan û pêşvexistina wê xebat û tevdîrêñ bêhûde divên, xebat û tevdîrêñ ku her endameki/endameke neteweya Kurdî bi xwe ve girê bide.



Amadekar:
Zeyneb YAŞ
Herêm:
Eynberan / Sêrt



“Pirpîzê pizê pizê pizê
Yeka min yeka Hemzê
Ya Hemzê kete çalê
Ya min ma dotra salê”

Pirpîzê Pizê Pizê...

Hatina biharê, hatina keyf û şahiyê ye ji bona hemû kesî. Ji bo zarokên gundan bihar bendewariya axê, he riyê, mîrg û zevî, dengê çûk û wawîkan e. Di zarokatiya me de gava biharbihata em dibûn ref û ref. Hinekan pincar diçinî, hinekan ji me kuliklênbiharê li serê girikên ku tîrojên rojê pêşî li wan dixistin didan hev; yên rengê wan spî, sor, ximrik(şîrkî) û hinekan jî nêçîrvaniya pirpîzêkan dikir. Pirpîzêk, karê jîr û zîrekan bû. Bi rengê xwe yê zelal û helemorî yekî zû bi zû ji çolê bida hev, lê nêçîrvanênpirpîzêkan ciyê koka wan heta sala bê li hisê xwe dinivîsandin. Nêçîrvanênpirpîzêkan rikber bûn, jîr bûn, kê zû bidîta, kê di yek derbê de ferq bikira ew bi ser diket û baqê destê xwe zêde dikir.

Gava nêçîr xilas bibûya keyfa mezin

dest pê dikir. Kê pirpîzêk dabûna hev li ser wan dileyîstin, pirpîzêk gelek bi qîmet bûn. Pirpîzêk sê per e û sêguncî ne, di nav hev de. Mirov kortikkek dikola, dûvíka pirpîzêkê kurt dikir û di nav du tiliyêne xwe de dibirdianî û digot:

“Pirpîzê pizê pizê pizê
Yeka min yeka Hemzê
Ya Hemzê kete çalê
Ya min ma dotra salê”

Ku kirâs ji nav pirpîzêkê biketa, heger kubandî bûya digotin nêr e îsal bê ber e, lê heger vekirî biketa digotin xêr û bera sala bê zehf e. Ango, heger mî bûya xweyê pirpîzêkê yeka xwe ji lîstikvana distand, lê nêr bûya dor jîjê diçû û pirpîzêka xwe dixwar.

Meselokek

Amadekar:
Zozan BUDAK
Çavkanî:
Gulistan BUDAK
Herêm:
Farqîn / Amed



Dilê kurik ketibû keçikê.
Keçik û kurik xwîniyê hev bûn.
Malbata kurik, ji malbata keçikê heft mêt
kustibûn. Kurik xwe ranagire,
ji keçikê re nameyekê dinivisîne.
Dibêje:

Keçê roka me avêtiye cîkî dûr e.
Şewq û şemalê daye Medîna Minewer e,
Tirba imâmî me yê Resûl e,
Heft heb xweynê mala bavê min
Li ser mala bavê te ye ,
Ramûsanekî bide min, li min qebûl e.
Qîza xwey neyaran nameyê dixwîne.
Û bersîvê didê û dibê,
Kuro tu ne kerki baş û;
qêmiş nakim te bişînim xana.
Tu ne destekî cilê baş û;
te li xwe kim herim kêt û şahî û dîlana.
Tu ne hespkî baş û; li te siwarbim,
bidim cirîd û meydana.
Tu ne gakî baş û; bi te cotkim,
mehê biharê heta serê nîsan û gulana;
te bişînim berriya Merdînê nav garana.
Here ji xwe re pirs bike; ji heft keşê fila,
dozdeh melê misilmana
Keşî diye ku meriv,
heft xweynê daye bergîdana ramûsanek...
Kurik nameya dilgirtiya xwe dixwine û dibê;
- Hey gidî neyara qîza neyara!...

250 NIFIRÊN BIDERB



1. Afat bi ser te da birjê
2. Afat bi serê te da were
3. Agir bi derê te keve
4. Agir bikeve mala te
5. Agirê kulê bi mala bavê ketî
6. Aqûtî bi serê te da were
7. Ar bi mala bavê te keve
8. Arî bi konê tekeve
9. Ava reş bi çavê te da were
10. Ava reş binê lingê te ketî
11. Axûzî bi te bê
12. Ba lê ketî
13. Bav û birê te bi te şâ nebin
14. Bayê sor li te keve
15. Bê bav bimînî
16. Bê dil û can bimînî
17. Bê kes û bê war bimînî
18. Bê mirad herî
19. Bedena te şîn nebe
20. Bela te dûrî qapiyê me be
21. Bela te ji ber nigê te rabe
22. Bela we ji ber piyê
we bê û li kesî negere
23. Bela we ji Xwedê be ji kesî ney
24. Belkî zar pêsa te negrin
25. Belkî zincîra te ji ezmana biqete
26. Ber deriya bimînî
27. Ber miraza rûnenî
28. Ber te da jara maran be
29. Bergê topê li cerge te ketî
30. Bibelqitî
31. Bîbik rîjiyayê
32. Bîbikê te birjê
33. Birîna reş li canê te keve
34. Birûsk li te keve
35. Birûska salê li te ketiyo
36. Birûska sayî li te keve
37. Brûsk li te xe
38. Canê te zer be
39. Cara têrxwarinî li te tune be
40. Cegera te bişewite
41. Cegera te di devê te ra were
42. Cenazê te rabe
43. Çavê te birjê
44. Çavê te kûr bive
45. Çêtîyê te ber gulla ra her
46. Çêtîyê te ji te da bikeve
47. Çil roj û cil şev bê nan û av herî
48. Çündin hebe hatin tune be
49. Çûyîn a te be veger ne a te be
50. Derdê te hebe,
dermanê te tune be
51. Di binê derdan da bimînî
52. Di pêsa te da zarê
kurîn mîz neke
53. Li dû heval û hogiran bimînî
54. Emrê te kin û kurt be
55. Ez meytê te hildim
56. Ez te di axa sar kim
57. Hema wîsa hêşirê sar bi ser
çavê te da were
58. Hestiyê te li hewa be,
goştê te li erdê be
59. Hişki biringo bibî
60. Hundirê te xiş xiş be
61. Îlancix di gewriya te da were
62. Jana zirav li te keve
63. Kelem li çavê te keve
64. Kevçiyê te qet şîl nebe
65. Kevir û kuçik li te bibarin
66. Kezeba te di devê te ra were
67. Kezebres
68. Keziyên te li qırıka te bilefin
69. Koka te biqe
70. Koşka li ber kotî bûn be
71. Kul devê xwe di devê te ke
72. Kula dernexwîn li te xe
73. Kula Helebê li mala te keve
74. Kula kor li mala te ketî
75. Kula Sam û Helebê li can û be-
dena te kar be
76. Kurm guh û bedena te bixwe
77. Malmîrat bî
78. Mala te here ber mîratê
79. Mala xwelî be,
xwelî ji li ber bayê be
80. Malik ne ava be
81. Marîfeta te li mala bavê bimîne
82. Mejiyê te di çavê te ra were
83. Mêş bi firaqa te nekeve
84. Mirad di çavê te da bimîne
85. Mîrata te ji şîrîkan ra bimîne
86. Mirî tu bimîrî
87. Nalet li şîrê te be
88. Nan bibînî, dew nebînî; dew
bibînî, nan nebînî
89. Nanê ce û dewê tîrs
bi dest nekeve
90. Nanê garis bi destê te nekeve
91. Neynükên te dirêj nebin

92. Ort oçaxê te biqele
 93. Oxira te ya xêrê nebe
 94. Parî li devê te be, hêşir li çavê te be
 95. Perçê mezin guhê te be
 96. Pergala te belav be
 97. Pizrika pîs di çavê te da were
 98. Pizrika xerab lê derketî
 99. Qansêr li qûna wan keve
 100. Rizqê te li xezalê be
 101. Roj li te neçe ava
 102. Roja te ya xweş çav êş be
 103. Roja xweş nebînî
 104. Serê te bikev erda res
 105. Sêwiyê serbirişk bî
 106. Stara te tune be
 107. Stûxwar li ber deriyan bimînî
 108. Stûyê te bişkê
 109. Stûyê te di bin te da bimîne
 110. Şape ser te da bê
 111. Şêx Evdilqadrê Gêlanî li te xe
 112. Şûna warê te bibe cihê pepûk û kundan
 113. Tasek av bi destê te nekeve
 114. Taya mirinê te bigre
 115. Te va eydiya dî tu eydiya di nebînî
 116. Tepelika qafê te rabe
 117. Têrbûna te roja eydê be, ew jî bixwî vereşî
 118. Teyrok li serê te bibare
 119. Tiliya te bifire
 120. Tîra Bavê Kal li te rabe
 121. Tîra Xwedê li te keve
 122. Tîra yekcari li te rabe
 123. Tişrek li te rabe tu ne bidî tu ne bistînî tu beqa nekî
 124. Tiştê ku te xwar li te bibe quzilqurt
 125. Tiştê te bi xelkê bimîne
 126. Tofana ezmana lê ketî
 127. Tofana Nuh li te rabe
 128. Top lê ketî
 129. Topa şesxane li te bikeve
 130. Topa Xwedê li te bikeve
 131. Toqa nehletê di hustiyê te da be
 132. Tu a xwe ji xwedê bîbîne
 133. Tu azana melê sibê nebîhîzî
 134. Tu bê av û bê ked bimînî
 135. Tu bê dê bimînî
 136. Tu bê kefen herî
 137. Tu bê mîr bimînî tu bê mirad herî
 138. Tu bê Yasîn herî
 139. Tu ber xwe nebînî
 140. Tu bextreş bî
 141. Tu bi devê gura herî
 142. Tu bi dilê xwe şâ nebî
 143. Tu bi goştê canê xwe bikevî
 144. Tu bi gura ra bizûrî
 145. Tu bi kezeba xwe bigrî
 146. Tu bi menencitê bikevî
 147. Tu bi qermicî
 148. Tu bi şirê kera bikevî
 149. Tu bî, trêñ di ser te ra here
 150. Tu bibelqitî
 151. Tu bibî edû û li vê dinyayê bikevî
 152. Tu bibî kenê xelkê
 153. Tu biçû tu neyê
 154. Tu bigerî lê ji derdê xwe re derman nebînî
 155. Tu bîhelişî
 156. Tu bîhetikî
 157. Tu bimînî bê îman
 158. Tu bimînî bin erebê da
 159. Tu bimirî
 160. Tu biteqî
 161. Tu bixeniqî
 162. Tu bixwî û nekî derva
 163. Tu car riya te rast neçe
 164. Tu cara ox nebêjî
 165. Tu çêtîçêtî bibî
 166. Tu derbeder bî
 167. Tu di avê da bixeniqî
 168. Tu di binê erdê kevî
 169. Tu di mal da bimînî
 170. Tu di nav alemê da rezîl bibî
 171. Tu dîn bibî bi çola bikevî
 172. Tu dîn û eware bibî
 173. Tu ferç bibî
 174. Tu gilê gilêyî bî
 175. Tu heqê xwe bidî derzî û dermania bidî ser xwe
 176. Tu herî, ciyê te Wêl Deresi be
 177. Tu herî eqreb bi te bigre
 178. Tu herî gurê çola te bixwe
 179. Tu herî mal zarûkê xwe nebînî
 180. Tu herî mar bi te bigre
 181. Tu herî qijik û qertel goştê te bixwe
 182. Tu herî xebera te a res were
 183. Tu hewcê ker û kûçikan bî
 184. Tu hewcê tasek avê bî
 185. Tu ifleh nebî
 186. Tu ji cî ranebî
 187. Tu ji herdu çava bibî
 188. Tu ji heval û hogiran bimînî
 189. Tu ji keda xwe nexwî
 190. Tu ji şewata dilî bibînî
 191. Tu ji virda herê ji wê da neyê



- | | |
|---|---|
| 192. Tu ji wî halê xwe nefilitî
193. Tu karekî li ber qapîyê xwe nebînî
194. Tu ker û lal bibî
195. Tu kor bibî
196. Tu kotî bibî
197. Tu kurmî bibî maşalê
198. Tu lezêtê qet nebînî
199. Tu li bexreşiyê bikevî tu li ber avê herî
200. Tu li piya nan bixwî
201. Tu muhtacê bay û bira bî
202. Tu muhtacê neyara bî
203. Tu nanê bi rehetî nexwî
204. Tu nebî zava
205. Tu perçe perçe bibî
206. Tu pêxwas û bê war bimînî
207. Tu piçik û parî bibî
208. Tu qanqiranî bibî
209. Tu qel{qet} mezin nebî
210. Tu qe têr nexwî
211. Tu qe mirada nebînî
212. Tu qijik û pepûk bibî
213. Tu qir bibî
214. Tu quncikê cihenemê da bişewitî
215. Tu rezîl û riswa bibî
216. Tu rûspî nebî
217. Tu satlî canî bî
218. Tu seqet bimînî
219. Tu serê xwe daynî ranebî
220. Tu sêwî bimînî
221. Tu sibehê nebînî
222. Tu têkevî ber destâ | 223. Tu têkevî ber destê min
224. Tu tucar têr nexwî
225. Tu war wenda bî
226. Tu wariş herî
227. Tu weremî bibî
228. Tu wesle wesle bibî
229. Tu xax û tune bî
230. Tu xêrê ji xwe nebînî
231. Tu xêrê ji bextê xwe nebînî
232. Tu xêrê ji canê xwe nekî
233. Tu xêrê ji canê xwe nebînî
234. Tu xêrê ji emrê xwe nebînî
235. Tu xêrê ji jina xwe nekî
236. Tu xêrê ji kurê xwe nekî
237. Tu xêrê ji mala xwe nebînî
238. Tu xêrê ji mala xwe nekî
239. Tu xêrê ji mîré xwe nekî
240. Waqîniya zaran li ber guhê te nekeve
241. Warê te qet hêşîn nebe
242. Xaniyê bavê te tep be
243. Xêrnedî bî
244. Xêrê ji bedena xwe nebînî
245. Xêrê ji te nebînim
246. Xwedê ganê te bistîne
247. Xwedê tu bendar bi destê te veneke
248. Xwelî li serê te be
249. Xweş bî, tim li ber destan bî
250. Zurîyeta te bîqelete |
|---|---|

Berhevkar: Hilmî AKYOL

ÇÎROKÊN NAVLÊKAN₍₂₎



Palaso mirovekî
di halê xwe de bûye.
Hinekî navsere û
bê kar û bar bûye. Bi vî
awayî heta êvarê li ber
diwaran, li bin siya
daran û di quncik û
axkolkan de xwe diavêt
erdê. Lê taybetiyeke wî
ciwamêrî hebûye,
tu caran bê palas
nedigeriya.
Pistepista kê ji ku
bihata, palasa wî di
bin cengê wî de bû û
ew li wir bû.

Mem MUKRİYANÎ

Palaso (Mêrdîn):

Palaso mirovekî di halê xwe de bûye. Hinekî navsere û bê kar û bar bûye. Bi vî awayî heta êvarê li ber dîwaran, li bin siya daran û di quncik û axkolkan de xwe diavêt erdê. Lê taybetiyeke wî ciwamêrî hebûye, tu caran bê palas nedigeriya. Pîstepista kê ji ku bihata, palasa wî di bin çengê wî de bû û ew li wir bû. Dema kê jê re bigota: "Kuro ma tu qet nikarî li ser axa sor, gîhê an jî kevirekî rûnê?" Digot: "Bila pot û pertelên min gemarî nebin." Hingî paqîj bû xwe bi cilpizkan dadiweşand. Ji jina xwe jî pir hez dikir. Navê wê Xezalê bû. Carinan jî digot: "Ji bo ku Xezal'a min nebetile ez cilên xwe gemarî nakim."

Îcar rojekê di civata ber dîwaran de yekî bin emrê wî jê re dibêje: "Xalê Palaso wellehîn dê vê palasa bibe kefenê te." Ev gotin li zora wî dihere. Dibêje: "Yê ku ji niha û pê de ji min re bibêje Palaso ez " û xebereke cîvir jê re dide û didomîne: "Hûn cîma ji min re dibêjin Palaso? Ma hûn eyb û fedî nakin."

Ji ber vê navlêkê rojekê dihere cem melê. Ji melê re dibêje: "Mele wellehîn tahma min di destê gundiyan de nema ye. Divê tu rîyekê bi ber min bixî û careyekê em ji vê rewşê bibînin. Aqilekî bide min, ez destên te radimûsim. Em dikarin çawa pêsiya vê rewşê bigrin?"

Mele jî dibêje ciwamêr: "Divê tu mewlûdekê bidî û bangî hemû gundiyan bikî." Ew jî dibêje: "Ew ê mewlûdek bibe derman? Ez ê jî vê navlêkê xelas bibim?"

Mela Dibêje: "Erê erê. Dema tu mewlûdekê bidî dê hemû kes pê bihese. Herkes ê ji te bipirse bê te mewlûd li ser ci niyetê daye Xwedê qebûl bike. Tu yê jî bibêjî ji bo ku ji îro û pê de êdî kes ji min re nebêje Palaso min mewlûd daye, va ye ez we hemûyan pê dihesînim."

Li ser vê pêşniyara melê radibe mewlûdekê dide. Hemû nas û dostan vedixwîne mewlûdê. Hemû têñ, xwarina xwe dixwîm, civat digere, henekan dikan. Palaso jî dibêje: "Hey min giş li vir, di mala xwe de asê kîrine, ka ez niyeta xwe jî wan re vebêjîm heta belav nebûne." Bi dengekî melûl û li bergerîn dibêje: "Gelî mîvanenê ezî! Ji mala xwe heta vira we pê li herdu çavêñ min kiriye. Hûn di ser ser û çavêñ min re hatine. Niha hûn tev meraq dikan ku min mewlûd li ser ci niyetê daye." Civat dibêje: "Erê wellleh te xwes got." Yek dibêje: "Te ji bo ci niyetê daye Xwedê qebûl bike!" Yekî din dibêje: "De hema ci dibe bila be, Xwedê qebûl bike. Duayêñ wan dirêj dibin." Dor nayê Palaso da ku niyeta xwe jî wan re vebêje. Civat dike ku belav bibe, yekî stû-

dewke{qirikdirêj} qirika xwe ji nava civatê dirêj dike û ji bo ku civat pê bikene bi qerfî dibêje: "De hema te li ser ci niyetê dabe Xwedê qebûl bike Palaso." Gava ku dibêje: "Palaso" Weke tu xencerekê li kezeba wî bixî. Xwe bi xwe dibêje: "Min mewlûd jî da min xwe ji van xerabmalan xelas nekir. Ez ji ber gotinêñ wan bi ku de herim?" Palaso radibe mala xwe dide hev û ji Gund bar dike. Ev Navlêka bûye sedema koçkirina Palaso!

Bavê Pîrekan (Mêrdîn):

Bavê Pîrekan kesekî betal, teral, di xwe re nedî û gellekî çav li xwe bû. Îzzeta canê xwe pirr dizanî, av di zikê xwe de nedîkeyand. Ne tayê zilaman bû, li civata zilaman rû-nedînişt. Were ew ê kuftelên wî heta êvarê li nav erd û eyarê xelkê jê re bişixuliyana ew ê jî heta êvarê li civata pîrekan bûya, galegal û gotin bigeranda û fesadî bikira. Ji ber ku kar û îşekî nedikir serê sibehê çawa rabûna çavê wî li quncik û dikên civat û rûniştinê digeriya. Ku kes tune bûna guhê xwe dida der û dorê bê ka dengê jinan ji ku derê tê. Li benda pistepistekê bû, ku xwe lê bigre û xwe bera wê hêlê bide. Tim û tim karê wî ev bû. Hingî li civata jinan rûniştibû jinan ew baş nas kiribû, tu kesan xwe jê venedigirt, tiştekî xwe jê venedîşartin. Bi qasî hûn bixwazin ji jinan re sernerm bû, li wan guhdarî dikir û peyvîn wan diçûn serê wî, lê li hember pêkirin û gotinêñ mîran diinîtîlaciz dibû) û li wan guhdarî nedikir. Weke jinekî li nava pîrekan cih digit, civat û henekîn xwe dikir û ji halê xwe memnûn bû. Bes ji bilî zayenda wî di navbera wî jinan de tu tiş nemabû. Jin jî elîmîbûnê û li pey diçûn. Dida pêsiya jinan ew mal bi mal digerandin. Mîran jî dizanî ku tu xisar jê nayê dengê xwe pê nedikirin. Gundîyan ew bi halê wî yê heyî, qebûl kiribû.

Dîsa weke her roj xwe digihîne çend pîrekên li ber dîwêr û dibe leqelega wan qal û bahsa însanan dikan. Bavê Pîrekan li civatê sor bûye, galgeh xwe bi dek dike, galegalan ji ya kîleka xwe ya rastê dibêje û bi dengê nerm di guhê wê de dike pistepist, ga niqûcekê li ya rexâ xwe ya din dixe û bi awayekî bêhitî xwe çarqat dike û heyirî, tiştinan ji wê vedibêje. Di wê kîliyê de pênc şes zarokên heft heşt salî jî, ji xwe re li rex wan jinêñ ku civat gerandine dilîzin. Ji wan zarokan yek jê bala wî li ser civata jinan, rewş û tevgera Bavê Pîrekan bûye. Ev rewşa wî bi wî zarokî pir seyr tê. Zarok gellekî mîzûr û bêhawê bûye. Dihere ji dêya xwe re dibêje: "Çima di nava ewqas jinan de mîrek tenê he ye û her roj li cem wan e. Ma viya bavê pîrekan e?" Dêya wî her çiqasî jê re dibêje: "Eyb e, fedî



ye kurê min, tu çawa weha jê re dibêjî? Zilamê mezin e, di şûna bavê te de ye.” Lawik dibêje: “Na, li gorî ku her roj di nava pîrekan de ye û ji wan re diştexile, nexwe ew bavê pîrekan e.”

Piştî ku zarok li ber çavêن jinan û li bal Bavê Pîrekan van gotinan dike, hinek pê şer dikin, hinek jî pê dikenin. Dihere ji hevalên xwe re jî dibêje ku wiya Bavê Pîrekan e. Ew zarok li der û dorê navlêka wî belav dikin û êdî herkes jê re dibêje Bavê Pîrekan.

Nalo (Mêrdîn):

Weke her roj di wextê nimêjê de radibe nimêja xwe dike, xurîniya xwe dike û dikeve rê diçe xanê. Xana wî ya ker û qantiran hebû. Kesêن ku êzing ji bo firotinê dibirin bajêr ji wan re digotin bajarvanî, piştî ku êzingên xwe difirotin ker, hesp an jî qantirên wan ên ku wala dibûn ew dibirin xana Nalo. Xana Nalo li navenda bajêr bû. Ji bo êzingyan an jî bajarvaniyan rawestgeh bû, li wir dicivîyan, civat di-

gerandin û di heman demê de ji bo firoşger û simsarêne hespan bazareke baş bû. Sinc û exleqê Nalo jî xweş bû, dilfireh û rûken bû. Jixwe ji ber vî exlaqê wî herkesi xwe lê digirt û diçûn xana wî. Îcar Nalo li xana xwe heywan jî nal dikirin. Him heqê xanê ji wan digirt, him jî yên ku nalê heywanen wan ketibûn ew nal dikirin û heqê nalbendîya xwe jî ji wan digirt. Gellekî bi nav û deng bû. Hema bibêjin ku herkesi pesnê wî dida di warê kar û pîşeyê wî de. Hingî ku heywan nal kiribûn, bi taybet jî heywanen ku wî ew gellek caran nal kiribûn ew baş dinasîn. Hema em dikarin bibêjin ku bi fialêñ hemû heywanan dizanîbû.

Dîsa rojekê êzingvanek dihere bajêr, barê xwe yê êzîngan difiroşe, heywanen xwe dide pêsiya xwe û dihere ber xana Nalo dide. Li xanê lê hay dibe ku nalê qantireke wî ketiye. Ji Nalo re dibêje: “Bi qurbana çavan, ez ê herim sükê, heta ez vedigerim bi xêra dê û bavê xwe hema qantira min nal bike, simêñ wê bila neêşen.” Ew jî dibêje: “Li ser roniya min, here oxira te ya xêrê be.”

Xwediye qantirê dihere sûke, Nalo jî dest bi nalkirina qantirê dike. Kêr, kertîk, çakûç, bizmar û nalê xwe tîne li ber xwe datîne. Hukma xwe lê xweş dike û destê xwe diavêje sima qantirê ji erdê bilind dike. Pêsiyê bi kêrê binê simê qantirê diqusîne û dixeritîne. Tu nabêjî gava ku Nalo kêr avêtiye binê simê qantirê derba wî kûr çûye û canê qantirê êsiyaye. Nalo xwe dirêjî nalê li piş qantirê dike. Wê gavê jî mêsek keran tê xwe li ser teriya qantirê datîne. Heywan nihnihiyan dike, ji ber diinitîne. Îcar qantir him ji ber pêjna li pişt xwe, him ji ber êşa simê xwe û him jî ji ber mêsâ keran a ku rehetiyê nadê, hema lingê xwe yê dawîn ê rastê bilind dike û bi simê xwe ya nalkirî zitikê li textika eniya Nalo dixe. Wê demê Nalo xwe hew dibîne û ji xwe dihere. Tiştek nayê bîrê. Pişti qederekê yên ku diherin xanê û têن pê dihesin ku wa ye Nalo li erdê ye û xwîn ji eniya wî diherike. Tavilê wî radikin nexweşxaneyê da ku eniya wî derman bikin. Pişti dermankirinê çend hefte di ser re derbas dibin, Nalo dîsa dest bi karê xwe dike. Lê êdî ji ber wê zitika qantirê, şopa nalê wê mîna mohrê li ser eniya wî dimîne. Yên derdor û yên ku erca wan lê dibihurî, bi qerfî jê re digotin; "Lo apo! Rehme rast bibêje, te cî kir ji qantirê ku zitik li te xist? Ji ber vê bûyera ku bi serê wî de hatiye navlêka wî bûye Nalo.

Hewdiko (Mêrdîn):

Di zarokatiya xwe de wer li çol û çepelan mezin bûye. Heta êvarê dî nava pez û dewaran de bû. Ji bilî zarokên

malê yên ku car caran lê vedihewiyan pê ve wî insan nedidîtin. Divê em ji bîr nekin ku hawirdora mirov, teşe dide mirov û ji hawirdora xwe hînî gellek tiştan dibe. Hewdiko jî li pez, çelek, mirîşk, şamî û mîhan dinihêre ku çawa avê vedixwin. Dema ku bermîla avê li ber wan hebe ji bermîla avê, gava ku bermîl li ber wan tune be wan ji hewdik, goncal û kortalan av vedixwar. Hewdiko hercend ku zarok be jî zîq li heywan û wan tevgerên wan dinihêre, wan yek bi yek dixe hişê xwe û roj bi roj ew jî weke wan, xwe noqî erdê dike û dirîstî avê dibe. Yên malê; dê, bav, xwişk û birayen wî hercend ku pê dixeyidîn, nedîhîştin derkeve derve lî li ber bûn jî, mixabin ne pêkan bû ku her deqqe û saetan li ber bin, ji ber kar û emelê xwe. Hewdiko heta şes saliya xwe wer li çolê, ji mirov û qelebali-xiyê ve dûr û di nava heywanan de mezin bû. Di heft saliya xwe de divê dest bi dibistanê bikira. Dest pê dike. Lê herkes şêwaz, rabûn û rûniştina wî, tevger, bertek û hovanetiya wî dibîne. Ji hemû xwendekarêñ dibistanê cuda ye. Zarok ji xwe re pê dikenin, henek û qesmeriyêñ xwe pê dikan. Lê ne li ser bala Hewdiko ye. Ew jixwe nuh bi însanan hesiyye û gellekî kêfxweş e. Zarokêñ dibistanê gava tî dibin diherin kaniyê, devê xwe dixin lûleya kaniyê û avê vedixwin, lê Hewdiko çongêñ xwe dide erdê û deverû xwe dirîstî avê dike. Zarokêñ hevalên wî, vê rewşa wî cara ewil dibînin. Bi wan gellekî seyr û sosret tê, lê bêhitî dimînin. Herçiqasî jê re dibêjin ma tu çima ji hewdê avê vedixwî? Were ji lûleya kaniyê avê vexwe jî, Hewdiko li wan guhdarî nake. Li ser kaniyê, li ser zina-



ran, li ber dibistanê, li ser banê xênî, li çolê hema hûn bibêjin li ku, dema ku tî dibe avê li ku derê bibîne xwe noqî hewdikê dike û têr ava xwe vedixwe. Kes nikare wî qanîh bike da ku dev ji vî tibhê[sinc] xwe berde. Heta tê pola sisêyan. Di pola sêyem de mamesteyekî wan he ye, car caran li nava gund digere, haya Hewdiko jê tune ye. Mameste jî diranêñ wî di qirika wî de bûn, korfesend bû, zarok gellekî jê ditirsiyan. Ciyekî ku pêjna wî lê hebûya zarok revî revî jê direviyan. Îcar di wê bîstika ku mameste di kuçeyêñ nava gund re derbas dibe, Hewdiko jî devê xwe dixe hewda dewaran û avê vedixwe. Mameste çawa çav lê dikeve dengê xwe nake û ber pê dihere. Mamesteyê bêwîjdan di ser avê de bi kerika guhê wî digre, wî ji ser avê radike û bi şîmaqan li rûyê wî dixe. Hewdiko gêj dike û wî berdide. Ji wê rojê şûnde êdî Hewdiko ji hewdikan av venexwar. Ji hewdikan av venedixwar lê êdî navlêka wî ji zû de bûbû Hewdiko.

Dêmjiyo(Dêm-jî) (Mêrdîn):

Ev kesê ku navlêka Dêmjiyo lê hatiye kirin, mîrikekî deşti yê. Dostekî wî yê çiyayî he ye. Biraktiya wan ji berê de ye. Birakê wî yê çiyayî hercar jê re dibêje: "Birako ma biraktiya me bi gotinê ye? Ka carekê were welatê me, em jî mazûnaniyê ji te re bikin, te bikin mîvan." Dêmjiyoye deşti dibêje: "Ser çavêñ min, ez ê rojekê bi xêr werim."

Roj di ser hevditina wan re derbas dibin, meh derbas dibin, sal derbas dibin, rojek ji rojêñ Xwedê Dêmjiyo xwe dide hev ku têkeve rê, here seriyekî bide birakê xwe yê çiyayî. De îcar zemanê berê telefon tune bûn ku gava mirovек an jî malbatek bixwaze here mîvandariyê ku mazûvanê xwe haydar bike. Hema diket rê û dicû, ew û siûda xwe. Dêmjiyo jî dikeve rê û dihere. Ciyê ku divê here aango gundê birakê wî, bi qasî qonaxa du rojan e. Dikeve rê kup û kup û kup... dihere. Lê dibe şev, li gundê pêsiya xwe, xwe li deriyekî diqewimîne. Li wir dibe mîvan. Serê şeveqê radibe û dîsa dikeve rê dihere... her dihere...

Seva dudyan jî nagihe gundê birakê xwe, li rê rastî konê koçeran tê. Dibe mîvanê koçerên li zozêñ yên ku di kon de dimînin. Tevlî Dêmjiyo dibin du mîvanenê koçeran. Yê din jî etar elçercî. Dêmjiyo gellekî birçî bûye. Koçerên mazûvan piştî bi xêrhatinê jê dipirsin: "Ya mîvanê qedirbilind tu ji rê hatiyî niha tu birçî bûyi, hema Xwedê çi qismet kir bila kevanî ji te re bîne, pariyek nêñ di ber dilê xwe bixe, ka bê heta sibê Xwedê çawa dike." Li ser vê

pêşniyara koçeran Dêmjiyo kêfxweşiya xwe tîne zîmîn û bi duayan erê dike ku birçî bûye.

Tu nabêjî panzdeyek berê gur xwe li hevşiyê[hevşo ango stareya pêz] koçeran diqewimîne, ji ber ku xwe nagihîne pez gayê wan birîndar dike û birîna wî gellekî xedar bûye. Li ser vê yekê kîrê diavêjin stûyê wî û serjê dîkin, dîkin qismetê zarokêñ xwe. Ji goşte wî gayî şîvek mabû, ew jî wê şevê xistibûn beroşê dabûn ser êgir ji bo mîvanê xwe yê etar, lê bi qasî nîv sanîkê[senîk] ji ber wan mabû. Ew xwarina ku mabû germ kirin û anîn danîn ber. Dêmjiyo; ji birçîna serî lê werimiye, tu dibêjî qey ji xelê filitiye da-dide xwarinê û gepan lê diwerimîne. Çend pariyêñ goşt yên ku di nava avdonkê de ne dixwe, lê ber dilê wî nagire, nefsa wî kor nabe. Pariyekî din yê goşt him mezin û him jî dirêj di nava avdonkê de mîna masiya şematoğlu dihere û tê. Dêmjiyo her ku kevçiyê xwe diavêjê goşt ku derxe bixwe, ji ser kevçiyê wî diherike sanikê. Pişî çend caran cîz dike. Destê xwe diavêjê. Bi destan jî heta zevt dike ke-zebreşî dibe. Talyî bi elf û du belayan zevt dike û dibe devê xwe. Perçeyê goştê ku di destê wî de ye tu nabêjî jiyal[reh/kejî] stûyê gayî ye. Mîna lastîka çûkan zer, nerm, şematoğlu ye û nayê jêkirin. Dêmjiyo him ji birçîna, him ji bo israf nebe, him jî ji ber lê bûye rik divê wî pariyê jiyê bixwe. Serê pariyê jiyê dixe nava diranê xwe û dikişîne, ji nişkan ve seriyê din ji destê wî dişemite û mîna lastîkê dibê şerepp... li dêma[gep] wî ya çepê dikeve. Dîsa di-kişîne dîsa dibe şerepp... Dêmjiyo pirr li ber xwe dikeve, fedî dike. Radibe pariyê jiyê tev dixe devê xwe û di nava diranê xwe de dike bihêre. Li ci fêde, tu wî jiyê bixî men-genê jî nayê percekirin û hêrandin ji ber ku lastîkî ye. Hîn di devê wî de ye, dibêje: "Ez ê destê xwe bisom." Gava dihere derive ku destê xwe bişo, hema ji devê xwe diavêje derive ber kûçikê, serê xwe jê rehet dike. Li xwe dike sibe û bi berbanga sibehê dikeve rê dihere, berêvarî digihîje mala birakê xwe. Lî li ser dêma wî şûna şebota[şiva ter] jiyê mor bûye.

Etar roja din dikevê rê, gund bi gund digere. Ew ber bi deşte ve dihere, Dêmjiyo jî ber bi çiyê ve dihere. Etar dihere Kîjan gundî li wir qala serpêhatiya Dêmjiyo ji gun-diyan re dike, ji bo ku li dorê vehewin û ji xwe re pê bikenin.

Heta Dêmjiyo vedigere welêt, nava zarokêñ xwe, navlêka wî berî wî gîhîştiye nava gundê wî û lê belav bûye. Ji ber ku jî li dêma wî ketiye, ji wê rojê û vir de navlêka wî di-mîne Dêmjiyo. Li ser zar û ziman, dikeve nava sih û sê diranan û digere li erd û asîmanan.

BAVO JÎ SÎR KUTA

Hebû tune bû. Keçikek tiral hebû. Ji xeynî xwarin, vexwarin û raketinê tu kar û barênen wê tune bûn. Keçik êdî berzewac bû. Rojekê xwazgîniyê keçikê hatin û li ser cila mala bavê keçikê rûniştin û gotin: "Em keça we dixwazin, hûn dibêjin çî?" Dê û bavê keçikê lê ve-gerandin: "Heyran, ji me biggerin û herin mala xwe, keçika me ji we re nabe, heta nîvro radikeve, ne karekî dike û ne jî şîvekê dizane. Ew ê çawa ji we re bibe ber-malî?" Xwazgîni jê negeriyan û gotin: "Bila be, hûn bidin me, bila qet karekî neke. "Dê û bavê keçikê rabûn keçik danê. Di navbera sê rojan de daweta wê çêkirin û birin. Keçik roja yekem ji xew ranebû karek nekir, malbatê xwarin nedayê. Roja duyem rabû hinekî derdora xwe da hev, keriyek na danê. Roja sêyem firaq sûştin hinek nan û şîv danê. Roja çarem karê malê gişt kir û qedand, zikê wê têr kirin. Keçikê fahm kir

ku di vê malê de kî kar neke şîvê nadinê. Rojekê bavê keçikê çû mîvandariya wan. Keçik fikirî û xwe bi xwe got: "Niha bavê min karekî neke, ew ê şîvê nedin bavê min." Hema zûzûka rabû sîr û sîrkut anî û danî ber bavê xwe û jê re got: "Bavo tu jî van sîran bikute.' 'Bavê wê lê ecêb ma, lê dîsa jî dengê xwe nekir û sîrên xwe kutan. Ku wexta şîvê nêzîk bû serê gavê di ber xwesû û xwezûrê xwe re çû û hat got: "Bavo jî sir kuta!"

Amadekar: Pinar YAMAN

Çavkanî: Nazîfe ÇAKIN

Temen: 51

Perwerdehî: Nexwende

Herêm: Gundê Giya(Mezra Bervan)/ Erxenî / Amed

Sal: 2015



GONÇE

Waxte domanîna min de ma gonçe kay kerdenê. Kayê gonçe zimistan de serê bon de kay bîyenê. Zimistan de vore zaf varene, her cay de vore bîyene. Vora serê bon camerdon hura eştênê. Serê bon tij ke eştene ja. Ma domen ge ge serê bonî de şer{temâş} kerdene bîyo ja, nebîyo. Eke bîyo ja ma domen amenê telewe, kayê gonçe kay kerdene. Gonçe çar, ponc domonon ra kay bîyene.

Gonçe kayê zimistanî yo. Zimistan de her ca vor a. Îra gore cayê kaykerdene çin o. Nara gore nû kay serê bon de kay bîyono.

Kayê gonçe wuşîr-ra kay bîyono. Çar, ponc domonon ra yew domon qala de maneno. Nejdîyê nem metre wuşîr xêz woncenê ser ro nane ro. Qala ra des gam


dûrî domenê bîn vindenê. Wuşîrê ke destê xo ra kunê{nane pa] wuşîra ke qala ra. Wuşîra qala wazene ke xêza qala ra veze. Wayîrê qala hete ra wuşîra qala ano hurînde nano ro, hete ra kî domonê ke wuşîra xo eştebî qala neverdano bicere. Kamcî domen ke ama wuşîra xo gurete verdano dime. Eke xona[hîna] ca ne-reşt[nîresa], dest na pa nara kî o yeno qala rê beno wayîr.

Nû kay na kay beno.


Arêkerdox: Hatayî DEMÎR

Herêm: Pilemûriye / Dêrsim

Serre: 2015



DUAYÎ & ZEWTİ



Arêkerdoxe:
Leyla GULTEKİN
Ca: KÜ /
Pasor /Amed

Gusut Alkan

DUAYÎ

- ▶ Homa to razî bo
- ▶ Homa to verdo
- ▶ Homa biyaro vernî to
- ▶ Homa to bixeferno
- ▶ Çira bo vernî to de bo
- ▶ Nan û awe bo bêro vernî to
- ▶ Homa dîn û îman bido
- ▶ Homa derdan nêdo to
- ▶ Homa tûtanê to verdo
- ▶ Homa warê to hêşîn kero
- ▶ Homa fehm û fereset bido tûtê mi
- ▶ Cefê to beredayî nêşero
- ▶ Homa cefê ti qûlê xo beredayî nêkero
- ▶ Homa rehmê xo ro ci kero(Qeybê merdan)
- ▶ Homa cê cê cinnet kero(Qeybê merdan)
- ▶ Homa hetê to bo
- ▶ Oyyyî cê to cinnet bo
- ▶ Destê to ternî bê
- ▶ Dest û lingê to ternî bê
- ▶ Ti dinyad derd nêvînê
- ▶ Homa qismetêko baş bido to
- ▶ Ena dinyad çığa tiamî estê Homa bido to
- ▶ Anû to rê bivaro fenê varitê nîsanî
- ▶ Homa biranê to verdo
- ▶ Homa bextêko sipê bido to
- ▶ Homa derdan nêmocno to
- ▶ Homa zêdi kero
- ▶ Bi zerriyêka weş bo
- ▶ Homa xeyr bido to
- ▶ Homa xeyr kero
- ▶ Kê to awan bo
- ▶ Dorê to gul û rîhanî bê
- ▶ Ewliyê Homayî cîranê to bê (dinya bine del)
- ▶ Destê xoci xizirî paştê to de bo
- ▶ Dorê to pirê lac û keynan bo (tûtî)
- ▶ Homa to bûka sûre kero
- ▶ Homa to zama kero
- ▶ Ti dinyad ax nêkerê
- ▶ Bi xeyr û silamet şerê
- ▶ Bi xeyr û silamet bimanê
- ▶ Kê to awan bo pirê bûk û zaman bo

ZEWTİ

- ▶ Feleqê to siyabo, ko bo helîla bo
- ▶ Ooy bextê to siya bo
- ▶ Ooy dil û gurçikê to birişyê
- ▶ Ooy qansêrê Elê Èmîş to ro gino
- ▶ Ooy doxizbaşı to ro guno
- ▶ Dil û gurçikê to bi teqê
- ▶ Kezebê to bêrê teber
- ▶ Ti nê geyrê a
- ▶ Homa to mird kero
- ▶ Homa belê to bido
- ▶ Homa belê to binê linganê to ra bido
- ▶ Çopilmi to ro guno
- ▶ Erd to boro
- ▶ Şiyayışê mergî bo
- ▶ Ti bi cimî nêvînê
- ▶ Birq (birûsk) tor o guno
- ▶ Mezelê şiq to ro guno
- ▶ Adir ra kê to ko
- ▶ Oyy ti qe rehetî nêvînê
- ▶ Adir ro to bivarô
- ▶ Tofan to ro do
- ▶ Ti qurbanê hevalanê xo bê
- ▶ Ti qurbanê mi bê
- ▶ Ti qurbanê heran bê
- ▶ Ti qaqa siyad şerê
- ▶ Oxeyşî to çinêbo
- ▶ Çimê to birişyê
- ▶ Quzulkurt û neflit
- ▶ Ti quzulqurtî bê
- ▶ Oyy ti şerê binê erdî
- ▶ Ti a dared bimanê
- ▶ Ti şerê nihat
- ▶ Çimê to vecyê
- ▶ Jana barî to ro guno
- ▶ Ti ker û lal bê
- ▶ Bûk nêbiyayî

Arêkerdoxe: Leyla GULTEKÎN
Ca: Kû /Pasor /Amed

ÇIROKÊN GELÊRÎ

EZ ROVÎ ME LÎ SER CAX Û CÎVATA RÛNIŞTÎ ME

Roviyek pirr birçî dibe. Ji birçîna hal û hes tê namîne, çav lê tarî dibin. Digere ku tiştekî bibîne û bixwe. Li pêsiya xwe dinêre, wa ye li wî alî bîrek heye. Diçe li bîrê dinêre, ku ava wê hindik e, lê belê tiştek tê de spî dike, eynî mîna penîr e. Rovî dibêje, a welle min ji xwe re penîr dît! Rovî qet deyax nake û hema xwe davêje hundirê bîrê. Li wî tişte ku spî dikir dinêre, hayloo... ne penîr e, kevirekî spî ye. Rovî di hundirê bîrê de diasile, êdî nikare derê. Dinêre ku wa ye gurek li ser bîrê ye. Gur dibêje:

-Roviyo tu ci dikî li wê derê?

Rovî dibêjê:

-Tu nizanî, min penîrek di vê bîrê de dîtiye, ez dixwim naxwim naqede!

Gur dibêje:

-Welle ez pirr birçî me, ka cî çê bike ez jî bêm.

Û xwe davêje hundirê bîrê. Dinêre ku ew tişte sipî dikir, kevir e. Pişî wî Kîroşkek tê. Kîroşk dibêje:

-Hûn di hundirê bîrê de ci dikin?

Evana dibêjîn:

-Me li vê derê penîrek dîtiye, em dixwin naxwin naqede.

Kîroşk dibêje:

-Ji min re cî çê bikin ez jî têm.

Û xwe davêje hundirê bîrê. Di pey wê de kerek tê û li bîrê dinêre, ku di hundirê wê de roviyek, gurek û kîroşkek heye, ji wan re dibêje:

-Hûn li wê derê ci dikin?

Evana dibêjîn:

-Me li vê derê penîrek dîtiye, em dixwin naxwin naqede.

Ker dibêje:

-Cî çê bikin ez jî têm.

Û xwe davêje hundirê bîrê. Roj dibihurin, tev birçî dibin.

Rovî dibêje:

-Heyra welle wusa nabe. Yan em ê tev bimirin, yan em ê çarekê ji halê xwe re bibînin.

Gur dibêje:

-Ka em çawa bikin?

Rovî dibêje:

-Heyra em ê leyistikê bilîzin, em ê navê hevdû ji hev re bibêjin, navê kê ne xweş be em ê wî bixwin.

Evana dibêjîn: "Bira be."

Û dest bi leyistikê dikin. Ewilî gur dibêje:



Amadekar: Mustafa GAZI
Herêm: Sîlîva / Amed

-Ez gur im, diranbirr im.

Piştî wî rovî dibêje:

-Ez rovî me, ser cax û civata rûniştî me.

Piştî rovî kîroşk dibêje:

-Ez kîroşk im, goveroşk im.

Îjarê dor tê kerê, ker dibêje:

-Ez ker im, goçepel im.

Rovî dibêje:

-Heyra ker ker e, ma goçepel ci ye? Ê de welle navê te qet ne xweş e!

Ên din jî dibêjin:

-Welle, bi rastî jî navê te qet ne xweş e!

Û li serê kerê kom dibilin; kerê dixwin, zikê xwe têr dikan û bi vî awayî heya demekê idare dikan. Çend roj dibihurin, dîsa birçî dibilin. Rovî dibêje:

-Em ê dîsa navê hevdû ji hev re bibêjin, navê kê ne xweş be em ê wî bixwin.

Dibêjin: "Bira be." Ü ewîlî gur dîsa dibêje:

-Ez gur im, diranbirr im.

Dûre rovî dibêje:

-Ez rovî me, ser cax û civata rûniştî me.

Dawiyê jî Kîroşk dibêje:

-Ez kîroşk im, goveroşk im.

Rovî dibêje:

-Heyra kîroşk kîroşk e, lê goveroşk ci ye? Welle navê te qet ne xweş e!

Gur jî dibêje:

-Erê welle bi rastî jî navê te qet ne xweş e!

Û ew û rovî difetilin ser kîroşkê û wê dixwin, lê belê rovî bi dizî ji goşte kîroşkê perçeyekî vedîşere. Çend roj dibihurin dîsa birçî dibilin. Rovî êdî newêre bibêje em navê hevdû ji hev re bibêjin, çîmkî dizane ku wusa bibêje, gur wê wî bixwe. Bi dizî wî goşte ku veşartibû derdixe davêje devê xwe. Gur dinêre, rovî tiştek di dêv de ye dixwe, jê dipirse dibêje:

-Rovîyo tu ci dixwî?

Rovî mexsûs çavekî xwe digre û dibêje:

-Qet mepirse, welle ez ji birçîna çavê xwe dixwim.

Gur dibêje:

-Ka tu were çavekî min derxe, ez jî bixwim.

Rovî destê xwe davêjê çavekî wî derdixe û bi dizî di bin xwe de vedîşere û di şûna wî de bişkulekê davêje devê gur. Gur bişkulê dixwe, ku pirr hişk e, ji rovî re dibêje:

-Ji birçîna çavê min jî hişk bûye, eyñî bûye wekî kevir!

Rovî dibêje:

-Erê wele yê min jî eyñî wusa bûye!

Piştî demekê rovî çavê gur ji bin xwe derdixe û davêje devê xwe. Gur dibêje:

-Ew ci ye tu dixwî?

Rovî dibêje:

-Min çavê xwe yê din jî derxist, ez wî dixwim.

Gur dibêje:

-Ê de ka çavê min ê din jî derxe ez jî bixwim."

Rovî çavê gur derdixe û davêje devê xwe û di şûna wî de dîsa bişkulekê davêje devê gur. Di pey wî de rovî bi vî awayî mil û piyê gur jî dixwe. Ü piştî ku gur dimire, wî bi temamî dixwe. Hinek zeman dibihure rovî di hundîrê bîrê de bi serê xwe, birçî û bê çare dimîne. Radibe li ber Xwedê digere, dibêje:

-Xwedêo, ez bi qurbana te bim, tu bikî ku ez ji vê bîrê derêm. Wellehî ku ez ji vê bîrê derêm, ez ê gundekî tevekê bi tirî têr bikim.

Piştî wê bi emrê Xwedê bayek radibe û qal û qırşık dikevin hundîrê bîrê. Bîr, bi wan qal û qırşikan tijî dibe. Rovî bi xêra wan qal û qırşikan ji hundîrê bîrê dertê derive. Rovî li der û dora xwe dinêre, ji palekê de du heb siwar xwanê(xuya) dikan, barê wan heye, barê wan jî tirî ye. Rovî bi dizî diçe li ser riya wan xwe vedixe erdê û xwe li miritye datîne. Herdu siwar nêzî rovî dibilin, siwarek dibêje:

-Welle va ye min roviyek dît, jixwe mirî ye. Bira nîvî ji min re be, nîvî ji te re be.

Radike wî datîne ser qoqolîka xwe. Ev herdu siwar li riya xwe dewam dikan. Rovî jî bi dizî pêçîka xwe di pişta wî re dike. Eviya aciz dibe, li hevalê xwe dinêre dibêje:

-Kuro tu ci dikî, me gotiye rovî nîvî min e, nîvî te ye, tu cîma darikê xwe di pişta min re dikî?

Hevalê wî dibêje:

-Heyra welle min tiştek bi te nekiriye.

Rovî dîsa pêçîka xwe di pişta wî re dike. Eviya dîsa aciz dibe û ji hevalê xwe re dibêje:

-Tu cîma darikê xwe di pişta min re dikî?

Hevalê wî dibêje:

-Kuro welle haya min ji te tune ye.

Rovî carek din wusa dike, êdî evana bi hev dikevin, tep û rep li hev dixin û hevdû dikujin. Piştî ku evana hevdû dikujin, rovî herdu barê tirî dibe li gundekî belav dike û bi vî awayî jî soza ku dabû Xwedê, tîne cî.

ÇİROKÊN GELÊRÎ

Lİ SER DOSTAN

Mêrikek û lawekî xwe hebûn. Rojekê mîrik ji lawê xwe re dibêje:

-Di vî zemanî de dost tun in.

Lawê wî jî dibêje:

-Bavo, ma dost çi ne, dost wek xweliyê ne. Dostên min pîr in!

Bavê wî dibêje:

-Welle yên min yek û nîv dostê min hene.

Bavê wî piçekî difikire û piştî wê ji lawê xwe re dibêje:

-Were em hevdû biceribînin, binêrin ka dostên kê hene.

Lawê wî dibêje: "Temam" Û radibin diçin heywanekî di-kujin, xwîna wî di cilêن xwe digerînin û laşê heywanî jî dixin binê axê vedişêrin. Pêşî law diçe ba hevalên xwe û

ji wan re dibêje:

-Min merivek kuştiye, ka hûn hevalên min in, werin alî-kariya min bikin, careyekê ji halê min re bibînin!

Hevalên wî tev xwe didin alî, û dibêjin:

-Eman eman, te mîr kuştiye, neyê bi alî me de!

Law diçe malê û ji bavê xwe re dibêje:

-Bavo welle ez xelet im, dostê min get tune!


Paşê bavê wî diçe ba hevalên xwe, dibêje hal û mesela min ewha ye, hevalên wî giştik têن alîkarîya wî. Piştî vê bûyerê bav ji lawê xwe re dibêje:

-Binêre min ji te re gotibû yên min yek û nîv hene, ew yek û nîv jî hatin alîkarîya min, lê belê te got ên min wek xweliyê ne, kesek nehat alîkarîya te û bi ser de jî te ji ba xwe bi dûr xistin.

Amadekar:
Mustafa GAZÎ
Herêm: Amed



LUYE Û EWRÎŞ



Arêkerdox:
Zerweş ESNAW
Çime: Şerîfa AKTAY
Serrê aye: 54
Herêm: Basrefa /
Gel /Amed
Serre: 2013

Cay bi cay çini bi, yew luy bîy yew ewrîş bi, luy ama ewrîşî bîxapîna. Ewrîş guroto şîya berî milayî ver. Mila citêr bi yev rişa cé[poste] bîy, luy rişka milay werda, ew luy dana pîro şona ewrîşî xapînena, vana:

—Here mi emşo hewn diyo, yewî rişta milay werda.

Herî milay zî şîyo berî luyê ewrîşî ver di xo derg kerdo luy şona ewrîşî ra vana:

—Bê yew leşî berdî ma verda ma şîrî biyarî zere borî.

Soni leşî ver luy ewrîşî xapînena vana:

—Sereyê xo deki pardîmî ver[cila herî], luy vana ez zi goşanê câ tepişena ma berî zere.

Ew her ay vext héz dano xo wardeno luy goşani herî ve radena her ray keweno şono, ewrîşî zî cildê herî miyan di şono kîye.

Cenîya milay vana:

—Mila herê ma yeno, ew çîy pey ra payo?

Her yeno berî ver, mila û cenîya xo evnîyenê ki yev ewrîş o, ini ewrîşî cildê herî ra vecenî, poste kenî, ew cé veradenî.

Ewrîş şono, luy ewnîyeno ha ewrîş yeno, ew gonî ra lotî-

yayo sur biyo.

Luy vana:

—Kamî to visto enê halî ewrîş?

Vano:

—Hal û mesela enawaya yewî rişka milay werda herê milay zî vano îni werda ti zana kamî rişka milayî werda.

Luy vana:

—Şewa ellay yew a, dîzdî her zaman î ew vana ez ci zana rişka milay kamî berdo, werda, ez giyê xo ridê milay û heri piyâ kena. De vana rişka milayî kî werda?

Keyf keyfê luy o, şona yena göstê ewrîşî lîsena, gonîya ewrîşî şona zuwa bena, ewrîş mireno ew göstê ewrîşî wena qedînena giyê xo kateyandê ewrîşî ser ro kena ew ena ray handi ki göst werdo zera ca xeriqîyaya şona bindê yew simzêri, simzan wena ew ena ray cor di dari ser ra kerra kuwena luyî gunena.


Luy vana:

—Wî xo rê yew nêverdeno ma xo rê meytan di xo rê bibermî.

Ma ra zur, Ellay ra raşt.

Serhat KILIÇ

PÊVERVİSTİŞÊ ESTANIKA HÎRÊ BİRAYAN Û DESTANA ODESSA



1. ESTANİKA HİRİ BIRAYO

Ca beno ca çinî beno, hîrê birayî benî. Yew rojê zimistonî beno, yew çokê vowrî erdî de bera. Inê hîrê birayî vonî ma xo rê şîrî seyde. Heme hîrê zî xu têbestenî, fîselixê xo mone ra kenî, xenceronê xo mînda xo şonenî û verê xo danî heta koyanî ro. Hewt royon û hewt koyon vîyarenî, gelekî dûrî sonî, çend hebî seydonê xo kişenî. Şewe pede yena, hinî betelêni, serd kenî. Ewnîyenî ke yew mixara ha yînî[inan] ver de ya. Biraronî ra yew vono; "Birayînî ma xu rê şerî ina mixaraye de tikê biarisî, xu germin bikî, seydê xu bipewci û biwerî." Ayê[ê] bînî zî vonî; "Temom." Şonî mixara, zere ewniyenî ke adir ha wekerde yo, êzîmî ha verê adîrî de ronaye yî. Yê zî tikêne êzîmo erzenî adîrî mîyon xu weş germin kenî. Seydonê xu adîrî de powcenî, wenî, xo mîrd kenî. Seydî ke mendî, ewra de leqan de leqenî.

Tarî beno, ewnenî yew pes ome. Pes yeno, ewnenî ha yew dêw, pesî dima, tek çimê yê[ley] ha çare de yê re. Yeno vono; "Boya mehmediyo yena, ho hoo! Birayo pîl şomîyê mi, birayo ortî şewînêy mi, birayo wurdêk[qic] zî areyîyê mi. "Berê xu padeno gêno yew kerraya[kemer] xişn pey berî de roneno hinî çew nêşeno a kerra heweno yê ra teber. Birayo pîl keno şomîya xu, birayo ortî keno şewînêy xu, weno qedênenô, kateyonê[astanê] ey koceno. Şîşa xo gêno adîrî ser roneno vono; "Birayo wurdêkî ez nimacî der pê ina şîş bipewco." Şîşa xo dekeno adîrî mîyon û rakewno. Yo rakewno, birayo wurdêk vono; "Ez ina şîş bigêro." Şîş gêno çimê dêwî ro şonenî. Şonenî şonenî şîş epeyî çimê yê ro şona war. Vono; "Wa dêw erey bianco ke ez kelo kolî poste biko, xu dekol(dekeral) mîyan." Şono kelo kolî poste keno, xu dekeno postedê yê mîyon û şono xu erzeno mêsînayan mîyan. Hinî dêw a şîşe çimdê xu ra kaş keno û wardeno nimac[şewdir] beno, kerra pey berî ra heweneno, tek tek meşînayo vere dono. Dêw vono; "Çimê mi kor o la gunî ez hewne[rayne] zî to biwerô." Ewnîeno kelo kol nêaseno. Yo vono; "Kelo kol qey ti mi rê xayîn vecîyayî." Birayo wurdêk bêntar meşînon şono. Dêw destonê xu paneno la vono qey kelo kol o. Birayo wurdêk xu xelesneno, pesî gêno şono dawa xu.

Mi hinî ewra de ca verda ez şîya
Ez şîyo suke. Mi ward nonê buk
Ez şîyo heso. Bî teq teqa qeseyo
Ez şîyo kurik. Mi ward nonê korék
Ez şîyo welo. Bî çıkış melo
Min testê hesîrî viraşt. În vera raşt
Dokinarê dewe de. Xece gîşt, Eyşon lîşt û pîşt

2. DESTANA ODESSA

Odysseus û embazê ey şewêka tarî de resenê cayêko koyin. Odysseus pê des hebî destirmaenanê xo vejîyenê keşf. Raşa mixarayêke yenê, sinê zere ke şewe ewta de bivîyarnê. Ê dima ewniyenê ke pesêki ame. Nê pesî dêwêkô yewçimin Kiklop Polyphemos qeyta keno. Polyphemos yew kemero girdî reyde berê mixareye gêno û dest bi ditişê pesî keno. Hi ewniyeno ke nê xerîban vîneno. Odysseus dêwî ra mêmânperweryî wazeno labelê Kiklop bêrehm û bêbext o; gala di hebînan keno, inan sê kirttey kutikî verdê erdî dano. Mezgê nê feqîran erdî ro vila beno. Înan xo rê keno şamî û rakeweno.

Şewdire der dina hebî mîrdiman zî weno. O berê mixaraye rayne gêno û terşî[pes] xo ver şaneno û şîno durî. Odysseus gopala dêwî[sê estuna banî] gêno sereyê ey tuj keno, pê adîrî weş qarstî keno. Şewe der şerab dano dêwî rê. Dêw nameyê ey perseno, o zî vano namayê min çewêk [kesék nê] o. A hinge de Odysseus bi destirmaenanê ey gopalî sûr kenê û dekuwenê mîyanê çimê dêwî. Dêw dejî ver ra bareno û dêwî ke cîranê polyphemosî inan rê pêser benê. Polyphemos vano: o ke ez kor kerda çewêk o. Cîranî pêro vila bene şinê.

Dêw kemerî fek berî ra hewelnero; keno ke ê ke bivejîyê teber bitepişo labelê ê pêro xo binê beranan de aleqnenê, bin pirtê beranan de xo nimnenê. Dêw inan nêvîneno û zî dêwî ra xelisiyênê...

3. PÊVERVİSTİŞ

Gedeyeyîya min de rocêki keye de ceyran şî û maya min zî, ez xo ver de roşenaya û na "Estanika Hîrê Birayan" min rê vat. Şew qedîyaye, roc bi, ez şîya wendegehl(wendegeho mîyanîn, pola 6 "in]. Waneyê ma tirkî bi. Wane de, ma pirtükî ra yew nuşte wendinî, nameyê nuşteyî "Destana Odessa" bi. Ma ke wend, ez pê aqilîyaya ke estanika maya min û Destana Odessa sê pê yê. Min destê xo hewena. Min mamestevêî ra va "Mamoste, Destana Odessayı abîşew maya min min rê va, na Destana Odessa nê estanika maya min a. O zî min rê huwiya, vat ke "Maya ton ê nuşteyî illehem wendo coka zana." Min zî va nê, wendeyê maya min cîn o û çiray nêşîya dibistane. O zî rayne min rê huwiya û waneyê xo donma. Na estanike maya min maya xo ra, a zî illehem nê maya xo ra nê zî dewijanê xo ra musaya. Na estanike pê vatisî beno ke hezar serran ra heyâ niha wina ameya.

Ez wazena ke têkiliya Estanika Hîrê Birayan û Destana Odessa ser ro vindera. Odessa seke yeno zanayî, İsayî ra ver V.Z mabenê serranê 800 û 600 "î de ameyo nuştiş.

Çande bêsinor o. Pê heme şaran ameyo meydan, heme netewî hîssedarê nê çande yê.
 Persgira na ya ke; Kurdî sê şaranê bînan nêşkenayê nameyê xo zî dekerê na
 ortaxeyîye mîyan. Nê semedî ra Odysseia hindayî namedar a, erjîyaye ya labelê
 estanika maya min Estanika Hîrê Birayan zî néameya zanayış û bêrj menda.

Noştoxê Odessayî Homeros o. Odysseus bi xo Yunan o,
 vîndkerdişê Turuvayî ra dima agâreno welatê xo(îthakka).
 No raywanîye de çiyî ke sereyê Odysseusî ra vîyerto nê
 pirtûkî de ameyo nuştiş.

Persa min na ya ke; nika Odysseia heme hetê cîhanî de
 yena zanayış her kes Homeros û Odyssiayî weş şinas-
 neno. Kifş o ke Odysseia û Estanika Hîrê Birayan var-
 yantê yewbînan ê. Tirî(gelo) çirê kes Estanika Hîrê
 Birayan nêzano?

Verpersa na perse core de nuşte ya. Homerosî V.Z
 mabenê serranê 800 û 600 "î de na destane nuşa labelê
 Estanika Hîrê Birayan heya nika tim bi vatisi ameya, ci
 ray nênuşiyaya, edebîyato nuştekî de cayê xo nêgirewta.
 Beno ke biyero vatis, Kurdan û Yunanîyan wextî de têkilî
 ronaya, Kurdan Yunanîyan ra na estanike girewta. Wa bo,
 ma vajê ke na hewa ya. Netewî xo mîyan de nê tewir yew
 têkilî ronenê, çande wina vila beno. Tirî çirê nameyê
 Kurdan nê tewir çiyan de nêviyaren? Zaf semedê nê
 halî est ê. Bêdewleteyî, cînbîyayîşê edebîyatê nuştekîyî
 ûsb. Kê eşkenê semedan bizêdnê.


Sê na estanike kê eşkenê sewbina numunayan zî bidê.
 Min rocêki destana Rustemê Zalî yew mîrdimo kokimî
 ra goştarite. Ez ewniyaya ke Heraklesê Yunanan û Rus-
 temê Zal zî zaf yewbînan manenê. Zaf kesî Heraklesî
 zanê labelê Rustemê Zal zaf nêyeno şinasnayış. Seke
 yeno zanayış zî bi nameyê farisan yeno şinasnayış. Kur-
 mançî de yewna estanik est a, Ker Axa. Merdîm ke Ker
 Axa göstereno Mizikacenê Biremenî yenê kê virî.

Çande bêsinor o. Pê heme şaran ameyo meydan, heme
 netewî hîssedarê nê çande yê. Persgira na ya ke; Kurdî
 sê şaranê bînan nêşkenayê nameyê xo zî dekerê na
 ortaxeyîye mîyan. Nê semedî ra Odysseia hindayî namedar
 a, erjîyaye ya labelê estanika maya min Estanika Hîrê Bi-
 rayan zî néameya zanayış û bêrj menda.

No der heqî de yew qala Malla Ehmedê Xasî est a, mer-
 dim tikê pê dejeno labelê raşt a. "Qewmêk eke bêkitab
 bo, dewarê bêziwanî maneno"

Çimeyî:

1. "Estanika hîrî birayo", Hebîbaya Xaçekî, Pîran
 2. "Destana Odessa".
- <http://tr.wikipedia.org/wiki/Odyssei>



ESTANEKA VEYVI



Arêkerdoxe:
Derman UNGUR
Cîme: Hacî UNGUR
Serrê aye: 50
Herêm: Hacîson /
Pîran / Amed
Serre: 2015

Yew mîrdek beno yew zî cenîk bena. Yew zî lacê yên est o. Wext vîreno cenîk û mîrik extar benî nişini kar mar xo bîkî. Lajê yên zî hin beno xort. Cenîk û mîrdek têserê fi-nenî û vonî; "Ma ên lajê xo bîzewejenî, ma yew veyvi biyerî keyeyî ser, wa ma rê tikî yardimbike, wer bipewîje, yew tasa aw bide ma , ma rê non bîpewîje." Şonî lajê xo re ina mesela akenî lejek zî von; "Beno."

Lajek zewejenî û veyve xo onî keye. Wext dewe de kar zaf bi ay semed milet rew wariştinî kar marê xo kardinî. Yê zî rew warzenî. Pawenîk wa veyve warde yên rê arayî hadre bike verê ber biruwe. Pawenî pawenî veyve nêwardene.

Cenîk vone; "Mîrdek la ma sek, ma enê ina arde wa ma rê yardım bike û bire çew cile de xo re nêwarden." Mîr-dek dûşmişin û von; "Ez şono gezî gîno ti zî bi maşîr bin paca da yay. Ez von ez verê ber riwen ti vaj ez riwen û ma qelebalix bikî wa warze. Qey biewna ma ên semed donê pîr şermayene û yena ma dest ra gezî gîne ya riwena."

Mîrdek û cenîk planê xo kenî û şonî binê pacâ da veyve.

Ew qest gezî têdeste kaş kenî ya vone; "Ez rîwen mîrdek von ez rîweno" û qelebalix kenî. Veyve veng yên reyde wardene pacâ akene û sereyê darg kene u vone:

- Ci ne inkey ên ci qelebalix şima yewbin re ci wazenî?

Cenîk vone:

- Ez vone ez verê ber rîwen xalo von îllehem ez riweno. Ma ên semed

donê pîr.

Veyve vone:


- Ci eceley şîma est o eyro ti biruwe, wa siba zî xalo bi-ruwo. Şîma cirê ên semed donê pîr. Pacaya xo padone û şone zere.

Mîrdek û cenîk ewnîn yewbin ra û vonî:

- Haylo wîllay ma ine ezit bîlleheq ward, ina ma rê kar mar nêkena. Gezî xo cad ronen û şonî xo rê arayî hadre kenî.

MEQES

Amadekar:
Mewlûd HESKÎFÎ
Çavkanî:
Sofi Ziwer
(Kalikê Mewlûd Heskîfî)
Temen: 60
Herêm: Heskîf
Sal: 2010



Dibêjin, mîrekî Keleha Heskîfê hebû. Şefeqê wextê ji xew rabû, destê xwe da ber eniya xwe û li hawîdora xwe meyizand, dît ku wa ye li Çola Qurê jinikek û mîrikek paleyiyyê dîkin. Herdu bi hev re didirûn û bi hev re bêhna xwe berdidin. Jin di emrê mîrik de bû, mîrik jî di emrê jinikê de.

Mîr di hundirê xwe de got: "Ez mîr im jî, kufletên min wilo ne di emrê min de ne, ne di kurm û kirasê min de ne. Çima gelo?" Mîr xwest wî mîrikê paleyiyyî dîke, bîne hizûra xwe. Qasidek şand balê û qasidê mîr mîrik anî. Mîr jê pîrsî, got:

- Ez ji vê sibehê de li we dimeyzînim. Hûn bi hev re paleyiyyê dîkin. Bi hev re berê xwe dibin serî. Bi hev re bêhna xwe berdidin. Bi hev re...

Piştre Mîr gotiyê:

- Heyra, sê jinîn min hene. Yek ji yekê xweşiktir e. Tu nayê ku tu jina xwe bide min û her sê jinîn min ji xwe re bibe?

Zilamê pale ecebmayî ma, şas bû û di ber xwe de got: "Esseh mîr min diceribîne" û piştre got:

- Na, ezbenî. Çi hedde min û bavê min e, tiştekî wilo bikim?

Mîr bi heman ciddiyetê, gotina xwe dubare kir û got:

- Nexe tu jina xwe, bi her sê jinîn min nadî?

Zilamê pale xwe bixwe fikirî û got: "Heke ez bêjim na jî, wê mîr jina min ji min bistîne." Û got:

- Ez benî hema tu dizanî. Te cawa munasib dît, bila wilo be.

Piştre jina mîrikê pale giha Mîr û her sê jinîn mîr jî gihan zilêm.

Zilamê pale her sê jinik dan pêşîya xwe, ji Kelehê derketin û cûn gihane ber çêm. Piştre gote wan:

- Hermetino, hûn li vir bisekinin. Ez ê yeko yeko we derbasî aliye din bikim.

Zilamê pale bi destê jinekê girt û ew bir gihand nîvê çêm, devera ku şîp bû, ji jinikê pîrsî:

- Tu hewqas xweşik û lihevhatî yî, çima mîr tu dayî min gelo?

Jinikê got:

- Mîr digote min: "Tu tişta ji min didizî, tu dizek î." Lewma ez dame te.

Zilêm got:

- Tişt nabe. Tu mal û milkê min, zêt zegerê min nîn e, ku tu ji min bidizî.

Zilam jinikê derbasî aliye din yê çêm kir û vegeeria çû ku jineke din bîne. Zilam jinika didiwan jî anî giha nîvê çêm, li wê devera şîp û jê pîrsî: "Tu hewqas şêrîn û xwesik î, çima mîr tu dayî min?

Jinikê got:

- Mîr digote min: "Tu qûnde yî, tu çavlider î. Tu yê serê min bîxî belayê."

Mîrik xwe bixwe got: "Tişt pê nayê, ne mesele ye. Belkî li bal min biedile." Mîrik jinika didiwan jî derbasî aliye din yê çem kir û vegeeria çû ku jinika sisêyan bîne. Mîrik jinika sisêyan jî weke herdûyen pêşî, bir gihande devera şîp û jê pîrsî:

- Çima mîr tu dayî min?

Jinikê got:

- Mîr digote min: "Tebîetê te, exlaqê te nexwes e."

Mîrikê pale tilîka xwe ya şehedê û ya nêvî ji hev vekirin û nîşanî jinikê da û got:

- Ev ci ne?

Jinikê got:

- Meqes e!

Mîrik ew ceriband, destekî wê girt û noqî avê kir û derxist, dîsa her du tilî nîşanî wê dan û eynî pîrs jê kir û got:

- Ev ci ne?

Jinikê careke din got:

- Meqes e.

Zilam, jinik berda nava şîpê û jinik binav bû, serav bû, aq qurpand; dixeniqî hê jî tilîkên xwe yên ku kiribûn weke meqesê bilind dikirin û digo: "Meqes! Meqeeeess..."

Mîrikê gewr got:

- Here, tu jimin re nabe. Û ew bi avê de berda.

...

Vêca, dermanê hemû tişti heye, her tişt safî dibe. Lê dermanê inadê nîn e û tebîetê nexwes rast nabe.

Çiroka min çû nava dar û deviyan, rehma Xwedê jî li dê û bavêne hemûyan.

Dİ EŞİRA DUDERAN DE NAVÊN PEZÊ MEŞIN

Komên pêz heyâ du sedî bi peyva “colik”, ji du sedî heyâ çar sedî bi peyva “birêpez”, ji çar sedî pê de jî bi peyva “kerî” tê binavkirin. Pezê ku ji mih û beranan pêk tê “pezê meşin” e.





Destpêk

Erdnîgariya Kurdistanê bi deşt û zozanên xwe her dem bûye welatê gelek jîndaran. Siruşta Kurdistanê ji bo hemû aferîdeyan gelekî guncaw e. Deşt û zozanên Kurdistanê tije giya û nebatên curbecur in. Dema meriv li kelepor û nîvîsen beriya mîladê ji dimeyzêne, dibîne ku heywan pêşî li vê erda pîroz hatine kedîkirin. Li ser kevir û şikeftên Kurdistanê bi hezaran wêne û xêzîkên heywanan yêneriya mîladê hene. Xwedîkirina heywanan, her çiqasî ji ber talankirin û qedexekirine serdestan carinan sist bûbe ji, heya roja me didome; cimkî debara Kurdan bi giştî li ser xwedîkirina heywên û çandiniyê ye.

1. Xwedîkirina Pêz û Eşîra Duderan

Di nav Kurdan bi du şêweyan heywan têne xwedîkirin; koçeraî û dêmanî. Heya salên nodî ji koçeraî di nav Kurdan gelekî pêşketî bû. Lê piştî salên nodî li Kurdistanâ Bakur çûyîna ciya û zozanên ji hêla dewletê ve hate qedexekirin. Bi vê qedexekirin re koçeraî kêm bû. Bi kêmbûna koçeratiyê ji çanda koçeratiyê hate ber windabûnê. Lê dîsa bi saya serên hinek eşîran çanda xwedîkirina pêz heya roja me didome. Ji ber ku xwedîkirina pêz a di nav Kurdan ji mîj ve dest pê dike, bi xwe re çandeke dewlemed û taybet ava kiriye. Di nav Kurdan de, bi sedan biwêj, go-tinêne pêşiyen û têgehêni di derheqê pêz de hene. Meriv li ser çanda xwedîkirina pêz hûrgîlî bibe, divê meriv bi dehan pirtûkan binivise. Ji ber vê yekê, me sînorê vê nîvîse teng danî; em tenê li ser navên pezê meşin sekînîn.

Me agahiyêne xwe yên vê nîvîse bi giştî ji Ahmet Îdem stan din. Kekê Ahmet cil û du salî ye, ji binemala Dawidiyan a

Eşîra Duderan e û niha ji li Hezexê dijî.

Eşîra Duderan eşîreka Herêma Botan a kevnare ye û ji konfedarasyona Çoqsor e. Di jêderêne wekî "Şerefname" de behsa vê eşîrê tê kirin. Ev eşîr iroj ji bi gelek binemalîn xwe li Herêma Botan dimîne. Duderî weke hemû eşîrên koçeran ên Kurdistanê havînan diçine derêne hînik û zivistanan têne deştên germ. Zozanên Duderan bi giştî Serhed in; zivistanan ji têne deşt û newalîn Herêma Botan. Piştî salên nodî gelek binemalîn vê eşîrê dev ji koçertiyê berdan û bûne dêmanî.

Li Kurdistanê pezê meşin yê bidaw tê xwedîkirin. Pezê bidaw, dûvîn wan pahn e, bi bez e û mezin e. li Anatolyayê ji pezê meşin e û dûvrovî tê xwedîkirin. Dûvê vî pezî zirav û biçük e. Pezê bidaw ji yê dûvrovî qayîmtir e û hirîya wî ji başir e; lê yê dûvrovî bi şîrtir e.

Di nav Kurdan de ji dewsa peyva "pez", "sewal" jî tê bikarânîn. Lê Eşîra Duderan bêtir peyva pez bi kar tîne. Komên pêz heya du sedî bi peyva "colik", ji du sedî heya çar sedî bi peyva "birêpez"; ji çar sedî pê de ji bi peyva "kerî" tê binavkirin. Pezê ku ji mih û beranan pêk tê "pezê meşin" e.

Me pezê meşin ê bidaw li gorî du sernavan tasnîf kir; li gorî temenêne wan navlêkirina pezê meşin û li gorî teşe û rengîn serên wan navlêkirina pezê meşin.

2. Li Gorî Temenêne Wan Navlêkirina Pezê Meşin

Navlêkirina pezê meşin, li gorî zayendan wan carnan tê guhartin. Me ji li jêrê li gorî zayenda wan pezê meşin nîvîsand.

2.1. Peza Meşin a Mê:

Bex/berx:

Ji zayinê heya yek salî bi vî navî tê binavkirin. (0-1)

Kavirê mêt:

Ji yek salî heya du salî bi vî navî tê binavkirin. (1-2)

Berindir:

Ji du salî heya sê salî bi vî navî tê binavkirin. (2-3)

Bizaştî:

Ji sê salî heya çar salî bi vî navî tê binavkirin. (3-4)

Peza sere/mih:

Ji çar salî heya mirinê bi vî navî tê binavkirin. (4- ...)



2.2. Pezê Meşin ê Nêr:

Bex/berx:

Ji zayinê heya yek salî bi vî navî tê binavkirin. (0-1)

Kavirê nêr:

Ji yek salî heya du salî bi vî navî tê binavkirin. (1-2)

Berindir:

Ji du salî heya sê salî bi vî navî tê binavkirin. (2-3)

Hogiç:

Ji sê salî heya çar salî bi vî navî tê binavkirin. (3-4)

Beran/Beranê qerte:

Ji çar salî heya mirinê bi vî navî tê binavkirin. (4- ...)



3. Li Gorî Teşe û Rengên Serî

Navlêkirina Pezê Meşin

Li Herêma Botan cureyên pêzê bi navên hemdanî, dêzerî, hewês, qaraqaş, pezêşor û hêrik têne xwedîkirin. Ev her şes cure jî pezê bidaw in. Her çiqasî pezê ku niha têne xwedîkirin têkelhev bûbûn jî, di demên berê di her eşîr û herêmekê de cureyek pez dihate xwedîkirin û ev pez bi navê wê eşîrê yan jî bi navê wê herêmê dihate binavkirin. Bo nimûne pezê hêrik Eşîrên Çoqsoran, pezê dêzerî Eşîra Herîkiyan, pezê hemdanî Eşîra Qaşûran, pezê hewês Toriyan, pezê sor û qaraqaş jî li Herêma Serhedê dihate xwedîkirin. Eşîra Duderan di demên berê de pezê hêrik xwedîkirin; lê niha bi giştî pezê hemdanî û dêzeyî xwedî dikin. Îroj pêtir pezê hemdanî û dêzeyî tê hebandin. Ji ber ku ev pez gir e, bigoş e, xweşfiroş e, guhmezin e, şîrê wan gelek e û dotina wan jî xwes e.

Pezê meşin, li gorî reng, qiloç û mezinbûna guhêwan têne binavkirin. Em ê li vir taybetmendiyênen pezê meşin bi wêneyan destnîşan bikin.





Kerbazi



Kerbaziya Kej



Kewisal



Kewisala Hemdanî



Kura Riser



Kure Seres



Kure Bazî



Kure Tebes



Qemera Guhkevç




Qemera Hemdanî



Qemerbaziya Hemdanî



Rosbeteka Hemdanî



Riser Tebes



Risera Hemdanî



Risera Porik



Riserporika Dêzeyî



Serreşa Hemdanî



Serreşa Tahle



Tebesa Çavşor



Tehla

KEYNEKA QEDERSÎYA

Arêkerdoxe:
Ferîda AKTURAN
Ca: Sêwregi / Riha
Serre: 2015

Yusuf Alkan

Wextan ra wextê de cinî, mîerde û keynekênda cînan est-biya. Keyneka cînan roj bi roj çend gird bibîyên û hendi zî xasek bibîya. Kes qîymîş nêbiyên ke biewniyayên ci ra. Merdimê ke çimê ci aye ro gunayên, tesil ageyrayê xo pey û fina ewinyayê aye ra. Xasekiyâ aye uca ra kewtbîya ziwanan ser.

Keyneke resaya û wextê aye ê vevvbiyayene amebiyo. Rojên serê şewdirî, malbat piyâ kêberî ver o ronişte bijê. Mirîçikên amebîya gila dare ser o anişena, kena cîke cîke û vana:

- Keyneka qedersiya, keyneka qedersiya.

May û piyê keynekere bol pey kahirênen. Xo bi xo vanê :

- No çicî yo ame ma sere de? No do se bo, ma do se kerê?

Roja bîn fina a mirîçik yana gilê dare ser anişena û ê qisanê xo kena, vana:

- Keyneka qedersiya, keyneka kedersiya.

A roja tepeya her şewdir mirîçike yena, dare sero anişena û vana:

- Keyneka qedersiya, keyneka qedersiya.

Keyneke zî bol pey qahrêna. Roj bi roj helêna. Mabêna ra heftiyênen, des rojî ravêreno, nê vanê:

- No wina nêbeno. Ma do witya ra bar kerê şirê. Ma nêşenê witya de bimanê, her roj na vatene goştarey bikerê. Mayê û darû dinya ju keyna ma ya. Aye rê ci yê bibo, no dinya do ma rê zîndan bo.

Nê werzenê ci yo ke cînan rê biqîmeto gînê û kewnê ray. Bol şinê tayn şinê, winênenê biyo şan, ê zî edizyenê vanê:

- Ma xo rê hebê boyâ xo bigîrê, şewe de zî rakewê, şewra fina ma do ray kewê. O derax de keyneke vana:

- Baba biewnî, uca de keyeyêno aseno, ma şirê uca, belkî ma emşo bihewenê.

May û piyê ci winênenê, raşt a. Uca de keyeyêno aseno. Vera uca kewnê ray şinê. Resenê keyî ver û ewnîyenê ne pacâ, ne zî kêberê nê keyî est o. Nê vanê:

- Şewa tarî ya, belkî zî ma nêdî, hele ma fina çorşmeyê banî ra bigeyrê.

Nê fina doş benê, keyneke ïnan vernî de ra, genca daha lez ray şina. Keneke bi heyecana qîrena vana:

- Maya mi piyê mi bêrê. Witya de kêberên do werdêko asînê est o.

Keneke nêpawena may û piyê ci bêro kêberî akena û xo erzena zereyê keyî. Keyneke senî kewna zere kêber ci dima raceneyêno. May û piyê keynekerê yenê, se kenê kêber nêabeno. Kêbero asin beno dîwar û qetîna nêabeno. Keyneke zere de may û piyê ci tebera bermenê, kurenê, nêşenê ciyêن bikerê. Bi rojana no hal de domneno. Bermenê bermenê benê wişki. Maya keynekere vana:

- Oxul hele biewnî keyî zere de ci est o, ci çin yo.

Keynek winêna, vana:

- Maya mi welay bê mezelên ciyê çin yo. Zereyê keyî de mezelên est o.

Çend rojî tepeya keyneke, may û piyê xo rê vana:

- Maya mi piyê mi werzê şirê ayeğrê keye. No qederê min o. Mi no rind fam kerd ke kes nêşeno qederdê xo ver bîremo. Elay senî kerdo o do winî bo.

May û piyê keynekere nêwazenê, la winênenê ke keyneka cînan a ya rast vana, ci yo ke ê bişê bikerê çin yo. Werzenê û vera keyî kewnê ray. Na keyneke zî werzena xo ser vana hele ez bewnîya xo çorşme, ci est o, ci çin yo. Şina sereyê mezelî ver, ewnîyena ke mektûbêna siya mezelî vero ya. Mektûbere gîna wanena. Mektube de; na mektûbe kê dest kewo, o do çewres şew û roj nê mezelî awdo û koni kero. Keyneke xo bi xo vana; "Qey no qederê min o. Na mektube de se vano ez do winî bikera".

Ewnîyena zere de koniyên û ïnîyên û ïnî wero zî tasin est a. Şina tasê awe û konî gîna yena mezelî ser mezelî awe dana û koni kena. Şew û roj tim û tim mezelî awe dana û koni kena.

Demena tepeya rojê ewnîyena, xirrr kêber xo bi xo abiya. Na keyneke vana:

- Kêber akerde bo zî, heta çewres roj nêqedyo, ez nêşina çayên. Ka o do çewres roja tepeya se bo. Roja çewresi keyneke ewnîyena cinikêda siyatere, tertîsine amê kêberî ver. Kêbero akerde ra sereyê xo hetê zerîya derg kerd û ci ra pers kerd va:

- Waya mi ti kam a, ti ya çirê nê mezelî koni kena, merde kamê to yo?

Keyneke gureyo ke ameyo ci sere hemî cinêkererê vana. Vana:

- Ma ez se bikera, qey no qederê min o, ez paweya çewres roj temam bo ,o do se bo. Cinêke aye rê vana:

- Way feqîra min a qedersîya, heyfê na xasekeyde to nîyo. Ka bide ez vera to tayn konî bikera ti şorî teber hebê hewa bigî.

Keyneke vicêna teber. Hebê doş bena. Qe zerrîya ci rehet nêkena. Vana:

- Ez şira zere se beno se nêbeno. Çiyê nîro cinêke sere de. Na werzena yena, kêberê akerdî ra çiyo ke vînena û aşnawena ver, mat manena û herûnda xo de cemidêna. Ewniyena mezel abiya tede ra xortên vîcyo kes qîmis nêkeno biewniyo cira. Xort ewniyeno çorsmedê xo ra. Bê cînikta sîyater kes çin yo. Aye ra pers keno vano:

- Ti kam a?

A zî vana:

- Ez witya ra ravêrdêñ, mi mezelê to û ver o zî mektubêñ dî. Mi mektube wendi û zek mektûbe de va, no çewres rojî yo ke ez a mezelê to awe dana û konî kena û bi sebra pâwena o do se bibo.

Xort vano:

- Eke winyo, ti qederê min a. Ez do bi to ya bizewicya.

Keyneka qedersîya wexto ke nê qisan aşnewena herûnda xo de verê kêberî de gunena erd ro. Xort wera kêberî ewniyeno vano:

- A keyneke kam a?

- Cinêka sîyatere vana:

- A keyneke xo rê parse kerdêñ, gunayê mi ame ci mi va mi hete bimane. Eke ti zî biwazê, wa feqîreke zî xo rê, kêma de bimano kar marê ma bikero.

Xort vano:

- Ti senî wazena wa zey to bo.

Ti nêvajê xort zî bol zengîn o. Nê hurdna cinîyan gîno û beno qonaxê xo. Hewt rojî hewt şewî veveye kenê xort û ci-nêka sîyatere zewicênê. Keyneka qedersîya zî bena xizmikara cînan.

Rojêñ xort cinîyerda xo rê vano:

- Ez a kena şira sûke, ti çiçî wazena ez to rê biyara.

Cinêke vana:

- Mi rê qandê fîstanan çend topê îpeg û çend topî zî kedîfe biyâ.

Ew bêterê çî amorena, vana:

- Ney zî bîya, ey zî bîya, amorena û amorena.

Mêrdek ewniyeno keyneka xizmikar xo rê bêveng milê xo çewt kerdo vinderda û wînêna ïnan ra. Xort şino aye hete, aye rê zî vano:

- Qey ti çiyê xo rê nêvazena.

Keyneka qedersîya vana:

- Eke ti do mi ra çiyêñ pers nêkerê û çiyo ke ez biwaza bi-yarê ez do zî tayn cî biwaza.

Xort vano:

- Temam, ez to ra çiyêñ pers nêkena, ti çiçî zî biwazê ez do to rê biyara.

Keyneke vana:

- Mi rê siyêñ da sebrî, veyvekêñ û xençerên bîya.

Xort vano:

- Wa bo, ci yo ke to waşto, ez do to rê biyara.

Xort şino karê xo qedîneno, çiyo ke cinîyera ci waşto gîno, keno ke aye yero keye, çiyê xizmetçî yeno ci vîrî, aye yreno çiyo ke aye waşto gîno. Mêrdeko ke çî roşeno xortî rê vano:

- No çî kê to ra waşto?

O zî vano:

- Xizmikara ma waşt.

Mêrdek vano:

- Ti çî danê ci tepeya aye bipawe aye de îşkeleyêñ est o. Kes bîleheq nê çî nêwazeno.

Xort yeno keye. Çiyê cinîyera xo dano ci. Nanê xo weno bado çiyê xizmikarere beno û dano ci û şino, gamekna hê-dike aye yreno, kêberî vero xo nimeno.

Keyneke kewna zereyê odeyê xo. Çiyo ke waşto vejena, nana xo vera. Vana:

- Ez do nika estanika heyatê xo şîma rê vaja, veyyê ti do mi dînekerê, siyâ sebrî ti do zî sebir bikerê.

Keyneke heyati xo hemî, se biyo, se nêbîyo, çiçî ameyo ci sere de pêroyine bi venga vato û bermaya. Serê her vatenâ xo de zî veyye rê vato, veyyê mi dîneke, siyâ sebrî sebir biki. Vatenâ keyneke qedêna keyneke xençere gîna xo dest ke xo bikişo, xort reseno ci kardî ci dest ra gîno. Vano:

- Mi vatena to heme aşnawite. To çirê mi rê heta nika nêva

wina biyo.

Xort xo pêşeno ci ro û ci rê vano:

- Ti qedera min a. Ez do a ciniyera zûrkere bikişa û bi to ya bizewicya.

Keyneka qedersîya vana:

- Ti do senî aye bikişê, gunay a, ma ez qe verdana ti aye bikişê. A wazena wa marê xizmikarey bikero, wazena zî wa şiro.

Xort vano:

- Ti senî vana wa zey to bo.

Keyneke vana:

- Eceb maya min û piyê mi se bî, çiçî ame ïnan sere de.


Xort vano:

- Ti qe merq meke ez do ïnan bivîna.

Merdimanê xo arêdano, ïnan rê vano:

- Şima do bost bi bost hema cade bi geyrê may û piyê waştîyerda mi bivînê.

May û piyê keynekere vînenê û anê ïnan hete. Ë qandê keynerda xo hendek bermayê, hendek e bermayê cîmê ïnan biyê korî. Xort ïnan beno tixtor, cîmanê cînan keno weş. Çewres roj û çewres şewe veyve kenê, niqarey cînînê, nanî deyênê û ê zewijyenê. Peynîde keyneke hetanî merg, bi keyfa heyatê xo ramena.



MEŞK Û GÛ^(*)

Amadekar: Weyşî ARCAGOK
Çavkani: Yasin YUCE
Herêm: Fargîn / Amed



(*) Sernava vê çîrokê ji aliyê amadekar ve hatiye dayîn.

Yalçan

Karêñ gundan berê pirr tunebûn. Gundîyan genim diajotin, dûre betal diman. Rojekê gundiyyêñ me weka her rojê di binê siya darê de rûniştibûn. Birrek Dimsoyî tevî qantirêñ xwe û meşkên xwe yên tijî dims hatin li ber wan se-kinîn.

-Roja we bi xêr be.

-Hûn li ser seran li ser çavan hatin.

-Em Dimsoyî ne, dims difiroşin.

-Kîlo bi cî ye?

-Bi paxnotkî ye.

-Pîr nin e?

-Na, ne pîr e.

Xalitê Kal, rûspiyê civatê bû. Li civatê nihêrî, bala xwe da ku dilê wan tune ye. Ji Dimsoyiyan re got:

-Em ê bişêwirin, dûre em ê bersivekê bidin we.

Civat ji Dimsoyiyan bi dûr ket, Xalitê Kal dest bi axaftinê kir:

-Gundîno! Jixwe em hetanî du sê mehan betal in. Werin em vî dimsî ji wan tevî meşkan, tev bi hev re bikirin, ê hînek jî erzan bidin me. Em ê bibin bajêr, ji xwe re bifiroşin, kara xwe bikin û vejerin werin gundê xwe. Hûn ci di-

bêjîn?

Civatê di nava xwe de şêwra xwe kir. Dawiyê biryara xwe da, gotin:

-Dibe Kalo, em ê bikirin.

Gundî tevî Xalitê Kal vegeriyan binê siya darê. Xalitê Kal dest bi axaftinê kir:

-Dimsoyîno! Em ê dimsê we tevî meşkan bikirin. Lê divê hûn hînek erzan bidin me.

-Ma nabe Kalo, me got em nikarin erzan bidin.


-Heyran, hînek erzan bidin, em ê tevan ji we bistînin.

Piştî bazariye dirêj Xalitê Kal û gundiyyêñ dinê pereyêñ xwe dan Dimsoyiyan, dimsêñ xwe girtin. De-ma ku Dimsoyî bi qantirêñ xwe bi rê ketin, Kalo got:

-Dê bila dereng nebe, rabin em jî bi rê kevin.

Bi lingan bi rê ketin, meşk avêtin ser milêñ xwe. Gundî hetanî gihaştin bajêr, tava bêîman tîna xwe mîna tîrêñ tûj li wan barandin. Gundîyan belqîs li bajêr dimsêñ xwe fi-rotin, kara xwe jî kirin, meşkên xwe wan di destêñ wan de berê xwe dan dikanekê. Her yekê wan ji xwe re nan û helaw kirîn. Kalo got:

-Em herin ji xwe re li xanekê bimînin, em bîna xwe bidin.



Bi vê westiyabûnê em nikarin îro bi lingan herin gund. Sibehê em ê zû rabin û herin.

Gundiyên me berê xwe dan xanê, xweiyî xanê wan tevan bi cî kir û bi cerbikan av jî da wan. Dema ku bû êvar, derî li ser wan qîlî kir û lêxist çû mala xwe. Gundiyên me jî nan û helawên xwe xwarin û cerbikên avê jî bi ser xwe de kirin, xwe dirêkîn û bîna xwe dan. Pirr neçû ji wan yeñ got:

-Lawooo! Ez mirim. Nava min diçe. Û baz da ber bi dêrî ve. Derî girtî bû. Kir nekir venebû. Yekî dinê jî rabû got:

-Nava min jî diçe, ev ci ye? Demek şünde yên mayîn jî kirin qîrînî. Xalitê Kal rabû û got:

-Em ji ber helawê nexwêş ketin. Lewma nava me diçe.

Sofî got:

-Ji bo Xwedê ez nikarim hetanî serê sibehê bisekinim, ez ê di vir de birrîm.

Xalitê Kal got:

-Nabe Sofî, em nimêj dikin. Tu li ber serê me birrî hetanî sibehê nabe.

Reşo got:

-Ma em ê çî bikin?

Civat şewirî. Piştî şêwrê Xalitê Kal got:

-Dê ku wisa ye, em ê di meşka yekî de birrîn.

-Ê çawa be?

-Lawo ma ê çawa be ci ye? Bila du kes devê meşkê bigire, ê dinê jî tê de birrî, em ê devê meşkê jî girê bidin. Nava kê çû dîsa du kes devê meşkê bigire ê dinê jî tê de birrî. Hetanî sibehê çareyeke dinê tune ye.

Elo got:

-Dê baş e. Em ê di meşka kê de birrîn?

Kesî xwe neda berê. Tev xwe li kerrîtiyê danîn. Dawiyê Miho got:

-Em ê di meşka Kalo de birrîn.

Xalitê Kal bi vê yekê pirr aciz bû:

-Lawo ma ez ji we tevan mezin im. Hûn fedî nakin?

Reşo got:

-Ma te got heyran. Fîkr fikra te bû.

Xalitê Kal got:

-Ku wisa be, serê sibehê ez vê meşkê nabim. Divê hûn bibin.

Civatê ev yek pejirand. Hetanî serê sibehê nava kê dicû hat li ser meşkê rûnişt, du kesan jî devê meş-kê girtin, wî jî tê de rît, dûre devê meşkê girtin. Edî rojê hêdî hêdî xwe

nîşan da, dinya hinek ronî, meşk jî tijî gû bû. Xweiyî xanê derî li wan vekir. Gundiyân meşkên xwe yên vala girtin, yeko yeko ji odayê bi lez û bez derketin, meşka Xalitê Kal jî li ber dîwêr ma. Keseñ xwe neda berê. Xalitê Kal jî weka ku meşka xwe ji bîr kiribe, derdiket derve ku xweiyî xanê jê re got:

-Meşka xwe jî bigire. Te ji bîr kir.

Xalitê Kal ji ber neçariyê meşka tijî gû hilda, jî odayê derket. Gundiyên me li benda wî bûn. Kê ew dît pê keniya. Xalitê Kal got:

-Ez qebûl nakim. We ez xapandim. We meşka min tijî gû kir û gûyên we jî ez li xwe bar dikim. Ma Xwedê pê qayî dibe?

Xalitê Kal kir nekir kesekî meşk jê negirt. Wî jî got ku meşkê bibim biavêjim aliyê Bexçeyen Hewselê, ez jê xelas bibim. Bi aliyê Hewselê ve dicû ku dikandarekî gazi wî kir:

-Ha gundî! Ew çî ye di meşka te de?

-Rûn e.

-Helandî ye?

-Belê, helandî ye.

-Ê gamêşan e?

-Belê, yê gamêşan e.

Gundiyân fahm kir ku dawiya vê bazariyê nebixêr e, jê re gotin:

-Kalo tu ci dikî? Ma qey tu vê meşkê nafiroşî?

Xalitê Kal bi dengekî nizm bi ser de çû:

-De here bênamûs! Ez ê nefiroşim ci bikim, gûyê we hetanî gund bibim? Piştî ku we ev meşk di stûyê min de hişt, karê we pê tune ye.

Dikandêr got:

-Tu bi çiqasî didî?

-Tevan bi cil paxnotî didim.

-Meşk jî li ser de ha!

-Na, ez meşka xwe nadim.

Dikandêr got:

-Bide bide, tevî meşkê bide, ez ê bikirim.

Dikandar pereyên Xalitê Kal dan. Kalo pereyên xwe xistin bêrika xwe, meşka xwe danî erdê. Weka ku ciyayekî ji stûyê wî rabe, sivik bû. Wan berê xwe dan gundê xwe.

Dikandêr gazi hemalê xwe kir. Hemal hat, meşk hilda, ket pey dikandêr, çûn mala wî. Hatîn ji hewşê ketin hundî, dikandar çû daşirê. Hemal jî berê xwe da kîlerê. Jina di-

kandêr hat û got:

-Paşa, ew cî ye, te anîye?

Dikandêr ji daşirê got:

-Rûn e.

Jina wî got:

-Em li ku vala bikin? Kûpekî vala heye û kupekî nîvrûn heye.

Dikandêr got:

-Xanim, li ser kûpê nîvrûnê vala bikin.

Dikandêr him gû dikir him jî diaxivî. Hemal devê meşkê vekir, xwe hinek xwar kir, meşk li ser milê wî de gûyên gundiyan li ser kûpa nîvrûn de vala kir. Bîneke gellek tûj ket ser kîlerê. Jînik qîriya:

-Paşa, gû ye gûûûû!

Dikandêr bawer nekir. Hema ji daşirê, doxîna şelwarê wî jî di destê wî de bazda hat kîlerê. Hê bîna gûyê wî ji ber pozê wî neçübû, jî jina xwe re got:

-Xanim bîn ji qûna min tê.

Xanîmê jê re got:

-Ma tu li ku, daşir li ku, qûna te li ku, bîna wê li ku?

Dikandêr serê tiliya xwe ya biçük xist nava kûpî û xist devê xwe ku tahm bike, fahm kir ku gû ye, dilê wî li nava hev ket û destê xwe bi lez û bez jî devê xwe kişand. Ewqas ku bi lez û bez kişand, destê wî li dîwêr ket, şikiya.

Hemal jî pişti şikandina destê dikandar derket cû sûkê.

Vê rojê bajarî tev pê hesiyabûn ku gundiye kî ew xapandiye. Xapandin jî ci xapandine baboo! Gû firotiye daye wî.

Roja dinê dikandarê reben bi destê xwe yê nixûmandî hat dikana xwe vekir; cîranê wî lê civiyan, henekên xwe pê kîrin. Dikandar gellek aciz bû. Got:

-Ez ez im, ez viya ji gundiye kî re nahêlim. Ez ê tola xwe jê hildim.

Du roj sûn de Xalitê Kal û gundiyan dîsa hatin bajê, ketin nava sûkê, dikandêr ew dît. Ji cîranê xwe re got:

-Gundiye kû gû firot da min ha ew e ha!

-Berê hêrs bû, dawiyê hat bîra wî ku bi hêrsê tol nayê hilandin. Gazî Xalitê Kal û gundiyan kir, wî ew ezimandin, ji wan re çay xwest. Hevdu pirsin, dikandêr ji Xalitê Kal pirsî:

-Kurdo, te ez çawa xapandim?

Xalitê Kal got:

-Bi Xwedê ew bi zanebûnê nebû. Çîroka xwe ya meşk û gû, ji serî hetanî binî jê re vegot.

Dikandêr got:

-De baş e. Tiştek cû em nedin dû. Lê ez bî tiştekî hesi-yame, nizanim rast e yan derew e.

Xalitê Kal got:

-Ka bibêje, em ê binihêrin.

Dikandêr jê re got:

-Em pê hesiyane, gündî bênamûs in.

-Çawa bênamûs in?

-Hûn li gund li pey jinêñ hev digerin?

-E rast e.

Xalitê Kal têgihîst ku dikandar li pey ci ye. Dikandêr jî fahm kir ku dema hildana tola wî hatiye, bi kêfxweşî jê pirsî:

-Çawa?


Xalitê Kal li wî û cîranêñ wî nihêrî û bersiv da:


-Weka ku ez li pey jina te bigerim û tu jî li pey jina yekî din.

Gotinêñ Xalitê Kal dikandar û cîranêñ wî têk birin. Dikan-dêr got:

-Lawo dev jê berdin. Em nikarin bi gundiyan re serî derk-evin. Gundî afat in.

Xalitê Kal û gundiyan çaya xwe vexwarin. Bi serbilindî dîsa berê xwe dan gund û meşyan.





Arêkerdox:
Ridvan TAY

Çime: Hezo TAN

Serrê aye: 67

Herêm: Gutzani /

Pîran / Amed

Serre: 2015

Nemrûk

Ca beno ca çîne beno. Yew dewi de yew Nemrûk beno. Nemrûk aya dewe di merdimo en tersiker o. Waxlîke rayê ra şonu, seyya xora terseno. Heme millet tehda ey kenê. Keyeyê xo de zî çew ey nêgoştareno.

Yew şewa tarî ya, gjist gîllîra bi kî tera nêşona, varon vareno û serdo... Nemruk teber ra hewnîno, ageyreno cenîya xo ra vono:

- Cenêk ina şew şewa dizdun a, yew di ray vano.

Sonu zîfqîra bere, cenîya Nemruke ey gîna nûsk dona û beri padona. Nemruk ageyreno, donu bero vendono:

- Ceynêk ceynêk... ceynêk ber nêakena.

Nemruk dûşmîşêno seko seko dono piro şonu axorî ra yew haq û yew resine gîno. Rayîr ra yew kesa zî gîno û şonu .

Sonu şonu yew ko veyneno raştî yew şikefté yeno û qolla şikefté ra dîy yeno. Nemrûk vano kore ki est o sek ina şikefté de înson este. Şono fekî şikeftî, dono ber rê rô .dî ki,ber abi zere ra yew dêw veca. Dêw xîşn o, perro sek nêşno bixelesno dêw vera. Nemrûk vono:

- De se bî wa hînî bibo min

Û cayî xo de vindeno. Dêw vano:

- Tu xeyr o, ma însonan hewa ra geyrenê ki ma înan bi-werî, homa tu erdi de da ma. Ti çiyî çû kara yê?

Nemrûk hewnîno çewres heb dêw zerey mixara de yî.

Nemrûk dişmîşîno se biko û vano:

- Willay, ez zî embazî şima ya, şima ra yew bira ya.

Dêw vano:

- Şirtî ma estê heme kes nîşno biray ma bibo.

Nemrûk vano:

- Beno.

Dêw, Nemrûk gîno zerre û beno pîli xo het.

Pîli dêwan vano:

- Ti sîn şirtanî ma berrî ca ma to biray xo kenê. La ti nêşnî se ma to wenê. Şirtî mayo ewil kerra şiknayışo.

Dêw heme çewres kerra gînê dekenî destanî xo û wirdi wel kenê. Newba Nemrûk yena , Nemrûk ardi ra kera gîno qestî û toneka xo ra haq veceno. Haq gîno pel xuşneno. Awka sir û sîpî veceno. Dêw yewnûna hewnînê vanê no ci bela wo ma dekewtî. Nemrûk şirtî ewil erdi ca. Pîlî dêwan vano:

- Şirtî ma dîyîn, ma mîyî binî çengûlanî xo kaş kenî.

Dêw mîyyanî xo kaşkenî, mîyî inan gele ki xişnê, dora Nemrûk yena, Nemrûk venda yew dêw dono, binê çengîlî xo ra serey resine veceno, dono dêw dest, vono kaş ki, dew kaş keno nê keno resine nêqedîno.

Pîlî dêwan vano:

- Îno şirtî zi to girot, şirtî ma yî bînê, ma ijpijonê xo ma nawnenê. Ey kamî ki xişnîbî se, ey qezenç keno.

Destî xo fîneno govdeyî xo ra ijpija xo kaş keno,sey yew meys a. Dora Nemrûkî yena. Nemrûk desti xo fîneno govdeyî xo, kesa binî çakîti xo ra veceno. Erd de roneno, kesa rayir kuwena...

Pîlî dêwan vano:

- Birak, tu heme şirtî ma erdê ca, ti zî birayanî ma ra yew birayî. Gelek wext yewbînon miqayıf kenê. Pî newbey şonî êynî ra awk onê. Dora awke yena Nemrûkî, kind donî Nemrûk û Nemrûk raykenî eynê ser. Nemrûk kinde ra hewnî no, sey qama ey a. Kind awk deko sek, nêşno erd ra hawanû. Hama yew çîlka awke dekeno binî kindî û kind gîno va keno. Şono fekkî qûle, kufeno û vana ez merda, kinde gîno kaşkeno serey xo çîlka awka ki tedeya firkeno, kind gîno virvirneno(ceng keno) raşte. Dêwê Nemrûke ra hewnînî, çimê ìnan zîq benê. Îno merdim yew kinda awk yew firtî di firkenosek, ino yew çîftî de ma zî weno. Îno ci bela yo ma dekewtî. Nemruki ra vanê:

- Birak, ti rayna meso awk, awka ke ti onê tu rê qîm nêkena. Ma heme teyşûn monenê.

Nemrûk rayna ray nêkenê awk. Dora êziman yena. Nemrûke ra vanî:

- Birak şo êzîman berre.

Nemrûk vano:

- Ez nêşna şîra yew cema êzîm berra. Şîrê mi rê resineyî hewt dewan berrê. Ez dormareyî ko berra bera û fîna xo şelle berra.

Dêwî hewnînî Nemrûk inan ra zalime ro, vanê:

- Birak êzîma tu ma rê lazim nêya. Ti ewta roş. Ma êzîma xo onê. Nemrûk gînî benî kûşeyî en veynîdi roşinenê. Ben-

tarê xo di qalî kenî[tereqnenê], vanî:

- Ma ino merdim ra senî bixelesi, ma çirayî ino seriser nêşnî şîrê.

Dêwana yew vecîno û vano:

- Wextî ke rakewt ma awka kelkewta ma pirokê û ko de bimiro. Vengî dêwan şono Nemrûkî. Şew bena Nemruk şono ke kûşteko(rakewo). Senî dêwî rakewnê Nemrûk cila xo ra wardeno. Yew bargîr gir dono. Dekeno herinda xo û leheyf piradono. Şono xo yew huqe de nimineno. Nîmey şew beno. Dî hebbî dêw neqla awka kelkewta onî. Cûr de cila Nemrûkî re kenî û vazdenî şonê. Nimaje beno. Yenî Nemrûk ha cila xo de. Pîlî dêwan vano:

- Birak şewa tu senîn bî.

Nemrûk:

- Şew yew wext, sek yew helmû germin ame min.

Dêwî hewnînî çare Nemrûke de nêveyenê. Nîeşkenî ki tere pûnk bîbî. Nemrukî ra vanî:

- Birak bî ma yew heqibeyî zerdan bidê tu û şo keyeyî xo.

Nemrûk qebul keno la vano:

- Yew şirtî min zî est o. Ez nîşna rayir ra şîra keye. Şima min milî xo serde berrê sek ez şona...Yew dêw ey gîno xo sele û beno keyeyî ey. Dano berro ceynêka Nemrûkî vana:

- Ay kam o?

Nemrûk vano:

- Ez a ez, ber aki.

Ceynêk ber akena. Dêw û Nemrûk şonê zere. Dêw gelekî ca Nemrûk û zerdî wegrotô û betelewo wextî ke Nemrûkî erde di roneno. Dêw of kaş keno, Nemrûk vayî dêwî ra hawa ra çeng beno. Nemrûk venda ceynêya xo dano:

- Ceynêk hele ay karmeyî bawkalî min beri. Ez serrey ino dêwî derreka.

Dêw hama xo berra keno û perreno şono. Heyanî qula xo bi ra çîfî zî nêgîno û vazdeno. Wextî ki qûla xo reseno dêwî ra persenî vanî:

- Tu se kerd? Tî senî xelesiyayî ay bela ra? Dêw vano:

- Le le mepersî, ci bela bi. Mayan ne aywa merdimo jîyat ardo ridê erdon nê zî vacî. Mi ey milî xora senî rona. Birra erdi ra nêdisa. Hawa ra geyrayî û venda ceynêya xo da, va:

- Hele karmeyî bawkalî min berrî. Ez serey ino bida piro.

Hama mi xo ber ake û ez vazdaya. Min xo zor xelesna. Heq esto ke ma yew qirbûn bidê....



Ferhengê Cîteran

Arêkerdox: Deniz MAYA
Çîme: Mahmud MAYA
Ca: Hêni / Amed
Serre: 2015



Alet: A ke pê cite bera.

Berd: Hîris patîla vaş

Beyare/Bure: Hegayo ke ti ra debrê xo hawanani, cit nêkenî bêcît veredanî (hêgayo nê ramite)

Çap: Nêm welçek (2 qînat) toxim.

Cit: Erdî ramitiş.

Cîwîn: Cayo ke seba qutîş xele, cew, mercî üsb., pêser benî.

Cîwîn Qelebnayîş: Cîwîni serebin kerdiş o.

Dormareyê cîwîni kê erzenî orte ke cîwîn pêro bikuwîyo.

Çuwal: Layê pemeyî ra virazîyeno.

Kê xele ti cew dekenî bide; zexme yo.

Darey: Çyo ke pê dare yena birnayış.

Boça aye asinîn a, pê dare taraşî kenî.

Destik: Qirime de cayê tepiştîş yo.

Digoş: Kê pê tellî hawanani ronenî sê çital a.

Elb: Sitiha darîn.

Filhon: Hêgayo ke cite biyo labelê toxim nêerzîyao bide.

Firêze: Xele ti cew çînayîş ra dim herinde ke manena vanî firêze.

Gizle: Virarik sap yan zî vaş girêdaye.

Hamûd: Deben mil bergîr, nîreyê bergîran o.

Hefilkardîş/Hefilnayîş: Pê qazmeyo şenîk dormareyê lemî bostanî kenayîş ra vanî.

Hiwe: Kê pê herre hawanani ti erzenî ti pê xelan akenî.

Hiweyo Darîn: Çyo ke pê xele yeno vaydayîş.

Hole: Ciwîn ser ra gayan çarnayış.

Keleme: Nîre milî de eyar keno.

Kerêy seqa: Çiyê asininan kê pê tuj kenî.

Kêş: Kêşê simerî, kêşê vaş. Vaş ti simer yew cayî de pêser beno.

Lebode: Pistê misazî ra vanî lebode, kê pê sirs ponk kenî.

Lem: Lemî firingî, lemî isot, lemî xiyar üsb.

Leyek: Dare ke newe ameya ronayış.

Lîsim: Parçeyê alet o, sirs debena bide herr akeno xel virazeno.

Lionca: Ca pê xetî kifş kenî/aw-toxim.

Mer: Çyo ke pê rez ti verê daran yeno kendîş.


Milîf: Aleta dormareyê cîwîni arêdayîş ti vaydayîş ya.

Milêfa Asinin: Çyo ke pê şimbîf yenî arêdayîş ti pê sap erzenî patose.

Milik: Ser kiftê gayan de yo, nîreyî ra beste yo.

Misaz: Çuwaya derg a. Yew sereya pist (lebode) yew sereya zixt a. Kê pey gayan romenî.

Mışare: Benateyê lijnayan o, xetê lijnayan.



Mışone: Aleta ciwîn kutîş ya. Sereyê aye texteyin a binê aye de kerreyf tuş pira yî.

Nîre: Debeno milê gayan, sîrsî ra bestiyêno.

Patîl vaş: Vaş çînêni sê gêsanê porî munenî, nê ra vanî patîla vaşî yan zî vaşo munte.

Pemiste: Toximê pemeyf kê erzenî miyanê herr. Den-dika miyanê pemeyf.

Pircin: Çîyo ke pê xele û cew yeno vijînayîş. Qulê aye werte yî.

Pûz: Peme ramîtişî de awa verînî ra vanî pûz. Semedo ke toxim miyan de vînd nêbo û semedo ke peme yew bêro.

Qazme: Çîyo ke pê erd yeno aşonayîş. Kê pê hîgâyî ke-nenî.

Qedîfe: Daro ke pê layê qenab besten semedo ke nîre milê gayrî ra nîfeletîyo.

Qedum: Aleta ke teşne dana daran, dare birnena û pê eşef zî bena.

Qeşawî: Pê gâyo û beygîro kê tîmar kenî.

Qevd: Kê pê yew destê xo tepişenî.(qevda vaşî)

Qelem: Gilê dâhleb seba ramîtiş.

Qılıç: Kê dest xo nanî ser sirse şîna warey.

Qirim: Aleta çînayîş ya, kê payî ra çînenî. Boça aye derg a. Kelendir.

Qînat: Çar ra yew welçeka toximî, çarek.

Qiyale: Mabenê ser sibaya taştare de boyâ xo girewtîş. (paydos kenî şînî qiyale)

Qur: A ke sirse qurînî ra şîna, ga pê dejiyeno.

Req: A ke sirse qurînî (xorîn) ra nêşîna, ga pê nêdejîyeno.

Rewa: Herr ave ra mird bîyîş(payîzî de beno) rewa şîyîş/rewa nêşîyîş.

Ristim: Kok, reye.

Rîş: Nîre û sermûsle pê ra besten.

Sap: Puşê; beşnê xele, cew, mercî, niha üsb.

Sede: Goreyê qewetê heywon xo rê ca kîş kenî.

Heywon eşken cit bikero

Simer: Puşê xeleyî yan zî cewî yo. Hebê ey abiryayo.

Serad: Pê xububatan serednenî. Qulê aye xişî î.

Seraw: Zexel bêro seraw kenî.

Sermûsle: Alet derg keno, benateyê ga û alet de yo.

Sirs: Sereyê aye asinin û tuj a, erdf xet kena.

Şalag: Baro ke kê yew rayî de wegêni.

Şeft: Xete ke xele ameyo vaydayîş.



Şiq: Hêgayo şenik ra vanî şiq.e

Şimbêl: Qucîk(verar) xele, cew û mercî üsb...

Tar: Pê vaştrîf xele û cew çinayıf de debeno destê çepî, xeleyo ke çinîyêno pê tepîşyêno

Tarom: Cîwîno ke kute yo labelê hema xele û simer yewbînanra nê abirîyayî (taromê cîwîn)

Telbî: Cayo ramite, citkerde (telbî gîlgîlî)

Tefsî: Sô xîarf ya, peme debeno bide.

Terke: Hêgayo ramite ra vanî terke

Tewre: Çuwâlfî ra şenik o û tenik o; zexm nîyo.

Tirmix: Çiyo ke pê xele û puşe yeno arêdayîş.

Torzî: Çiyo ke pê dare yena birnayıf û şikitiş. (Êzim şikitiş)

Towk: Bazin, aet û sermûle pê ra bestenî.

Toxim: Hebê xeleyan, nihayan.

Mercîyan üsb ke ramîyêno (Yeno ramitiş)

Vaştrî: Aleta çinayıf ya, kê roniştîkî ra çînenî.

Boça aye kîlm a.

Vay: Rayîrê awe ra vanî vay. Awe piro şîna hêgayan.

Vaydayîş: Taromê cîwîn pê hêzê vayî xele û simer pê ra abîrnayış.

Velg: Darê azgil û darê balûye ra gilan şeniko bîmenî gîredanî wuşk kenî zimistanan de danî terş û dawarî rê.

Vervay simer: Cîwîn vaydayîş de simero wurdîyêk binêk cîwîni ra dûr şîno. (Simero ke zaf wurdî yo.)

Welçek: Erdî de cayê çar qînat toximî.

Xardos: Kê pê aletan tuj kenî.

Xendek: Vaya hem verîn a hem zî qurîn a.

Xet: Şîtilê bostanî kê tede ramenî.

Xîrar: Muye ra virazîyeno, hinda di çuvalanê simerî debeno bide.

Xubar: Bê zîr ramitiş o. (Paweyê Homayî veredanî)

Zibil/Zibila: Gîyê dewaran wuşk kenî, dekenî bostanan û daran ver.

Zimbîl: Qırşî ke sereyê cew û xele de yî.

Zîr: Wedîy toxim ramitiş.

(Kê eşkenî toximî bierzî hêgâyî)


Seba toxim eştişî rê zîr beno.

Zîxt: Sereyê aye de mêt pirodaye ya. Çuwaya derge ya.

Zîldayîş: Toxim zergûnêno. Zergûn biyiş.

XACEPIRSA MAMIKÊN AJALAN

Ronya Bewran



Ji Çepê Ber Bi Rastê


2. Dest û pê çermanî
xwe hiltanî çacañî
Ev ci ye?
5. Mamikê mino gewr e gewerol e dike hêkên
girover e dixusîne ne mar e; Ev ci ye?
7. Reş e, reş e wek qîr, spî ye wek şîr, çê dike kût-likê jina mîr; Ev ci ye?
8. Şîva terr e, li guher e; Ev ci ye?
10. Hemhemî, belbelo, simbêlbelo, simîsimî,
diwar simî; Ev ci ye?
12. Tim dibêje bûk, lê ne zava ye; Ev ci ye?
13. Mamikê mino, dixwe û narîte; Ev ci ye?
15. Eba berleko, li nava beyaran; Ev ci ye?
16. Spî ye ne keşk e, guhbel e, ne misk e, bîharan
terr e, payîzan hişk e; Ev ci ye?
19. Ji dûr min dît kevirek, cûm nêzîk min dît çar
ling û seriyek; Ev ci ye?
20. Ez çûme ser milekê, min berê xwe da
helanekê, hemî bûkên salekê; Ev ci ye?

Ji Jor Ber Bi Jêr

1. Mamikê mino, ji berfê spîtir e, ji xwînê sortir e, ji
qîrê reştir e; Ev ci ye?
3. Karika kejik, li ser hejik; Ev ci ye?
4. Mamikê mino ser mişar e pê xepar e; Ev ci ye?
5. Mamikê mino di quelekê de keriyekî pez e; Ev ci ye?
6. Hilû ye, bê mû ye, mamikê mino; Ev ci ye?
7. Sergilgil e, bingilgil e,
çavzîq û simbêlbel e; Ev ci ye?
8. Xatûna cilkezî, li pist malê dibezi; Ev ci ye?
9. Çeqmec e,
laq û peq e,
her kî dest bidîyê ehmeq e; Ev ci ye?
11. Guhbelo bi rê ket, girovero bi ser ket,
xeftanzero bipey ket; Ev ci ye?
14. Ne aşiq e ne gewende ye,
dijminê qewmê xwe ye; Ev ci ye?
17. Tiştekî min heye, tim di nava avê de ye, lê qet şil
nabe; Ev ci ye?
18. Kalokî tê ji deştê, barê striyan li piştê; Ev ci ye?

BERSİVDANK

Ronya Bewran



folklor
kurdan

